

*et collegio de la Compagnie de la Comyn  
de Paris. Le Senille. 82.*

COMMENTARIORVM

*82* DE BELLO APHRODIS

*207* SIENSI LIBRI

QVINQVE

AVCTORE HORATIO

NVCVLA INTE

RAMNATE.

*C. 22  
C. 8*

*R 29  
4/12*



*82  
N° 227*



COMMENTARIO RVM.

DE BELLO AFRICANO.

LIBRI

QUINQUE

AUCTORE HORATIO

INCVLA INTER

RAMNATE.



I V L I O I I I P O N T . M A X .

S . P . D .



V M animaduenterem Pa-  
 ter Sanctissime ex nullis  
 alijs auctorum monimen-  
 tis maiorem aut uolupta-  
 tem, aut utilitatem, quàm  
 ex historia capi, dilexi ab ineunte adolescen-  
 tia rerum gestarum memoriam, sumq; uehe-  
 menter earum lectione assiduè delectatus:  
 atq; id causæ fuit, ut mihi in Sicilia anno su-  
 periore commoranti ueniret in mentem tenta-  
 re, an ipse quoq; aliquid ad communem studio-  
 sorum utilitatem prodere memoriæ possem.  
 præsertim, quòd Ioannes Vega illius insulæ  
 Prorex mihi argumentum scribendi præbuit,  
 qui in Africam Cæsaris classe traiecerat,  
 paucisq; copijs Aphrodisium urbem penè om-

niam munitissimam, tutum piratarum receptaculum præter omnium opinionem expugnarat. Sed quoniam animaduvertebam non eam in me esse orationis facultatem, ut ipse historiam satis commodè scribere possem; nauavi operam, ut commenariis tantummodo conficerem, ut qui Aphrodisiense bellum commendare literis cuperent, ex ijs rerum gestarum ordinem facile cognoscerent, paratūq; scribendi argumentum haberent.


Hos igitur in apertum prolaturus Pater sanctissime, te unum ex omnibus eligendum putavi, cuius tutelæ opusculum nostrum multis de causis commendarem: etenim in altissimo isto dignitatis gradu constitutus ijs uitæ institutis assiduè uiuis, ut infestos Christianæ Reip. hostes, quos nullis rationibus, nullisq; consilijs se ad bonam frugem recipere uelle animaduertis, coerceri, & in seruitutem abstrahi: illam autem tuto frui otio, ac tran-



quillitate semper studeas : & eo nomine  
 Cæsaris exercitum in Africam Duce Vega  
 ad illud oppidum expugnandum proficiscen-  
 tem instructis triremibus , militibus , & Pon-  
 tificiæ facultatis donis adiuvisti . Ad hæc te  
 ita ueri cultorem iampridem nouimus , ut cum  
 sola rei gestæ ueritas nostris in scriptis inclus-  
 sa sit , & singularum ipse rerum , quæ eo  
 in bello acciderunt , scriptores , & nuntios  
 habuisses , si in lucem sub tuo nomine profes-  
 ratur , credituri sint , qui perlegent , histor-  
 riam nostram simplici ueritatis ratione cons-  
 stare . Præterea cum nemo sit , qui nesciat  
 te omni liberali doctrina , atq; acri , & proz  
 pè singulari iudicio præditum , ac non modò  
 de literis ipsis , sed etiam de illarum studiosis  
 semper optimè meritum , spero fore , ut sum-  
 ma tua eruditione , & auctoritate , quæ iuz  
 re omnium amplissima in terris habetur ,  
 plurimum splendoris commentarijs nostris

accedat ; benefica autem , proluxaꝑ; natura  
 præclarissimè nobiscum agatur . præsertim  
 quòd Vegam tanti belli Ducem , confectoremq;  
 ita diligis , ut præclara illius facinora magna  
 cum uoluptate perlegas , illorum autem scrip-  
 toribus non paruum honorem habendum cen-  
 seas . Accipe igitur non inuitus munusculum  
 hoc nostrum Pater Sanctissime , & mutuum  
 in eo Vegæ erga te animum agnosce , qui me  
 Aphrodisiensis belli scriptorem anno superio-  
 re expugnati Aphrodisy spolia ad te perferre  
 uoluit , & absolutum nuper de eo bello opus-  
 culum Sanctitati tuæ dicare cupientem non  
 inflammavit solum , sed interposita etiam aus-  
 toritate sua id maturare quamprimum coez-  
 git . Vale .


Horatius Nucula .




231015Z

016747912









OMINA quarundam  
 Urbium, locorumq; Afri  
 cæ, marisq; mediterranei,  
 de quibus his in commen  
 tarijs agitur, infrascripti:  
 quæ latine ideo in ijs ponenda censui, ut gra  
 uitatem historiæ seruarem: hic uerò, quibus  
 uulgo utimur ex altera parte respondentis  
 bus, declarare ea uolui, ne legentibus inter  
 pretandi, aut inquirendi labor esset: etenim  
 quantum in nobis fuit, laborauimus, ut cun  
 cta loca proprijs nominibus appellaremus:  
 qua in re si fortè, quod facile memoria no  
 stra ob corrupta, immutataq; uocabula con  
 tingit, erratum fuerit, satis habeas me latinis  
 nominibus ea oppida, locaq; significare uo  
 luisse, quæ hac interpretatione expressi.  
 Quanquam nonnulla quoq; hic inuenies loca

rum nomina, quæ cum non antiqua esse putarem, neque si essent, assequi coniectura possem, quibus uocabulis ab antiquis scriptoribus appellarentur, ijs, quibus nunc uulgò utimur, ea nominare coactus sum. Quare rogatum te uelim, ne laborem hunc meum aspernere, sed animum potius in commune consulere cupientis amplectare. Vale

**A**  
*Adrumetum* . . . *Adrameto* Città antica  
 dell' *Africa* minore.  
*Aphrodisium* . . . *Africa* uulgarmente det-  
 ta Città principale della  
 medesima *Africa* me-  
 noresore .

**B**  
*Baleares insulæ* . *Maiorica*, & *Minorica* .

**C**  
*Catina* . . . *Catania* Città principa-  
 le di *Sicilia* .  
*Cæsarea* x . *Algeri* città di *Barbaria* .  
*Centumcellensis portus* . Il porto di *Ciuita*  
*Vechia* .  
*Cercina* . . . *Cercenna* Isola apresso  
 alla *Sirte* minore x  
*Cercinitis* x . Isola picciola apresso à  
*Cercenna* x  
*Cephaledis* . . . *Cefalù* Città di *Sicilia* x

Clupea.

Calliuid Città dell' Afri  
ca minore \*

Cosyra.

La Pantalarea Isola  
apresso à Africa .

Curubis.

Caruano Città principa  
le dell' Africa minore.

Cyrenè.

Còrena regione, et confi  
no della medesima Afr.

Drepanum.

D

Trapani città di Sicilia.

Ae

Aegusa.

La Fauignana Isola  
apresso à Trapani.

H

Hispania citerior.

La parte di qua di spa  
gna , che contiene in seCatalogna , Aragona ,  
Nauarra , & Biscaia  
con parte del Regno di  
Tolieto.



*Insubres.* . . . . . Quelli del Ducato di  
Melano.

## L

*Larunesiæ insulae.* Le cunigliere apresso à  
Monesterio.

*Liburnus.* . . . . . Li uorno porto, et Terra  
di Toscana.

*Lilybæum.* . . . . . Marsala Città, & proz  
montorio di Sicilia.

*Lotophagitis.* . . . . . Isola delli Gerbi, quæ  
& Menynx dicitur.

## M

*Mamertini.* . . . . . Li Messinesi da Messina  
Città di Sicilia.

*Marnabe.* . . . . . Luogo, & Terra dell'  
Africa minore.

*Menynx insula.* . . . . . Li Gerbi, quæ etiam Loz  
tophagitis appellatur.

**Messana .** Messina Città principa-  
le di Sicilia .

**Mylæ .** Melazzo terra forte di  
Sicilia .

### N

**Neapolis in Africa .** Mahometta Terra di  
Barbaria .

**Numidia .** Regione di Barbaria .

### P

**Pachynus .** Capo passaro promonto-  
rio di Sicilia .

**Panormus .** Palermo Città principal  
di Sicilia .

**Pelorus .** Capo del faro , promon-  
torio presso à Messina .

**Pompeiopolis .** Pampalona Città di spa-  
gna citeriore .

**Promontorium Mercurij .** Capo buono , pros-  
montorio dell' Afri-  
ca minore .

**Siagul.** Susa Terra del regno di  
Tunesi.

**Spedia.** La spetia porto & ter-  
ra di Liguria.

**Syracusa.** Siragusa Città principal  
di Sicilia.

**Tacape.** Città dell' Africa meno  
re presso al fiume Triz-  
tone.

**Taphra.** Sfax Terra della Sirte  
menore col porto.

**Thermæ Himerenses.** Termine. Città di  
Sicilia.

**Triton.** Fiume della sirte minore

**Vfica.** Biserta, o uero porto Faz-  
rina, Città, & porto di  
Barbaria.

HORATII NVCVLAE INTE-  
RAMNATIS COMMENTA-  
RIORVM  
DE BELLO APHRODISIENSI.  
LIBER PRIMVS.



V M antehac nonnullas  
ex multis rebus à Prore-  
ge Vega in Sicilia præ-  
clare gēstis ad amicos cō-  
scripserim, potius ut ro-  
gātibus illis morem gererem, summamq; erga  
illum pietatem declararem, quàm ut ipse in-  
fantiae meae beneconsciis, mihi tantum assus-  
merem, ut huic me oneri sufficere posse ar-  
bitrarer, censuerunt nonnulli (qui ipsorum  
est in me amor, & in tantum uirum obser-  
uantia) illud mihi in præsentia suppeditari  
argumentum, quo multo liquidius quanti illū  
faciam, ostendere, & nomen meum immor-



talitati commendare possim. Vtinam ea esset ingeny mei acies, dicendiq; facultas, ut mihi istud ex sententia præstare liceat: etenim tantum egregijs illius uirtutibus debere fateor (quibus iam pridem allectus, & colo ipsum uehementer, & unum ex omnibus facio) ut siquam ipse, ex multis rebus quas ille gessit, distinctè, ornatèq; prodere memoriæ possim, cum omnibus mortalibus de felicitate me certare existimem. Sed cum planè uideam (si quid coner) futurum esse, ut, cum nec ingenio, nec exercitatione, neq; stylo dicendi opifice quicquam ualeam, egregia tanti uiri facta, quæ illustranda essent, per nos obscurentur potius, & offundantur, uenit in mentem præclarius fortasse nobiscum agi, si illa mecum tacitus admirer, & doctioribus, ac diu, multumq; exercitatis uiris scribenda relinquam. Sed cum rursus animaduertam, me apud bonos uiros, negligenter

tia, & prætermiffi officij & ingrati animi nomine, & fugientis laborem fufpectum fore, nifi faltem, quid ea in re exiguæ uires meæ poffint, experiar (cum homines, hominum caufa generati fimus; & in ijs, quæ ad communem utilitatem fpectent, uigilare, ac pro uirili noſtra laborare debeamus) decreuit tandem, aliquid tantarum rerum non hiftoriæ filo, quod alijs prorfus relinquendum cēſeo, ſed quoquomodo poſſim, & ut ſoleo, rudi oratione mea complecti uel potius commentarios conficere, ut qui hiftoriam perſcribere, et Aphrodiſienſe bellū per Ioannem Vegam cum ſuſceptum, tum ſumma cum gloria perfectum literis mandare uoluerint, in ijs propoſitum, paratumq; ſcribendi argumentum habere poſſint. Efficiet fortaffe officij uis, ut, dum quoquomodo poſſumus illud conſcribimus, ſi nihil laudis ad præclaras illius res per nos accedat; nihil tamen ex illarum

*splendore scriptis nostris detrahatur . Quod  
 quidem & si minus assequi potero , me tamē  
 consolabor , per me non stetisse , quin animū  
 illi meum declarauerim , & ijs , qui id tanto-  
 pere nostra , & illius causa desiderare uiden-  
 tur , officiose paruerim . Sed quoniam ple-  
 risq; eorum qui nostra legent , ea fortasse ob  
 locum , quem apud ipsum teneo , egregiamq;  
 uoluntatem ab illo iampridem in me colla-  
 tā , officij maiorem auctoritatem habere uide-  
 buntur , quā sententiæ , aut ueritatis , quæ  
 in hoc scribendi genere potissimum exigitur ,  
 omnes in animum inducant , sibiq; omnino  
 persuadeant uelim , ita illum ueri percupidū ,  
 ac cultorem esse , ut , si quid ipse ficti , & com-  
 mentiti , nedum falsi , simulatiq; ( quod qui-  
 dem semper ab institutis meis alienum fuit )  
 scriptis meis inserere , tantumq; admittere fa-  
 cinus conarer , non modo ille non æquo ani-  
 mo laturus esset , sed potius me quouis odio ,*

atq; animaduersione dignum putaret. Quæ propter ad rem iã ueniamus, cui, eorum præsertim testimonio, qui & coràm adfuerunt, & omnes ferè hodie uiuunt, nihilo plus quàm concedat ueritas, tribuemus.

Post nōnulla Africæ oppida in turcarū potestatem redacta; multæ Italiæ urbes maritimis in locis sitæ, et omnes ferè insulæ, quæ in Infero mari iacent, maximum à prædonibus detrimentum accipere: Sicilia in primis, quæ cū soli fertilitate, diuitijs, & cunctarum rerum copia cæteris præstet, breuisq; insuper in hanc ex Africa sit nauigatio, piratarum iniurijs, atq; impressionibus maxime patet. Draguztes enim archipirata insignis, & inter barbaros admodum strenuus (ut alios in præsentia omittamus, nec rem altius repetamus) cum haberet, quo se tutò iure suo recipere posset, totum hoc mare, quod Europam ab Africa diuidit, ultro citroq; impune currez



bat : atq; ita negotiatoribus sua classe infestū reddebat, ut pauci admodum iam nauigarēt, qui non se aut mortis, aut seruitutis periculo committerent. Et si permagna est, & pulcre instructa Cæsaris classis, atq; eius præfectus Andreas Auria omnium fortasse, qui unq; fuerunt, rerum naualium peritissimus, & rebus antehac gestis uir clarissimus, cuius prudentia, ac uirtute Dragutes ipse ( si ad manus uentum esset ) superari, quod alias euenit, atq; in seruitutem redigi facile potuisset; tamen munitorum locorum opportunitate, uel nondum tempestiuo ad nauigandum mari, classem ille educebat, & loca iniuriæ obnoxia perspicuens summa cum celeritate petebat, quosq; poterat quæstus consequendi studio cursus conficiebat, uel cum Cæsaria nam Classem libero ad nauigandum mari egressam nouerat, singulos illius motus, progressusq; sic explorabat, ut diuersissime ab

ea semper nauigaret; & eo nomine naues  
quàm plurimas arbitrato suo caperet: oppi-  
da & maritima loca expugnaret: miserorū  
fortunas prædaretur, seq; in tutum inuitis  
nostris semper reciperet. Et res eò iam de-  
ducta erat, ut pauci (ne nullos omnino dixe-  
rim) ex ipsis portibus egredi auderent; præ-  
sertim quòd æstate superiore Princeps Au-  
ria cum tota classe illum perdendi causa inse-  
cutus fuerat, & aspirare ad eum nunq; po-  
tuerat. Et cum antehac ob liberum in Me-  
ningem tantum insulam, & parua alia mu-  
nita loca receptum, tot iniurijs, cædibusq;  
Christianam remp. affecerit, nemo non ui-  
debat, Aphrodisio oppido nuper oppidano-  
rum dissensione, ac negligentia per illum cap-  
to, pessime nobiscum posthac actum iri, nisi  
illius motus, conatusq; euestigio prohiberen-  
tur. Etenim cum ea Vrbs egregie natura,  
etiam opere sit munita, non erat dubium, si

diu ea potiri Turcis daretur , quin ita nouis  
 munitionibus firmari posset , ut , cum nullis  
 postea opibus expugnanda esset , facile eo pro  
 pugnaculo Turcæ totius Africæ Imperium ob  
 tinerent . Cum putaremus igitur , non par-  
 uæ ipsi Cæsari , & Christiano nomini maz  
 culæ & dedecori esse , hominem barbarum ,  
 infimo loco natum , per rapinas , prædas , illi  
 berales quæstus , ac sordidos diuitem factum ,  
 seruum quondam nostrum , in summam per  
 niciem Reip. à Ianettino Auria Principis Le  
 gato , ac fratris filio pecunia dimissum , tot  
 clades quotidie nobis infligere , tantasq; opes  
 ante oculos nostros nemine prohibente sibi in  
 Africa comparare , manare cœpit fama , quæ  
 postea constans percrebuit , de bello aduer-  
 sus Dragutem , cæterosq; prædones cogitas  
 ri , quod æstate proxima Cæsaris auspicijs  
 per Andream Auriam mari , per Ioanem au  
 tem Vegam Siciliæ Proregem terra gerendū

esset ; atq; ea loca , & oppida expugnanda , quæ in ipsius Dragutis , reliquorumq; piratarum manu essent . Et si constabat , Cæsarem crebris ipsius Vegæ literis incitatum , habere in animo Meningem insulam primum omnium bello tentare ; quæ multos annos tutum prædonibus , Draguti in primis receptū præbuit , omnibusq; rebus ad calamitates nobis infligendas illos adiuvit ; & idcirco ipsum Vegam Siciliae Proregem , ad quem eius belli summam deferret , designasse : tamen quoniam per viros rerum peritos iudicabatur , id bellum nullis præparatis rebus haud quaquam ea æstate fieri posse , existimabatur Aphrodisium certe ob eas , quas memoravimus , causas , quàmprimum è scytharum manibus extorquendum : præsertim , quòd dum ea ciuitas Asa Gerbino archipirata , qui superbe dominabatur , expulso , se in pristinam libertatem vindicaret , ad ipsum Siciliae Pro-

regem continuò scripserat , ageret cum Cæsare , ut ipsos in fidem ; & clientelam acciperet. Et Prorex ipse ut res se haberet, Cæsari perscripserat , quâq; illa Ciuitas uoluntate erga ipsum esset , significarat. Et respòsum iam à Cæsare expectabat , cum Dragustes ipse rei fortasse , quæ cum Vega ab Aphrodisiensibus agebatur , non ignarus , & id, quod ille cum Cæsare pro ijs ageret , probe nosset , ad id oppidum tanq̃ aliò nauigaturus classem direxit : cumq; discordes oppidanos, negligentes, atq; imparatos, & nil tale cogitantes offendisset , nullo penè negotio urbem cæsis custodibus furtim cepit, præsidioq; firmavit . Cum in eius rei expectatione omnes essemus ; & Vegam cum summa belli potestate illò traiecturum putaremus , cum quòd loci propinquitate prouincia Africa iure illi ueniebat : tum, quòd eam sibi opinionem ex rebus præclarissime tam bello ,

quàm pace gestis apud omneis comparauit ,  
ut nemo non compertum haberet , id bellum  
negotiumq; quodcumq; ille susciperet , ex om  
num sententia confectum iri, constans ad nos  
rumor affertur, Cæsaris classem aduentare ,  
sed non pro nauium numero , ac pro eo bello  
suscipiendo exercitum ferre: constabat enim  
ex ys Cæsaris copijs , quas in Gallia cisalpi  
na ad eam tuendam semper habet , ipsum  
præfectum Auriam ad mille Hispani generis  
militum , quibus Ferdinandus Lupus Lusita  
nus præerat , à Ferdinando Gonzaga cum  
Imperio eam prouinciam obtinente , accepisse,  
eosq; Spediam, quod est Liguriæ oppidum  
ad Lunensem portum conuenire iussos , atq;  
inde in classem , cum è Genuensi portu, illac  
transiens Neapolim uersus nauigaret , im  
positos , & alios circiter octingentos ex Nea  
politano præsidio eductos , tantummodo secū  
uehere . Nam tam etsi præter Hispanos mi



lites circiter quadringentos , qui iugiter in Sicilia stipendia faciunt , ut in Urbium , & parum munitorum locorum sint præsidio , nuper habitus in eadem prouincia delectus fuerat , & sexcentorum itidem Hispani generis militum numerus in eam rem conscriptus : tamen existimatum non temere à nobis fuit , Aphrodisiense bellum tam modicis copijs minimè geri posse : & propterea non Aphrodisium oppidum bello laceffendum , sed ipsum potius Dragutem cum cæteris prædonibus quacunq; ui petendum esse . Nec ea nos fefellerit opinio : propterea quòd eo animo Andreas Auria , quod postea constitit , ueniebat , ut prius Dragutem ipsum persequeretur , & ( si fieri posset ) è medio tolleret , quàm illam urbem bello tentandam putaret : quam quidem uel deuictò illo , uel saltem fugato nulla interposita mora in nostram potestatem uenturam crediderat . Nuntio igitur aduen

tus Auriae Panormum allato, cum Prorex uxoris causa adhuc in luctu, & squalore esset, domi se continuit, sed Ferdinandum filium cum principibus ciuitatis continuò illi obuiam in classe Sicula procedere, ac per officiose, & peramanter illum excipere mandauit. Quare uehementer gauisus est Auria: & uix classis portum tetigerat, cum ipse è prætoria quadriremi egressus, Proregem conuenit; eiusq; uicem (ut par erat) se uehementer doluisse significauit: & ut pro tempore illum consolaretur, enisus est. Quod ita Prorex libenter accepit, ut eius congressu admodum recreari, & omnem dolorem luctumq; deponere uideretur. Sed Auria in consilio communicando perplexè animi sui sensum deponere uisus est: nanq; id modò dixit; sibi pluribus copijs opus esse: quòd habebat in animo, cum tota classe in Africam traicere; ut ex ijs, qui in arcis Gulettæ præ

*sidio uersabantur , de Dragute cognosceret ,  
 & consilium pro tempore , & pro re cape-  
 ret . Ad quod Vega , quo candido est animo ,  
 ut debitum mutuæ inter se beneuolentiæ offi-  
 cium præstaret , respondit , satis magnas co-  
 pias , quas ille secum uehebat , sibi uideri , si  
 mari tantum rem gerere cogitaret ; contra  
 autem perpaucas , si quid agere in conti-  
 nenti moliretur ; se paratum esse , illi de mi-  
 litibus , re frumentaria , cæterisq; rebus ne-  
 cessarijs prouidere , ut negotium , quod Dei  
 primum , Cæsaris deinde gratia suscipere-  
 tur , ex sententia confici posset . Ab hoc con-  
 gressu Auria in suam quadriremem reuersus  
 est ; ad quem Vega continuo egregia misit  
 dona : etiam commeatu , reliquisq; copijs ip-  
 sius triremes onerauit : magnifice quoq; , &  
 prolixè erga reliquos totius classis principes  
 se habuit , lauteq; per filios accipi uoluit . In-  
 terim octo triremes ad quingentos illos milia-*

tes, quorum pars Cephaledi, reliquæ Ther-  
mis Hymereſibus præſidio erant, excipien-  
dos miſſæ. His Aluarus Vega Proregis filius  
tribunus in ea prouincia militum, præſectus  
fuerat, & eius urbis tuendæ, & muniendæ  
itidem gratia ibi Proregis patris mandato cõ-  
morabatur; quamquidem ualidis munitioni-  
bus breui firmatam ab omni hoſtium impreſ-  
ſione tutam reddidit. Poſtero die à meridie  
Andreas ipſe iterum Proregem conuenit; ac  
cum eo de diſceſſu tantum locutus fuit. de ne-  
gotio autem, quod agendum eſſet, ne uerbum  
quidem fecit; & impositis iſs duntaxat ex  
hac prouincia in claſſem militibus, quòd ue-  
teranos omneis eſſe conſtabat, nam cæteri  
qui nuper conſcripti fuerant, ad earundem  
tutelam urbium, & Lilybæi relictæ ſunt, ac  
parte commeatus, & cibariorum ſumpta ſe-  
cunda noctis uigilia Panormo ſoluit. At Pro-  
rex cum ſibi perſuadere nequaquam poſſet;

non aliquid aduersus Aphrodisium proximè  
à Dragute captum apparari, cum maximū,  
& manifestissimum esset periculum, quod in  
de conflari posset, summa statim cum dili-  
gentia de frumento, pane nautico, tormen-  
tis æneis, sulphureoq; puluere prouideri, præ-  
terea alios milites conscribi, naues conduci,  
& cætera omnia, quæ ad magnum geren-  
dum bellum necessaria censuit, comparari  
mandauit, ut si quando ea res usu ueniret,  
classisq; Cæsaris iuuanda esset, haud ipse im-  
paratus offenderetur, & magna trepidatio-  
re, & temporis angustijs premeretur. In eo  
Panormi portu Auria quatuor Hierosolymi-  
tanæ religionis longas naues, optime instruc-  
tas, fidelissimas, ac pro Reip. salute tuen-  
da semper paratas sibi adiunxit: quemad-  
modum apud Liburnum Thuscianæ oppidum,  
portumq; tres Cosmi Medicis Florentino-  
rum Ducis, & Iulij Tertiij Pont. Max:  
totidem

totidem apud Centumcellensem portum adiunxerat : qui religiosissimi Imperatoris Caroli in commune assiduè consulentis studiosissimi, eius augendam classem censuerunt, qua immanis ille archipirata infensissimus Christiani nominis hostis saltem coerceretur, si minus è medio tolli posset. Abeuntem Auriam Proregis iussu, qui filios immortalis deo primum, deinde regi se genuisse fatetur, illisq; assiduè inseruire desiderat, præter Aluarum Vegam, quem tribunum esse militum, & eorum, qui Auriam sequebantur, præfectum diximus, Ferdinandus etiam Vega eius frater, natu maximus secutus est, ac cum illo in prætoria Triremi Sicula profectus est, & benignè, & liberaliter cū omnibus egit. In eandem impositus est Buscarus Tunetis regis filius bonæ indolis iuuenis, & militiæ admodum studiosus : nam Azenus pater non Auriam, cui non dum

certum traiciendi in Africam, ibiq; belligerandi consilium esse uidebatur, sed Vegam postea ad Aphrodisium certe oppugnandum illò proficiscentem, secutus fuit: Is enim abhinc quinquennium ab immani filio & regno spoliatus, & oculis orbatus fuerat; & ut sui miseretur, seq; in regnum, exacto inde filio, ut paucis ante annis deuictò Hæriadeno fecerat, restitueret, ad pium Cæsaris animum, opesq; confugerat, seq; ad eius pedes supplex abiecerat: qui quanquam misericordia permotus, illi habebat in animo opem ferre: tamen quoniam non ita res habebat, ut illum Cæsar tantæ rei compotem facere posset: maiore rerum mole tunc ipsum urgente, (Nam magna Germaniæ pars ab eo, & Christo descierat) dedit continuò operam, ut ex portorijs, & uestigalibus, quæ ipsi quotannis Siculi pensitant, commodissime, æque & honestissime, non ille solum

cum filio , sed etiam frater , fratrisq; filius Panormi uiuerent . Bucarum Auria in classe uehebat, & postea Azenum Vega secum illuc accedere uoluit, ut, cum Cæsaris erga illos animum probè nossent , siquam forte Urbem in maritimis Africæ locis expugnant , ibi illos cum præsidio relinquerent , initiumq; restituendi in regnum facerent . In Principis ab hac Vrbe discessu ex ea re potissimum spem cepimus , ipsi , quicquid animo conciperet , ex sententia euenturum ; quòd in summis puppibus , antennisq; non Cæsaris tantum inuicti Aquilas , sed Christi imagine Cruci Affixi insignita uexilla conspiciamus ; etenim quemadmodum ille humani generis hostis uictor fuit , gloriosumq; de eo triumphum egit ; sic quem tanti uictoris signo in nostrum , & illius hostem tendere uidebamus , iure optimo & illius uictorem rediturum , & iustissimum inde triumphum



consecuturum arbitrabamur. Nauigans igitur Auria Drepanum primum, deinde, Aegusam insulam cum tota classe peruenit: conciliumq; ducum, & principum classis in posterum diem indixit: qui cum omnes ad constitutam horam ad ipsum coiuiissent, hæc tantummodo uerba ad eos retulit. Nulla alia causa egregij, strenuiq; uiri uos huc aduocandos putauit, quàm ut hic quid in Dei, & Cæsaris rem esse censeatis, liberè uestra sententia explicetis: & ad Carolum Sfortiam triremium Iulij Pont. Maximi præfectum conuersus, rogauit, ut primus omnium suam sententiam diceret. At ille cum apertè ex Auricæ uerbis non cognouisset, utrum mari negotium, an terra gerendum esset, illum orauit, ut explicatius rem referret. Ad ea Princeps, quoniam, inquit, Dragutes tot nos iniurijs quotidie afficit, magnasq; calamitates Christianæ Reip. iam pridem infliz-

git, ex uobis scire uelim, illum'ne mari nostra classe perquirendum; & quacumq; ui possit, petendum esse, an Aphrodisium munitissimam urbem, quam ille nuper cepit, tutumq; in illam pessimo publico receptum habet, bello tentandam censeatis. Tunc ille nullo se pacto oppidum illud bello lacessendum putare; propterea quod nullum penè uidebat, nec exercitus, nec aliarum rerum, quæ ad tam munitam Urbem capiendam expectabantur, apparatus; sed Dragutem potius persequendum, & classem ad illud negotium recte conficiendum in duas esse partes diuidendam. Garsta deinde Petri Tolle ti Proregis Neapolitani filius, classis illius Regni præfectus sententiam rogatus, dixit, se in Dei, & Cæsaris rem esse censere, si ea oppida, quæ Aphrodisio de re frumentaria, reliquisq; copys prouiderant, inuaderentur; & inter illa Neapolim, ipsumq; Mo

nasterium, quod oppidum postea euersum  
 est, nuncupauit. Claudius deinceps Zanz  
 clus genere Gallus, classis diui Ioannis Hie  
 rosolymitani praefectus triremes quindecim  
 quibus Bernardinus Mendosa praepositus  
 est, Hispaniasq; à piratarum incurfibus tu  
 tas reddit, continuò accersendas, & maior  
 ri classi iungendas censuit. totam deinde in  
 partes treis diuidendam, ut una circum Afri  
 cam excubaret, altera Sardiniam non derez  
 lineret, tertia uero citeriorem Hispaniam  
 tueretur. Huic Antonius Auria Vir magni  
 consilij, quiq; sex triremibus suis rem Cæsa  
 ris quotidie auget facile assensus est, quòd  
 existimaret Dragutem eo consilio capi posse.  
 Rogati deinde sententiam Ferdinandus,  
 & Aluarus Siciliae Proregis filij, ut adoles  
 centes adhuc (Alter enim qui secundum, &  
 uigesimum agebat annum, erat duodeuigin  
 ti mensibus altero maior) quanquam ita pru

dentes erant, ut supra ætatem iure sapere  
censerentur; tamen uerecundia ætatis maz  
iorum natu sibi rationem habendam duxe  
runt, & eo nomine ab omnibus probati sunt.  
Ferdinandus enim, quoniam, inquit, tam  
egregij Viri locuti sunt, optimumq; sensum  
bono publico deposuerunt, superuacaneum  
existimaui, aliud in præsentia dicere, quàm  
quod Princeps Auria pronuntiatis omnium  
sententijs constituerit; secuturum me esse.  
Aluarus uerò se in eam sententiam, quæ cæ  
teris præstaret, iturum respondit. Iordanus  
Vrsinus qui Cosmi Medicis Florentinorum  
Ducis triremibus præerat, Garsie opinio  
nem probauit. Cicala autem qui duabus tri  
remibus suis assiduè sub Carolo Imperatore  
meret, aduersus Aphrodisium eundum, il  
ludq; terra, mariq; bello tentandum putauit;  
aiebat enim fieri posse, ut quemadmodum  
Dragutes eam Urbem inuasit, & ea potitus

quàmprimum fuit , sic nobis itidem forte euenire posset. Berengarius Siculæ classis præfectus Hierosolymitanæ classis præfecti diuissa sententia , quatenus de Hispanis triremibus accersendis, atq; ijs, quæ præsentibus erant, iungendis dicebat , ei rei libenter assensit , sed in duas tantum partes ad Dragutem persequendum diuidendas omneis censuit : ut diuersæ, altera illarum Orientem, altera Occasum uersus nauigaret. Marcus autem Cæturio Principis Auricæ legatus , atq; illi consanguinitate coniunctus , se eius sententiæ esse dixit , ut prius quàm quicquam molirentur , aut decernerent , ad Arcem Gulettam nauigarent , ibiq; aliquid de Dragute , deq; totius Africæ statu cognoscerent . Cæteri omnes, qui coràm aderant, uel huius , uel Garficiæ sententiam comprobarunt . Solus Octavianus Grimaldus Monæci triremium præfectus, Vir quidem & literarum, & armos

rum studijs æquè deditus duarum rerum alteram censuit faciendam, uel Aphrodisium urbem, rebus prius necessarijs abunde comparatis, bello petendam; uel Dragutem summam cum diligentia perquirendum, perdendumq; esse: quod alterutrum in sempiternam Dei gloriam, atq; in Cæsaris rem, decusq; esse existimabat. Sed quoniam in arcis Gulletæ mentionem incidimus, aliquid de ea à nobis dicendum existimauimus. Ea est igitur iuxta ruinas Carthaginis in cuiusdam sinus maris angustijs sita, quæ à laxis primo litto-ribus paulatim in se coeuntibus fiunt; & inde uelut gula hominis, quæ ad stomachi latitudinem, ac longitudinem lagenæ modo funditur, in laxitatem desinunt: illiq; arci Gulletæ nomen ab ea similitudine tribuunt. Hæc à Tunesis regno ex Hariadeni Aenobarbi manibus ui extorto, Azenoq; regi restituto in potestate Cæsaris semper manet, firmoq;

Hispanarum præsidio tenetur , Sed ad rem institutam redeamus . Dictis omnium sententijs nihil publice constitutum fuit , ne fortasse quod decretum ibi fuisset , ad hostes deferretur , Auria inde abeundi signum dedit , cæpitq; Carthaginis ruinas uersus classem dirigere , eo consilio ( quantum coniectura assequi potuimus ) ut ex Marci Centurionis sententia prius Gulettam peteret , quàm quicquàm in hostes moliretur . Sed id per aduersos uentorum flatus , qui ab occidente spirabant , haudquaquam licuit , coactiq; fuerunt ad promontorium Mercurij cursum flectere : quem & si tenuerunt : tamen nihilominus ita uis uenti percrebuit , marisq; tempestas est aucta , ut multis triremibus antennæ frangerentur , aliæ ex ijs remorum partem amitterent . Cum in ea statione classis esset , multi ex nauis ( ut fit ) ad aquam ex proximo agro petendam profecti sūt : erat enim nō longe à littore

dulcis aquæ puteus , sed nonnulli equites tanquam ex insidijs egressi in illos impetum fecere : atq; ex ys alios sauciauerunt , alios transfixis ferro pectoribus occidere . Et nisi crebris tormentorum æneorum explosionibus , ex Monæci triremibus , quæ proximæ erant , ab insequendo hostes remorati fuissent , pauci quidem ex illorum manibus elapsi essent : idq; accidere plerunq; solet , ubi res non recte , atq; ordine administrantur : cuius tantavis profectò est , ut cum eo parvæ res sæpe numero augeantur , absq; eo autem maximæ dilabantur . Eodem die sub solis occasum Princeps misit , qui suo nomine Alvaro Vega diceret , aqua uniuersæ classi opus esse ; Et ea causa habere in animo postridie summo mane inde ad quindecim millia passuum eius hauriendæ gratia contendere : quamobrem sibi perquàm gratum fore , si ipse cum suis militibus in terram egrederetur , ut haur



rientibus præsidio esset . Hispanos quoq; mi-  
 lites , quos Neapoli aduexerat , ob eandem  
 causam illuc accessuros . ad quod Aluarus ,  
 ut perofficiosum adolescentem decebat, respō-  
 dit , se illi in rebus omnibus , quæ cum ad ip-  
 sum , tum ad Cæsarem spectent , usquequæ-  
 que præstò fore . Itaq; postero die Clupea op-  
 pidum edito loco iuxta mare positum , in cuius  
 agro putei complures sunt , petatum à nos-  
 tris fuit . Euestigio milites in terram egressi .  
 Qui ab Aluaro ducebantur , pulchrè instruc-  
 ti in dextrum oppidi latus contendebant ; cæ-  
 teri in sinistrum , ubi puteos esse renuntiatiū  
 fuerat , proficiscebantur . Sed cum imperiti  
 locorum essent , quanquam cum barbaris pro-  
 hibere conantibus certamina seuerant ; ta-  
 men pars illorum summa cum celeritate littus  
 petijt , & in remiges , nautasq; prætoricæ  
 quadriremis egredi scapham parantes tela  
 coniecit . omneisq; haud dubiè interfecisset ,

nisi inde tormentorum vi fuisset repulsa, duo tantum milites ex nostris, qui à reliquis aberrarant, à barbaris circumuenti læto dati sunt. Sed aqua per otium hausta, fugati barbari, oppidum captum, ac direptum à nostris fuit, quo relicto nostri se in classem nullo præterea accepto detrimento receperunt. Sed cum animaduernerent ita uentum contrariū esse, ut in stationem relictam nullo conatu, aut vi redire possent, ad Larunesias paruas Insulas non longè à Monasterio oppido sitas, quas à Cuniculis nunc Cunicularias uocant cursum dirigere coacti sunt, eumq; facile tenuerunt. Circum eas Insulas propter eandem tempestatem, uentiq; uim duos dies morati sunt, eo certe animo, ut si fluctus sedarentur, uentiq; mutatio fieret, institutum, cæptumq; ab initio cursum conficerent. Sed cum uentus adhuc uehemens esset, & immoderata tempesta, Auria ex omnium senten-

tia iniuit consilium petendi Aphrodisium; ut eius urbis situm, munitionesq; perspiceret, ac quo in statu esset, quo ad eius fieri posset, & an in præsentia bello tentanda, cum specularetur, tum conijceret. Itaq; intempesta nocte inde abiit, & paulo post solis ortum in illius urbis conspectum cum tota classe se dedit. Cœperunt omnes communitum, & ad aspectum, præclarum urbis situm contemplari: cernebatur enim in plano sita scopulo ad linguæ penè modum in mare producto, & undiq; petito fluctibus, præterquàm à terræ parte, à qua aditus in latitudinem non amplius ducentorum passuum relinquebatur; pulchraq; & æque ualida multis, fortibusq; turribus æquo inter se spatium per ambitum cōstructis habens mœnia, in quibus sclopettarij non pauci conspiciebantur. Et ueluti ij, qui nihil ab ijs timerent, ad scorpionis emissionem urbi appropinquarent: sed temerarij

eius facti pœnas dederunt : etenim multæ triremes tormentorum æneorum ictibus percussæ sunt : quanquam in prætoria tantum quadriremi ex duarum explosionum altera remiges quinque à Scaphæ parte absumpti, & novem uulnerati sunt . In cæteris desideratus nemo fuit . Postquam Auria se tormentis cessati animadvertit , ab urbe in altum ad passus circiter mille reliquis insequentibus se recepit . Inde melius agri amenitas perspecta est : nam vineis , arbutisq; passim consitus urbem multo pulchriorem reddebat . Sed quoniam huius urbis situm describere cœpimus , & bellum aduersus eam duce Vega postea gestum pro uirili nostra scripturi sumus, non ab re esse existimauimus , aliquid de ea libyæ parte, in qua hoc oppidum situm est , in præsentia dicere : ut cum ad cætera , quæ de ea dicenda sunt , ueniemus , non ignorato locorum situ , ea facile intelligantur .

Ea igitur pars Africa propriè dicitur, cuius  
 latus ad occasum uergens, Numidia, Aquilona  
 re Africano pelago, quod orientem spectat,  
 Cyrene, quod autem Australe interioris Li  
 biæ desertis terminatur. In hac olim & Car  
 thago fuit, Romani Imperij ad perniciem  
 suam æmula, & Utica Catonis morte nobi  
 litata, utraq; literarum monumentis celebra  
 ta, est etiam Tunes, & ad promontorium  
 Mercurij, quod Siciliae aduersum est, Clu  
 pea, liberum olim oppidum, Neapolis deinceps,  
 Siagul, & Monasterium; Hæc in lit  
 tore maris, in Mediterraneis Curubis ex  
 tat, libera itidem quondam Ciuitas, et Mar  
 nabe paruum oppidum. In hac Libyæ par  
 te sunt & duæ syrtes, quarum dextro mino  
 ris cornu Meninx insula adiacet, etiam Los  
 tophagitis appellata, longitudine triginta  
 quinque millium passuum, latitudine autem uis  
 ginti quinque; hæc duo olim habebat oppida,

nunc

nunc mapalia tantum & tuguria . Aduersus alterum minoris Syrtis cornu Cercina est cum urbe eiusdem nominis , & perparua Cercinitis , quæ ponte huic olim iungebatur . In hanc syrtim Triton fluvius influit ; quem iuxta Tacape Vrbs est , Taphra deinde cum portu ad sexaginta millia passuum , sic enim appellari puto id oppidum , quod Afri , Italiq; sfaces , Hispani autem Alfaces uocant . Inter has urbes , quas in littore maris sitas diximus , Aphrodisium positum est , æquali propè interuallo hinc ad promontorium Mercurij , & hinc ad minorem Syrtim ; Vrbs quidem situ , mœnibus , ædificiorum pulchritudine , & agri fertilitate in primis nobilis : maritimis , terrestribusq; fructibus opulentissima , multis seculis libera suis tantum legibus , institutisq; uixit , neminiq; subdita fuit , ut cum tot , tantisq; rebus , cæteris minoris Africæ oppidis antecelleret ,

totius regionis nomen sibi meritò uendicare potuerit : Africam tamen corrupto Aphrodisij uocabulo appellatam existimamus.

Aphrodisium, quòd Veneris uoluptatem significet, certo fortasse, proprioq; uocabulo ob ipsius urbis delitias auctores uocant; quanq; sunt qui dicant, Aphrodisium Siculorum esse ædificium; quibus ipsa Venus peculiare numen fuit; Afri tamen banc urbem Mahagdan nominant. Hæc ab Azeno Tunetis rege occupata, & falsa quadam iusti imperij specie direpta penè fuit: & si ab eius iniusto, sordidoq; dominatu, accersito Asa gerbino Turca archipirata Hariadeno Aenobarbo consanguinitate coniuncto se liberarat: tamen cum nec superbum illius dominatum perferre posset, per quem in seruitutē multo duriorē se redactam esse perspiciebat, eo strenuè per uim eiecto, amissam libertatem recuperauit. Sed tanquam per-



petuæ exterorum barbarorum seruituti obnoxia esset, paulo post oppidanorum discordia, ac negligentia in Dragutis potestatem, ut supra demonstrauius, peruenit; & ipsa met sibi dedocori, atq; exitio fuit. Sed commemoratis ijs duntaxat, quæ ad rem facere uisa sunt, ad Principem Auriam iam redeamus, qui cum se in altum præ tormentorum ictibus recepisset, extemplo reliquis præfectis, ducibusq; ad se accitis, ex ijs quæsiuit, num bello tentandum id oppidum uideretur. Non commemorabo hic seorsum, ne longum faciam, sententias omnium, sit satis, omnibus ad unum censuisse, ut prius res ad bellum necessariae compararentur; quoniam munitior uisa est; quàm ut inuadenda temerè, aut tumultuosè uideretur. Quamobrem fuerant nonnulli, qui ad arcem Gulettam confestim eundum, & inde tormenta ænea, & cætera, quæ ad eorum usum expetebantur, capien-

da mox Aphrodisium continuò inuadendum  
 suafere : Et forsàn rem persuassissent , nisi  
 Berengarius Siculæ classis præfectus illorum  
 fregisset sententiam ; cum diceret , præsta-  
 re Siciliam prius repetere , & ibi consilio cū  
 Prorege Vega communicato , milites , tor-  
 menta , commeatum , reliquasq; res facilius  
 comparare ; & consultò , & quo decebat , or-  
 dine tantum negotium suscipere , ac diligen-  
 ter curare. Berengarij sententia uicit ; quòd  
 per illam & cogitandi spatium , & oppor-  
 tunus prouidendi locus , & idoneum gerendi  
 tempus ostendebatur. Et quanq; munitissima  
 urbs uidebatur , & re uera erat , & tormē-  
 ta ænea quàmplurima habebat ; & turcarū  
 præsidio firmata : tamen comparatis abun-  
 de in Sicilia rebus , ac belli summa ad Prore-  
 gem Vegam , qui maximam iustitiæ , & belli-  
 cæ laudis opinionem habebat , delata , nemo  
 non sperabat , breui negotium , atq; ex omniū

sententia cōfici posse . Paucos esse defensores credebant, ducentorum Turcarum numerū nequaquā excedere , oppidanos odio illos habere , etiam si concordēs cum ijs essent, magno urbis circuitui non sufficere ; cum primum semari , terrāquē peti uiderint , animum abiecturos esse : Quamobrem eam prouinciam omnino , ac non multo interiecto tempore, capiēdam : quoniam si Draguti spatium muniendi datum esset , eam esse loci naturam , ut munitionibus auctis , rebusquē ad uictum , & ad alios usus necessarijs optime prouisis , nullis postea conatibus , aut opibus expugnari posset . Et si ea difficultas ostendebatur , quod fieri facile poterat , ut finitimi populi, & Arabes , qui subtugurijs in ea regione uiuunt , contra nos arma sumerent , nostrisquē Urbem oppugnanteis à tergo cederent : tamen cernebatur è regione oppidi collis egregiè munitus , atque

#### 54 DE BELLO APHROD.

ex omni parte præterquàm ipsius urbis , circuncisus : quem si milites nostri tenerent , nullam externam uim formidaturi , & oppidanos aquæ magna parte , & libero ex urbe exitu prohibitori uidebantur : præsertim si Vegam haberent ducem , in cuius prudentia , auctoritate , & rerum usu , certam omnium rerum bene gerendarum spem collocabant . Cum ex Berengarij sententia constitutum esset , ut Sicilia prius repeteretur , quàm Aphrodisium oppugnari inciperet , uniuersa classis aqua egere cœpit ; cuius petendæ causa idoneus Monasterij ager Auricæ uisus ; in quo probatissimæ aquæ magnam copiam esse constabat . Itaq; ex omnium sententia illò contendit . Etiam fuerunt , qui Auricæ non innuerent solum , sed efficacibus rationibus suaderent , Monasterium & bonarum aquarum gratia , & quòd inde loci propinquitate multum Aphrodisio noceri posset , si pars

triremium in eo portu uersarentur , capiendum , tenendumq; esse . Nec displicuit Auzriæ consilium : & cum primum ad illius oppidi littus appulit , iussit omneis ad unum milites exponi : non eo tamen animo , ut tunc oppidum aggrediretur , sed potius ut haurientibus aquam nautis adesse illi possent , & iniuriam , si qua fieret , propulsarent . Sed cum ipsi animaduernerent , barbaros in mœnibus armatos consistere ; & si nonnulli ex ijs prælato signo deditiois , ut uidebantur , faciendæ causa , ex oppido exierant : tamen ut appetentes nimium , ualdeq; auidi , præsertim cum sine duce essent , Princeps enim nō egressus in terram fuerat , ad oppidum profecti sunt , Aluarus Vega primum agmen ducebat , rectè , atq; ordine instructum , & cum eo multi ex principibus uiris erant , eiq; haud inuiti parebant . Garsia relicta ad littus classe cum Hispanis militibus , quos Neapoli

aduxerat in terram egressus , absente Principe , illius officio fungi cœpit , atq; Aluarum ex ipsius Auriae uerbis admonuit , ut gradum sisteret , agmenq; moraretur , uolebat enim ipse præire , quòd locorum eius regionis peritus erat ; ad quem Aluarus conuersus , Principis mandatum se libentissime quidem executurum , etiam illi prouirili sua satisfacturum respondit . Interim Auria , qui aquã tantum peti iusserat , cum è quadriremi perspexisset , omneis fere milites ad oppidum inuadendum accedere , confestim in terram egressus , nequid perturbatione rationis peccaretur , atq; ordinis , illuc peruenit , ubi acies instructa erat . Et cogitans fieri posse , ut oppido nostri potirentur , si in illud impressionem facerent , iussit eos sic instructos tantisper expectare , dum uideret , an uerè oppidani , quemadmodum significarant , dedere se uellent . Sed certior factus dari sibi

uerba, cū pleriq; illorū per auersam portā, suburbiumq; fugam facerent, cextemplo milites, quos secum è Liguria aduexerat, illò, ut eorum fugam inhiberet, misit. Tunc cæteri non dato signo, non Principis imperio expectato, ad oppidum edito loco situm, effuso cursu, turbatisq; partim ordinibus subeunt, nullaq; interposita mora alij praelongis hastis innixi, alij manibus ad eminenteis aliqua parte lapides applicatis, alij alio modo in muros euadunt, oppidumq; cæsis, quos repugnanteis obuiam habuerunt, expugnant, ac diripiunt. Homines circiter trecenti ex oppidanis capti, cæteri in arcem confugerunt. Pauci Turcæ, qui Dragutis mandato, ut conjicimus, arci præerant: Vt primum hostes in Oppidum irruisse, passimq; prædari, nulloq; ordine hac illac concursare uiderunt, crebris Sclopettorum ictibus



nonnullos occiderunt , at magnum eorum numerum sauciauerunt . Quos Auria ad oppidanorum fugam sistendum miserat , ex illis alios consecuti sunt , captiuosq; duxerunt , alios in oppidum reiecerunt , continentiq; agmine unà cum ijs ingressi sunt ; & partem illorum ipsi , partem qui aliunde oppidum intrarant , in seruitutem redegere . Sed qui primi oppidum reliquerant , & quicquid ex bonis suis potuerant , secum asportarant , in quasdam Arabum decurias , quæ prædandi causa in eum agrum incurrerant , incidere : & spoliati ab ijs euestigio fuere : qui quidem Arabes nisi auidi nimium prædæ fuissent , Auriam penè solum extra oppidum à nostris relictum uel iure suo opprimere , uel faciliè in potestatem suam redigere potuissent : ex quo maxima rerum perturbatio orta fuisset . Sed Dij meliora . Princeps ubi oppidum à nostris captum uidit , & ijs , qui è manibus illorum

elapsi fuerant, aditum in arcem patuisse cōspertum habuit, tribunos militum per nuntios monuit, ut hostes circumfiderent. Et interueniente iam nocte se in classem recepit; tribunorum prudentiæ, & uigilantiæ confidens, omnia perquàm strenue ab ijs factum iri. Poterat quidem iure optimo singulis confidere: Nam uiri erant, quibus nihil penè deerat. Sed cum non haberent ipsi cuius imperio parerent, ipsorum imperia diuersa erant: quisq; tamen suos ad signa reuocauit, atq; ædes arcis proximas, in quas uenire contingerat, occupauit, suoq; fungi officio dispositis custodijs nixus est. Aluarus Vega è regione arcis statiuā habuit; & uigilans ipse suos uigilias agere, ac totam noctem in armis esse iussit: ut si qua bene gerendæ rei occasio præberetur, ei non deesset. Idem Garcia fecit, & in ijs, quæ cum ad oppidi expugnationē, tū ad arcem strenuè oppugnandā

pertinebant, summa uigilantia, ac diligentia  
 usus est. Sed quoniā munitior erat arx, quā  
 ut absq; æneorum tormentorū adminiculo ex-  
 pugnari posset, postero die tormenta è nōnul-  
 lis triremibus iussu Principis in terram dela-  
 ta: ut eodē tempore terra, mariq; pilis tormē-  
 tarijs per illa ui sulphurei pulueris, ignisq;  
 emissis, uerberaretur, ac, si fieri posset, quas  
 sata decideret. Sed cū nullæ essent machinæ,  
 quibus illa imponi, ac sustineri, & ad idonea  
 agi loca cōmode possent, in uehicula, quibus in  
 opere rustico uti solemus, quæ forte in agris  
 nacti sunt, nostri imposuerūt, & ut fieri pro  
 tempore potuit, instruxerunt. Et si in ijs ap-  
 te collocandis nō parua inter duces, tribunosq;  
 dissensio orta est, cū alij hunc, alij illum elige-  
 rent locum, deniq; tamē Aluaro Vegæ eius  
 rei permissa est potestas: qui locum maxime  
 idoneum illis cōstituendis delegit; et in ea re,  
 cæterisq; quā plurimis ita se gessit, ut ipsum

non adolescentem quidē, sed prouectæ ætatis uirum, diu, multumq; in rebus bellicis exercitatum putares. Ferdinandus quoq; frater nō parua magno animo pericula subiens, nam cum magna militum manu, qua arcem non semel, & iterum circuiuit, dispositas custodias reuisit, atq; ad arcis oppugnationem necessaria conquisiuit, totam noctem insomne duxit, se cum fratre, maioribus suis belli gloria immortalitate donatis, patre Ioanne Vega in primis, cuius præclara facinora nostra ætas admiratur; & futura secula uenerabuntur, dignum præbuit. Arx igitur postero die mari, terraq; peti, ac tormentorum ictibus quati cœpta horas circiter nouem pulsata est. Sed magna ualidæ turris pars è triribus deiecta fuit. quod cum nostri, qui instructi, & intenti erant, aniuaduertissent, Aluarus Vega primū, Bernardusq; solerius, qui sub eo ordines ducebat, uir ab ineunte æta-

te in studijs bellicis uersatus cum tota cohorte , deinde Antonij Auriae milites , quos in suis triremibus uehebat , impetum in arcem fecerunt; perq; turris ruinas audacter ingressi , arce statim potiti sunt . Sed Antonij signum primum omnium in summa arce , quod ascensus ferenti opportunior , ac facilior contigit , statutum fuit . Barbari, qui resistere pugnando conabantur , omnes interfecti . ad sexcentos ibi homines capti fuere . In ea expugnatione supra ducentos ex nostris uulnerati sunt. decem perierunt, pleriq; clari, strenuiq; uiri ; quos inter Franciscus Mendosa Diui Ioannis Hierosolymitani miles , qui dū euadere in murum nititur , Sclopetti ictu secundum aurem inflicto, cecidit. Didacus Ruizius , qui dum Aluari Vegæ tribuni sui iussu monet milites , ut ab hostium ictibus sibi cauerent , ipse melius alijs , quàm sibi cauens transfixo pectore mortem occubuit . Nauar

retus cum summas muri partes iam teneret ,  
inde ui hostium deturbatus ferro lanceæ , per  
quam subierat , quæq; terræ defixa adhuc hæ  
rebat , se induit ; eoq; per clunes ad dextrū  
humerum adacto uitam cum morte commuta=  
uit. Gherrūs , cui instruendi aciem , ordi=  
nesq; explicandi negotium datum fuerat , dū  
arcem intrepidus , sed properans speculari  
studio circumibat , & ut uideret an testu  
do quædam repente constructa ad idoneum  
acta locum esset , a Sclopettario et ipse percus  
sus pronus humi prostratus est ; Et paulo post  
interijt. Etiam in classe iactura facta est : dua  
rum enim Sicularum triremium , in quibus tor  
menta uitio fortasse conflata , uel incuria eor  
um , quibus curæ erant , instructa , magno  
impetu , sonituq; effracta sunt . Altera sal  
uis tantum remigibus , & armamētis amissa :  
altera proræ parte diminuta , atq; in fundo  
perforata est .

## HORATII NVCVLAE

INTERAMNATIS

COMMENTAR

RIORVM

DE BELLO APHRODIS

SIENSI.

LIBER SECVNDVS.

C APTO, direptoq; Monas-  
 terio, & si multi putarant  
 illud oppidum præsidio à nos-  
 tris firmandum, tenendumq;  
 esse: quòd ad Aphrodisij expugnationem id  
 multum interesse crediderant: tamen Auria  
 nullum ibi præsidium censuit relinquendum.  
 quòd paucos, primū habere se milites perspi-  
 ciebat: deinde, quòd ita fractas eius oppidi  
 vires, magna oppidanorum parte cæsa, rez  
 liqua in seruitutem redacta, arceq; diruta  
 animaduvertebāt, ut ad id oppidum obtinēdū  
 nullum

nullum unquam tenere ibi præsidium opus  
esset : & qui fuga salutis suæ consuluerant ,  
ita paucos esse compertum habebat , ut nihil  
ibi reparare contra nos possent . Quamob-  
rem nullum ibi præsidium reliquit : & in ea  
sententia confirmatus , ut statim bellum ad-  
uersus Aphrodisium susciperetur ; propterea  
quod si id in aliud tempus dilatum esset , ita  
interim illud militibus , opere , & commeas-  
tu per aduersarios firmandum esse præuide-  
bat ; ut , quod sæpenumero dixerat , nullis  
postea opibus è manibus hostium , in totius  
Christianæ Reip. perniciem extorqueri pos-  
set . Re de integro ad conciliū relata , cum ui-  
disset omnes ad unum in suam sententiam  
discedere : placuit cum Ludouico Peresio Var-  
ga arcis Gulettæ præfecto uiro strenuo , atq;  
in rebus bellicis diu , multumq; non parua  
cum laude uersato , eam rem communicari ,  
ut ab eo etiam tormentis æneis , pilis ,



Sulphureoq; puluere iuuaretur . Itaq; nulla interposita mora , cum secundi ab oriente spirarent flatus , cursum , quem nostra classis ad eam arcem direxit , ex sententia tenuit . Idem censuit Ludouicus Perefius continuò faciendum ; pollicitusq; fuit , se Curubis cum rege , qui præpotens in Africa , sibiq; amicissimus erat , acturum , ut si ille rebus , conatibusq; nostris ob aliquam rationem auxilium non præstaret , minime tamen nobis aduersaretur . Se daturum etiam operam , ut quibuscunq; rebus posset , res nostras adiuuaret . Sed quoniam non putabat , quæ ipse ad eius arcis defensionem tormenta ænea habebat , ad tam munitæ urbis expugnationem satis esse : nec uolebat ipse arcem rebus ad eam defendendam necessarijs temere priuari : censuit ex regno Neapolitano milites , tormenta , reliquasq; res , quæ ad eam provinciam capiendam expetebantur , aduehen-

das esse : commeatum autem , & partem Hispanorum militum , qui in prouinciæ Siciliae præsidio ad tempus erant , illinc petendam , & Principi seorsum dixit , sibi non displicere ; quòd eius belli summa ad Ioannem Vegam illius insulæ Proregem belli , pacisq; artibus præclarum uirum deferretur ; quòd futurum ipse putabat , ut eo tantum negotium suscipiente , illud ex omnium sententia conficeretur . Id Ludouici consilium , cum omnibus , Auricæ inprimis , qui multa quoq; in eâ sententiam plena consilij & prudentiæ dixerat , perplacuisse , publice decretum fuit , ut bellum continuò aduersus Aphrodisium susci peretur . Dimisso Principum concilio Garzia , quem Neapolitanæ classis præfectum diximus ; cum occasionem sibi oblatam putaret , qua eius belli summa ad se deferretur : immortalemq; inde gloriam sibi breui compararet , Auriam conuenit , atq; cum uehemen

ter hortatus, ut in sententia permaneret, quòd eam rem Cæsari, ac Christianæ Reip. utilem, nec factu difficilem existimaret, pollicitus fuit, se Hispanos milites, còmeatum, tormenta ænea, & non modò ad ijs utendum, sed omnia quæ ad eius Urbis opugnationem necessaria essent, si iustus triremium daretur numerus, Neapoli aduecturum. Quod Garsia obtulit, dixitq; libenter amplexus est Auria, eumq; à fide, animiq; magnitudine uehementer probauit, & cum duabus, & uiginti longis nauibus Neapolim statim repetere, atq; ex eo regno, quæ ultro pollicitus fuerat, transportare ad se iussit. Accersitū tamen Ferdinandū Vegā Siciliæ Proregis filium monuit, ut euestigio ad patrem rediret, eiq; suo nomine diceret, In Cæsaris, & Christiani nominis rem esse putare, si Aphrodisium eo tempore caperetur; rei benegerendæ opportunitatem adesse.

cui si desint, se non tã facilè posthac habituros. Quamobrem rogare eum uehemèter, ut id oneris non inuitus susciperet, & quàm citissime fieri posset, de militum numero, qui in prouincia cogi possent, deq; rebus omnibus, quibus ad id negotium conficiendum opus esse censeret, pro sua prudentia, & qua semper solitus est, diligentia prouideret, seq; ad profectiõem, & ad eam prouinciã capiendam omnino pararet: proptereaquòd tota bene agenda rei spes in eo dũtaxat reposita esset. Se interim quasi in obsidione eius urbis, ut ne quid rei frumentariæ importari, nè ue mari subsidium mitti posset, mansurum esse. His acceptis mandatis Ferdinandus assignatam sibi triremẽ conscēdit, & unã cū Garsia Sicilia uersus nauigare cœpit. à Lilybeo hic Paenormum, ille autem Neapolim petijt. Interim Princeps per Bucarũ Tūnetis regis filiũ certior factus, Siagulem in eo maris tractu sitã

facile etiam capi posse, sibi illuc eundum quā primum censuit; ut aliquo pacto illud quoque oppidum in Cæsaris potestatem redigeret; etiam, si fieri posset, Bucarum ibi Regem constitueret, ut tota ea regio pro nobis staret. Itaque cum in ipsius oppidi conspectu fuit, misit, qui oppidanis diceret, Cæsaris classem, quam coram adesse cernebant, habere in animo moritima eius tractus oppida illius Imperio subijcere, quæ sponte se dederent, cum ijs optime actum iri, quæ uerò imperata facere recusarent, ea cædes, seruitutem, omneisq; calamitates passura esse. Quamobrem hortari illos, ut Cæsari mitissimo omnium principi obtemperarent, & quod maxime ipsis in optatis esse debebat, Bucarum Azeni legitimi ipsorum Regis filium, cum Siagul pars Tunetani regni esset, in suum regem acciperent. Hoc Cæsari gratissimum fore; seq; daturum semper operam; ut ipsos

eius facti nunquam pæniteret: propterea quòd exploratum habebat, Cæsarem uehementer Bucarum diligere: & eius causa optime de ipsis meriturum, eosq; tutos ab omnibus iniurijs, & calamitatibus præstiturum esse. Auricæ nuntius benigne ab oppidanis exceptus, & eius mandata libenter audita, atq; accepta sunt: nam & Cæsaris iustissimi Principis ditionem augeri cupiebant: & Bucarum ipsum plurimi faciebant. Quamobrè responderunt omnes, se & ad Cæsari usque quaq; parendum; & ad Bucarum in Regem accipiendum, paratos esse. Quo circa factum est, ut, eiecto inde Hali, barbaro strenuo quidem, ac ualido, qui Aphrodisium, cum parua illa manu, quam secum habebat, statim petijt, benignissimeq; acceptus est, nostramq; ex ea urbe uictoriam diu, multumq; suo ingenio, atq; industria moratus est, Bucarus Siagulis oppidi Rex per Auriam appellaret

tur, & oppidani magno cum plausu auctores fierent; & eo ibi relicto Princeps ad Aphrodisium, ut nequis illò ingredi, nèue quicquam importare posset, reuerteretur. Sed paucis post diebus accidit, ut Barbarus quidam inter Arabes facilè Princeps, ac Bucaro ipsi in primis notus Siagulem proficisceretur, eumq; officij gratia conueniret. Sui aduentus eam dicit esse causam, ut, quoniam audierat, ipsum Regem creatum, & paucos secum habere, à quibus, si quid accideret, defendi posset, polliceretur Arabum præsidium; quo oppidum firmari, regnum stabiliri, & ipsius auctoritas, atq; existimatio maxime augeri posset. Quamobrem, si uellet, præstò ipsi cum præsidio affuturum. Ea barbari humanitate gauisus est Bucarus, gratijsq; illi actis, rogauit uehementer, ut, quod ultro pollicebatur, continuò re ipsa præstaret: Se enim daturum operam, ut officijs

non uinceretur. His uerbis dimissus à Rege barbarus paucis interiectis diebus ad constitutam diem cum præsidio redijt. Sed cum Bucarus ipse uideret, nihil sibi ab Auria relictum esse, seq; propè nihil habere, quo id oppidum in sua ditione tenere, ibiq; præsidium ad sui, & illius tutelam alere posset, relicto oppido cum Barbaris illis inde abiit: atq; inter eos tantisper uersatus est, dum Cæsaris exercitus in Africam oppugnandi Aphrodisij causa traiectus. Itaq; Bucarus breui per Auriam regnum adeptus est, breuiq; cum sustinere illud non posset, deposuit, priuatusq; ut antea, nostrorum illic aduentum expectauit. Sed ad Siciliae Proregem redeamus: qui, ut primum Auriae animū per Ferdinandū filiū cognouit: etsi nō eius erat sententiæ, ut id bellum statim faciendū esse censeret, primū, quod non dux ipse à Cæsare eius urbis causa, sed Meningis insulæ



nominatim lectus esset : ut rebus in sequens  
 tem annum abundè ad id ipsum comparatis  
 in Libyam incunte uere traiceremus . Des  
 inde se ita imparatum modicis copijs , com  
 meatu , rebus deniq; omnibus , quæ ad usus  
 bellicos expetuntur , animaduertebat , ut non  
 tam temere id tentandum putaret , ex quo  
 dedecus pro laude referri posset : tamen cum  
 ipsum Principem , cuius prudentiæ , & auc  
 toritati plurimum ipse tribuere solebat , ali  
 ter de ea re sentire perspiceret , tanti uiri sè  
 tentiam non contemnendam ratus , continuò  
 Ioannem Osorium Quinnionium affinem suū  
 uirum quidem iudicio , ac rerum usu admos  
 dum præditum ad illum misit ; qui denuo , cū  
 quid ipse sentiret , tum qualis apparatus in  
 Sicilia ad præsens esset ; qualisq; tam breui  
 tempore fieri posset , illi suo nomine expone  
 ret . Quòd si tamen eam prouinciam susci  
 piendā omninò putaret , se facere non posse ,

quin ipsius sententiam comprobaret, consiliūq; sequeretur. Quamobrem se daturum extemplo operam, ut quicquid ad id bellum gerendum necessarium existimaret, quantū in se esset, maturè prouideret. Et præstitit, quod receperat: nam & antea, cum illud breui futurum prospiceret, multa, ut diximus, prouideri mandarant: & eam tunc adhibuit in prouidendo diligentiam, ut decem dierum spatium commeatu primū, & reliquis copijs, quibus humanus usus carere non debet, deinde tormentis æneis cum magna pilarum, & Sulphurci pulueris ui, atq; alijs machinis ad ferienda, disturbandaq; hostium mœnia Naues duas oneraret. His crates uimineas, & præacutos uallos addidit, ex quibus, quos nunc Cauiones uocant, quòd caueæ similitudinem habeant, cōfici possent, ut cum primum tormenta locis idoneis disponentur, eodem tempore terra illos repleti,

& aggeres ad illorum, & militum tutelam  
 facile iaci possent. Habitus quoq; delectus  
 militum fuit, & omnes Hispani generis, qui  
 ad militiæ munia obeunda idonei in prouin-  
 cia sunt inuenti, nomina haud inuiti dede-  
 runt. Itaq; præter illos milites, quos antea  
 conscriptos fuisse, & Cephaledi, Thermisq;  
 & Lilybei præsidio relictos supra demons-  
 trauius, quatuor Centuriæ confectæ sunt:  
 quas inter una Græcorum erat: qui & si an-  
 tea leuis armaturæ equites fuerant: diuq;  
 sub Cæsare militauerant: tamen cum ido-  
 neis tunc equis carerent, Proregi moris geren-  
 di gratia pedibus stipendia facere decreue-  
 re. Adhæc Messanam, ubi magnum Sul-  
 phurei pulueris numerum esse compertum  
 habebat, qui aliquam inde uim adueherent,  
 mittendos curauit, qui tametsi maturè non  
 perferretur: post profectiōem tamen unà  
 cum commeatu, & reliquis rebus, quas

Prorex ipse denuo comparari mandarāt, mitti posset. Dum Vega ad eam expeditionē ita se cōparat, seq; profecturū illō esse, ita<sup>l</sup> dissimulat, ut nulla certa consilij, propositiq; eius fama manaret, Garfia nullum remittebat tēpus: cum ut Principis mandata exequeretur: tum ut, quam sibi augendæ dignitatis oblatā occasionem putarat, nequaquam amitteret. Hic enim cum exploratum haberet, Ioannem Vegam sūma uirum prudentia, ac sapientia præditū, haud faciliē in animū inducere poterat, eū nisi præparatis abūde rebus, magnōq; exercitu coactō, cuius propē nulla facultas erat, tātā esse prouinciā capturū, & propterea, ut in aliud tēpus differretur, Auricæ suasurū. Et quēadmodū sibi persuaferat, eū illō haudquaquā profecturū, sic eius rei administrandæ summā se potestatē habiturū putauit. Quāobrem sūma ope studebat, ut omneis hispanos milites, qui pro illius regni tutela Neapoli

uersabantur , secum adduceret , cuius rei & si non penitus , aliqua tamen ex parte , sed penè inuito patre , qui regnum eo præsidio destitui nolebat , compos fuit . ij mille , & quadringenti numero erant , ueterani omnes diu apud Insubres in bello antebac uersati , et inde Neapolim abhinc triennium ad Neapolitanos in officio continendos acciti . Tormentorum insuper æneorum magnam uim , & quicquid ad ijs aduersus hostes utendum opus erat , ab eodem obtinuit . Baliſtas præterea ad magnos lapides in hostes iaciendos , Scalas , machinas , aliaq; instrumenta bellica sibi magna adhibita diligentia comparauit . His igitur copijs , ac rebus instructus Garsia , ut sine contrauersia , quod maxime cupiebat , consequeretur , dabat operam , ut in Africam ad Principem omiſſa Sicilia reuerteretur ; & prius se duce illud oppidum expugnaretur , quàm suæ profectionis à Nea

poli fama ad Siciliam perueniret. Sed longè aliter, atq; ipse opinatus fuerat euenit: Berengarius enim Siculae classis praefectus, & Bernardus Chimeranus unus ex Rhodiensium triremium ducibus, qui ambo Auriae iussu Neapolim cum illo profecti fuerant, audacter, libereq; illi coràm dixerunt, se nullo unquam pacto id, quod contrarium officio, & existimationi suae esset, efficere posse, sed in Siciliam prius ad Ioannem Vegam nauigaturos, atq; ipsius mandata, cui maxime obtemperare debebant, executores; praesertim, quòd de rebus ferè omnibus, quibus ad id bellum, quod parabatur, opus foret, inde esset prouidendum: Ioannes Osorius iam à Principe reuersus fuerat, eiusq; mandato ad Proregem detulerat, ipsius aduentum autè ab ipso expectari: cum quòd rem in aliud tempus non reiiciendam existimabat: tum quòd ipso auctore prosperè, atq; ex omnium

sententia euenturam pro explorato habebat. Quocirca factum est, ut Prorex Auriae consilium sequi, & oblata capere prouinciam statueret. Præterea, ut solertis ingenij est, cum Garsia consilium præripuisset, ad Berengarium scripserat, ut Panormum suo tēpore reuerteretur. Sed eas literas ad Aluarum filium, qui cum suis militibus in ea classe Neapolim petierat, misit, illum monens, ut cum Garsia in Africam rediens prope Siciliam nauigaret, tunc illas Berengario redderet: quod & tempestiue factum fuit, & Proregis uoluntati cumulatissime satisfactū. Id Garsia moleste admodum tulit, propterea quòd & summam rei gerendæ potestatem, & incredibilem benè gestæ gloriam sibi eo facto è manibus ereptam putarat. Sed ita profectò decipiebatur, ut, si eius ipse rei compos fuisset, & se ipsum, & exercitum, & Cæsaris existimationem perditum isset.

Quanquàm

Quanquàm non illi penitus uitio dandum putamus: nā præterquamquod ipse ob nōnulla à se mari præclarè gesta, id sibi, uirtutiq; suæ munus expetebat, per quod, si res ex sententia contigisset; & nomine, & dignitate augeri potuisset;angebatur ardentis animi iuuenis, quod in Africa iuxta minorem Syrtim patrum Garsiam belli, pacisq; studijs excellentem uirum amiserat, in eo scilicet bello, quod, undequadragésimo abhinc anno Rex Ferdinandus cognomento Catholicus aduersus Lothophagitim Insulam suscepit, eiusq; belli summam ad illum propter uirtutis opinionem detulerat: præsertim quod postquàm animaduertit, Ioannem Vegam, cui iure multis nominibus obtigit, eam prouinciam suscepisse, se ipsum extemplo colligens, ità se illi morigerum præbuit, ut cum per omnes occasiones illi placere semper studeret, æque,



ac parentem amauerit illum uehementer ,  
 & obseruauerit plurimum . Tribus ante die-  
 bus , quàm ipse Drepanum perueniret , Prin-  
 ceptis Auria non tam ut negotio instaret ,  
 quàm ut commodius copiae transportarentur ,  
 ac nonnullis necessarys rebus triremes ins-  
 trueret : Præterea , ut Afros metu discessu  
 suo liberaret , negligentesq; redderet , illuc  
 appulerat : & continuò Marcum Centurios-  
 nem legatum suum cum quatuor , & uiginti  
 triremibus Panormum misit ; eiq; id omnium  
 primùm mandauit , Vt Ioanni Vegæ Prore-  
 gi tum præstò esset , tum omnia ad eius nu-  
 tum , præscriptumq; diligenter faceret . Sed  
 Auria ab Africa discessus ita intempestiuus  
 fuit , quod postea liquidò patuit , ut res nos-  
 træ penè afflictæ , in maximum periculum ,  
 ac discrimen adductæ sint . Sub idem ferè tẽ-  
 pus , triremes Siculæ , quæ Garsiam sequi  
 noluerant , eiusq; minas , & obtestationes

contempserant , portum intrarunt ; seq; omnes mutuo plausu , lætitiâq; exceperunt .  
 Iam omnia à Prorege , ut diximus , parata erant ; & qui suam in Africam profectiônem uel alicuius motus in prouincia causa , antehac dissimularat , uel uerius , ne , quod summo studio in hanc expeditionem Garsia Neapoli parabat , intermitteretur ; eo præcipue nomine , quòd nuntium ab Auria de ea re expectans , nondum certum proficiscendi consilium ceperat , se iam profecturum esse , palàm professus est ; isq; rumor statim per prouinciâ sparsus . Quamobrem Siculi ferè omnes cogitare quamprimum cœpere , quem potissimum ex principibus Prorex abiens præesse Siciliæ iuberet . Sed cum alij hunc ; alij illum tantum sustinere onus posse iudicarent , Prorex , quanquàm exploratum habebat , complureis ex primoribus quouis munere fungi posse ; tamen non in rem esse existis

mauit , Principem Siculum Siciliae prouinciæ præesse : quod aliqua forsân affectione motus , qua , qui muneribus funguntur publicis , carere omnino debent , in alios integros fortasse , & innocentes uiros animaduerneret , alios autem quouis crudeli supplicio dignos impunitos dimitteret : ex quo illud haud dubiè secutum fuisset , ut æqualilis antehac administratæ prouinciæ ratio , tenorq; pessimo publico sublatus esset . Itaq; omissis optimatibus Siculis Ferdinandum Vegam filium præposuit prouinciæ : ijs maxime incitatus rationibus , quod raram in iuvene prudentiam pari sapientia , & grauitate coniungam , quam uix paucos in senectute consecutos uidemus ; præterea maximum in eo uirtutis lumen elucere animaduertit : quo duce illum se talem eo in magistratu præstiturū opinatus est , & sperauit , ut maioribus suis , se patre in primis haud indignus censeretur .

nec illi præter opinionem & spem, quam cepcrat, euenit: nam patrijs usquequaque insistentis uestigijs, ita se gessit, ut cum nihil illius quotidianæ consuetudinis in agendis negotijs prætermitteret, & nulla gerendæ provinciae mutata ratio uidebatur; & ipse eiusmodi se, & maiora sustinere posse onera præseferibat. Hunc tamen, antequam discederet, quid ipsi ad prouincialiū societatem, pacemque conseruandam cum uiris capitalibus agendum; quid ad prouinciam ab externa ui tutandam; quid de rebus ad bellum, si forte protraheretur, necessarijs cum senatu, magistratuque, & Cæsaris procuratoribus consulendum, prouidendumque esset, monuit diligenter, & instituit; nihil denique, quod prudentissimus rector tali tempore præcauere debebat, prætermisit. Ordinatis ad hunc modum prouinciæ rebus, ac necessarijs ad bellum paratis, in nauesque, ut supra memorauimus, impositis undecimo

Cal. Quintilium Prorex è Regia à filio præfide, & proceribus, tota ferè Ciuitate insequente, alijs, quos Aphrodisij munitus situs, & opera non latebant, illum ire fortè, ire felicem cum totò exercitu iubentibus: alijs qui illius uirtutem, animiq; magnitudinem perspectam habebant, non spem, aut curā, sed certam animo uictoriam uoluentibus, ad portum usq; deductus, primis tenebris magno omnium applausu classē conscendit; prizmaq; inde uigilia soluit. Sed aduersis uentorum flatibus uix secundo post die Drepanum peruenit; ubi cum Principe Auria ipsius aduentu maxime hilari, lætoq; se coniunxit, & Garsiam, qui triduo ante illuc appulerat benigne allocutus, sic paratum inuenit, ut facile crederet, sibi illum præstò in rebus omnibus semper futurum. Sed ibi communi suo, & Auria consilio, nulla penè mora facta, abierunt: & postridie mane ad Egusam In-

sulam peruenerunt: in quã eo nomine egressi sunt, ut, quoniam dies ille diui Ioannis Baptistæ natali dicatus erat, festus quidem, & omnibus Christiani nominis uiris admodum solennis, sacrificio interessent: quo statim peracto, regressi in classem, nauigationem continuarunt. & postero die in Cosyrã sub meridiem uenere: ubi perofficiose, & peramanter ab eius Insulæ habitatoribus, & incolis excepti: Nam quicquid illi frugum, quicquid pomorum, & aliarum copiarum habebant, sponte obtulerunt. Sed omnia non nisi persoluto prius pretio ab ijs accepta. Etsi eodem die inde discessum est: tamen cum nullus penè flatus esset, uix ad eam eiusdem insulæ partem, quæ in Africam uergit, peruentum. Prorex cum paucis in terram delatus, cum benè mane esset, rem diuinam fieri iussit. Ibi aliquantulum nullo spirante flatu cōmoratus est. à meridie,

inde leui admodum flante aura nauigare cœperunt; eo scilicet consilio, ut nisi uentus increbesceret, uel Monasterium, quod iam propè erat, uel paruulas Insulas, quibus à Cuniculis nomen inditum, supra demonstrauius, classe peterent. Sed frigidi terræ anhelitus, ità uentum intempesta nocte auxerunt, ut Auricæ consilio nostri ad Aphrodisium cursum dirigerent: ad quod postridie eius diei paulo post meridiem cum duabus illis nauibus, quas commeatu, & munitionibus oneratas diximus, nam eas nunquam omiserant, peruenere. Ioannes Vega pro singulari, qua est humanitate præditus, nulla interposita mora cum ducibus, et primoribus classis Principem Auriam conuenit, ut quid agendum esset, communi prius consilio decerneretur, & ille primus omnium rem referret, ac discessionem faceret. Sed cum ab illo Aur. a mansuetudine & modestia uinci

nollet, se ei cedere omnino affirmabat: atque id, ea causa facere uidebatur, ut cum Vega retulisset, post aliorum sententias rogatus & ille suam diceret, in quam reliquos utros arbitrabatur. Sed eorum uterque, dum alterius habere rationem studebat, nullum consultandi initium faciebat. Quamobrem Auzria non se relaturum, sed quid ipse sentiret, breuiter dicturum professus est. Eius sententiæ summa hæc fuit, ut Aphrodisium, siue Arabes amici, siue hostes essent, oppugnaretur: nam ipsius Vegæ, cui summa rerum mandata erat, prudentia, & rei militaris scientia, usuque, & cæteris uirtutibus maximo duci consentaneis, quibus illū ornatū uidebat: ac ueteranorū militū, quos habebant, uirtute, roboreque sæpenumero perspecto, breui fore sperabat, ut omnino uictoria potirentur, eamque ciuitatē Cæsaris imperio subycerent: ex qua postmodum tota Libya capi posset.



Quòd si in aliud tempus id negotium differretur, præ loci ingenio, situq; ità opere id oppidum firmari, muniriq; posset, ut frustra postea quibusuis opibus tentandum esset. Quamobrem occasionem, quam offerri uidebant, libenter arriperent; & suæ & Cæsaris gloriæ uno tempore prouiderent. Zancclus Rhodiensis classis præfectus, & Antonius Auria, qui deinceps rogati sententiam fuere, illud idem efficiendum censuere, nisi quòd Antonius, ut est magni uir consilij, & non rei modò naualis, sed etiam bellicæ admodum peritus, addidit, ut locus in littore, ubi commeatus, & quicquid munitionum causa ueherent, constitui tutò posset, prius communiretur, quàm inde ad oppidum castra mouerent. Cæteri in eandem sententiam discessere. & eò factum est, ut cum Siciliae Prorex idem sentiret, Principis sententiam, quiq; illi assensi fuerant, uehementer probas-

ret , atq; iâ pro auctoritate sua confirmaret ,  
 cunctisq; persuaderet , ut monumentum illud ,  
 quod Antonius suaserat , omnino fieret , &  
 ducentorum militum præsidio firmaretur .  
 Ac , nequid tēporis amitteretur , statim quod  
 collocandum in eo erat , è nauibus illò conue-  
 heretur , nostræq; triremes illi , quàm pro-  
 xime fieri posset , tutelæ causa admoueren-  
 tur : deinde reliqui milites in terram expo-  
 nerentur , ut eos ad capiendum collem , quem  
 e regione urbis , cum oculos circumtulisset ,  
 atq; omnia ijs perlustrasset , paruo occupa-  
 tum præsidio uiderat , extemplo duceret ,  
 ibiq; castra communiret : existimabat enim  
 maxime in rem esse , si is collis in nostrorum  
 potestatem ueniret , simul quòd quid animi  
 haberent Arabes nondum sciebant , quos si  
 nobis hostes , & præsentés adesse continge-  
 ret , non erat dubium , quin ea in re magno  
 nobis impedimento esse possent . simul quòd

inde haud dubiè sequebatur, ut oppidum à re frumentaria, & reliquis commodis, quæ mora temporis suggerere solet; deniq; ab omni subsidio intercluderetur. Quod quidem tametsi ab omnibus comprobatum fuit uehementer; tamen ex Auricæ consilio milites in terram deponendi negotium, quòd nondum tota classis conuenerat; in posterum diem dilatum fuit. Nec ea temporis dilatio malè cecidit; etenim ante lucem, cum luna pernox esset, & non parua Scapharum, & nauigiorum, quæ remis impelluntur, suppeteret copia, milites in continentem eo ordine exponi cœpere, ut unius horæ spatium, aut paulò amplius omnes in littore instructi essent. Ex ijs duæ acies confectæ sunt; altera ex ijs modò, qui è regno Neapolitano aduecti fuerant, constabat; altera tum eos, qui in Sicilia conscripti fuerant, Aluaróq; Vegæ parebant, tum quibus Ferdinandus Lupus præ-

positus fuerat, præterea Diuiloannis Hierosolymitani milites strenuos quidem, & pulcherrime instructos continebat. Dum ad hunc modum instruitur acies, iam munimentum in littore non longè ab eo colle, quem castris elegerant, fieri coeptum: quod & Prorex ipse designauit, & ad alios inflammandos primus pala uertere terram coepit. quo quidè exemplo breui postea confectum fuit: præsertim, quod cū ex Vegæ sententia duæ cēturiæ, quarum altera Hispanorum, quibus Solerius præerat, altera Græcorū, quibus Matthæus imperabat, in illius custodia relictæ essent, ducū diligentia, & militum industria nullum in muniendo tēpus remissum, & interea, dū agmina procederent, penè absolutum opus fuit. Garsia prius agmen ducebat; posterior Siciliæ Prorex, collemq; uersus, sed longè ab oppido, ne ab oppidanis tormentis æneis ferirentur, incedebant.

ab eo non amplius ducentis passibus aberant, cum ex priori agmine ex ijs, qui, quòd Archibusijs tormentis non priam inuentis hostem feriant, archibusiarij nominantur, ducenti: ex altero autem trecenti, qui eisdem tormentis utebantur, subducti sunt. Cum ijs Ioannes Osorius Quinnionius, & Moreroz la strenui duces ad collem occupandum, & hostes, qui in eo apparuerant, deiiciendum missi: qui celeriter sed insequentibus agminibus profecti sunt: ut, si quid ijs forte accideret, opportunum præstari auxilium posset. Et facile, quod cupiebant, assecuti, barbari enim qui locum obtinebant, quamprimum cessere, seq; in urbem sparsa fuga recipere. Quare agmina statim consecuta sunt, ibiq; castra, ut constituerant, posuere: locum enim ita munitum, atq; idoneum inuenerunt, ut ab omni hostium etiam innumerabilium impetu, quiq; maximo equitatu pollerent, se

tutos usq;quaq; fore animaduertent. Nam præterquam quòd editus natura, ac præceps est, optimis aquis abundat, lignis uerò penitus non caret; & qui in ea urbe uersabantur, sic intercludebat, ut nulla penè egrediendi, nec quicquam importandi facultas esset. Positis igitur, communisq; castris, maximam Vega diligentiam adhibuit, ut naues quamprimum exonerarentur: & comæatus in horreis conderetur: Tormenta autem, & quicquid muniendi, & commodè illis utendi gratia comportarant, opportunis locis constituerentur. Sed perflante eo die Austro, id non potuit ex Vegæ sententia tā celeriter perfici, quod autem in illius manu fuit, misit ea nocte Garsiam, & cum eo Ludouicum Peresium Gulettæ præfectum, qui Principis Auricæ triremi paucis ante diebus ipsi ob eam causam relicta uectus illò se officij causa contulerat, ut cum sex præfectis

militum omnia specularentur, ac diligenter  
 explorarent: ut certior inde fieret, ubi ænea  
 tormenta disponi, & commodè hostium mœ-  
 nia quassari possent. Id ab illis strenue factū:  
 etenim loca urbi proxima, & tormentis dis-  
 ponendis perquàm idonea, sed communica-  
 to prius cum Vega consilio, delegerunt, qui  
 & illuc profectus est, & illorum electionem  
 probavit. Sed accidit, cum urbis muros spe-  
 cularentur, ut nonnulli ex oppidanis, qui  
 uel eruptionem fecerant, uel in statione ex-  
 tra urbem uigilabant, nec ab illis præ noctis  
 obscuritate præuisi fuerant, duo missilia tela  
 in nostros torquerent: quorum alterum Lu-  
 douici Galeam uix tetigit: alterum autem  
 aberrauit. Huic à cæteris subsidio uentum,  
 & quòd ueriti insidias fuerant, ad arma cõ-  
 clamatum. Quamobrem factum est, ut ipse  
 met Vega è castris cum magna militum ma-  
 nu recipiendi eos gratia, illò descenderet, &  
 nullo

nullo ab ijs detrimento accepto, ac locis omnibus diligenter exploratis, in castra reduceret. Eodem ipso die, cum nostri Aphrodisium peruenere, nonnulli Arabes sciscitatum uenerunt, an Azenus Tunetis Rex in classe ueniret: & edocti à nostris illum aduenisse; sibi cū eo loquendi potestatem fieri petiere: qua per Vegam, Auriamq; ipsis facta, in quadrremē, ubi Rex manebat, transiere, eumq; & uenerati sunt, & allocuti. Cum primum Rex aduentus illorū causam cognouit, se inde ad Vegā, Auriamq; contulit, ipsisq; quid noui illi attulissent, renuntiavit: esse uidelicet in ea regione Arabes, qui circiter quatuor millia numero erant, equites omneis, qui audacter pollicebantur se illorum finiu, ut ab omni hostiū impressione tuti essent, custodes futuros, & cōmeatū abundē ipsis præbituros esse. Benignē illis responsum fuit, tā promptū ipsorum animum, & quod se effecturos recipiebant, q̄ gratissimum



accidere. Quod si re ipsa, ut sperabatur, præstaret, exploratū ipsi haberent, se apud gratos homines posituros, qui non modò non cōmitterent, ut officijs uinceretur, sed eumulatè, quod in ipsos constaret, remunerarentur. Atq; id nō eo nomine factum principio fuit, ut putaretur quicquā fidei illis habendum, cū rumor manaret, & re ipsa constaret eos quidem certè homines leuissimos esse: tamē Bucarus ipsius Regis filius, qui ab illis postero die ad castra uenerat, nuntiauit nostris, ex yis supra mille equites sibi amicissimos ad quinq; millia passuum cōsistere: qui neminem ad negotium nostris facessendum uenire pateretur. Eodem die ex literis, quas Tunete Buametus Vlelus, & Adrametus Benus nō parua in ea urbe, ac regione auctoritatis uiri ad Azenum dederant, quibus se eius aduentu mirum immodum lætatos scribebant, cognitum est uniuersum Tunetis regnum uehementer cōmotum, ut primū auditū

est Cæsaris classem ad Africæ tractum appu-  
lisse: & Hamidam tyrannum, quē paucis ante  
annis summa cū impietate Azenū patrē uno  
tempore orbasse oculis, regnoq; spoliasse de-  
monstrauimus; magno timore affectum esse:  
& ea ratione Arabes cognomine Fricenses,  
ijs qui prope Aphrodisium degebant, maxime  
inensos, & Vledum Zeitum eorum præfectū  
accerxisse. Hi regi Azeno pollicebantur, se illi  
præstō semper futuros, si se in fidem, & clien-  
telam acciperet. Addebant insuper centum  
equites non longè inde abesse, qui ipsum Aze-  
num alloqui, & cum eo de cæteris rebus ad cō-  
munem omnium utilitatem spectantibus cōmu-  
nicare cuperent. Hi omnes Numidæ re uerā  
sunt, sed Arabū nomine magis gaudent, quod  
Mahometem in Arabia ortum ferunt. Hi nec  
certas domos, nec sedes habent. Et quoniam  
ex rapto uiuunt, modò hæc, modò illa loca, unde  
se aliquid uel frugum, uel pecorum abacturos

sperant, turmatim petunt: & sub dio cum suis familijs in tabernaculis uiuunt: leues quidem homines, & nullus propè fidei esse constat. ex equis assiduè pugnant: iaculis breuibus ad hostem eminus feriendum, & falcatis, quibus cominus præliantur, ensibus, ac prælongis duplici plerisq; munitis ferro utuntur lanceis: quibus etiã fugientes ipsi insequentem hostem feriunt. Clypeis ab hostium ictibus se subducunt, turmatim equitant, ac uagantur: et turmæ omnes præfectis suis, quos ipsi per suffragia eligunt, creantq; haud inuiti parent, & certis inter se legibus uiuunt. Non desinam hic commemorare rem quidem non prætereundam silentio: quòd inter eos Numidas primaria foemina uersabatur, uel potius parti illorum præerat, eamq; morigeram semper habebat. Hæc illorū præfecto genere, & factis, ut inter barbaros, claro uiro, nupta fuerat: quem & si ipsa in flore iuuentutis, & pulcherrima amiserat: tamē

Et prudentia, quæ rara est in fœmina: Et pudicitia se tanto uiro dignam præstitit. Quare factum est, ut quibus uiuens maritus imperauerat, non secus uiduæ ipsi morem gererent, atq; illi antea non inuiti paruerant: etenim coniugis insistsens uestigijs, ita erga omnes se gerebat, ut cum nulla administrationis facta mutatio appareret, uehementer ab omnibus coleretur. Hæc Vegæ uirtutibus allecta, quarum fama totam ferè Africam iam peruaserat, suas partes esse duxit ea integritate, Et præstantia uirum sibi conciliare. Itaq; egregium illi munus agrorum fructuum, auium cohortalium, Et pecorum misit: etiam qui suo nomine diceret, se illum officij causa couenturam fuisse, si decuisset fœminam uiro orbatam, atq; ætate integram, nec deformem uiri adhuc iuuenis tabernaculum ingredi. Oblectatus mirum immodum Vega est non tam munere, quàm iugenio, dictisq;

non barbara muliere , sed quæ uel Romæ ,  
uel Lacedemone nata esset , dignis , munusq; libenter accepit , summisq; illam laudibus ad cælum tulit : contraq; illi sericas uestes , mellitos panes , aliaq; eiusmodi melle condita , etiam poma omnis generis , quæ nusper è Sicilia allata fuerant , dono misit : ac per nuntium significauit , se , quod magis deceret , ipsam uisurum , si propius accedendi daretur occasio : interim si quid eius causa posset , se libere uti uellet , quod officium tantæ uirtutis debitum , quantum in se esset , non prætermitteret . Sed illud Vegæ per interualla locorum , belliq; molem præstare non licuit ; quod libentissime quidem effecisset , ut de facie , congressuq; cognosceret , cuius ingenium minime barbarum existimarat . Ex eo Numidarum numero complures eodem die boues , uitulosq; in castra perduxerant : etiam nonnullas cohortales attulerant aues : pro

quibus , cum pretium , quod ipsi indicarant , recepissent , nullo non die postea idem non inuiti fecere . Edicto etiam Vega , Auriaq; cauere , ut quicunq; commeatum , reliquasq; copias ad uitæ usum necessarias in castra conueherent , uenaleisq; haberent , cum accessus , recessusq; omnibus tutus esset : tum præfinitum ab ipsis pretium persolueretur .

Quamobrem tanta rerum copia in castris erat , ut in celeberrimo esse emporio omnes uiderentur , præsertim , quòd Ferdinandus Vega , qui Sicilia præsidebat , summa primum pietate in patrem : deinde officio , quod Cæsaris copys præstare debebat , incitatus penè quotidie onusta illuc nauigia dirigebat , & fructus , quibus eam regionem carere existimabat , illò potissimum perferendas curabat .

Ad quod , & reliqua omnia , quæ tum ad quietum prouinciæ statum , tum ad Aphrodisiense bellum conficiendum pertinebant , ità Præses

uigilans , atque intentus erat , ut patrimonij Cæsaris procuratores , eosdemq; consiliarios excubare , uigilare , sibi noctu , & interdium præsto esse , ac uehementer laborare iuberet : ijs enim Præses , quæ agenda erant , imperabat : illi autem properè , ac diligenter eius mandata exequiebantur ; ij erant prudentes , & ipsius Cæsaris testimonio probati uiri Andreas Arduinus Consultor regius , Iacobus Abates , Ioannes Solyma , Petrus Augustiznus , Guilielmus Bonannus , ac Quæstor regius Philippus Rocha : etenim præclaro ipsius Cæsaris instituto dum qui integræ uitæ fuerant , ob bene administratâ remp. Drepani colaudabâtur , et qui parum syncerè sua munera obierant , ignominia notabantur , hi publico præconio celebrati sunt . Horum igitur diligentia , & acri Ferdinandi Præsidis uigilantia , promptoq; in explicandis difficillimis rebus consilio , necnon expedita , grauiq; in dubijs

deliberatione, qui senibus illis rerum usu, atq;  
experientia probatis nonnunquam in capiendo  
consilio titubantibus, ac propter ancipites ne-  
gotiorum exitus æstuantibus adolescens ipse  
sua sapientia, consilioq; succurrit, factum est,  
ut in providendis rebus omnibus, quæ comme-  
atus & munitionis causa expetabantur, ne-  
cessariæq; erant, non maturè solum conquire-  
rentur, uerumetiam celeritate incredibili in  
Africam transportarentur. Præsertim quòd  
Proregis, Præsidisq; mandato Ioannes Osor-  
rius Sylua egit diligenter, ut cum regium æra-  
rium penè esset exhaustum, locupletes, & pe-  
cuniosi homines pecuniam, quanta ad eius bel-  
li sumptus faciendos opus foret, Quæstori res-  
gio mutuam darent. His tantis commodita-  
tibus nostri in spem haud dubiam principio uer-  
nerant, breui futurum, ut oppido potiren-  
tur: & putabant id tantummodo morari ui-  
ctoriam, quòd tormenta ænea nondum collo-



carant. Itaq; omnem adhibuerunt diligentia, ut id, quamcitissime possent, exequerentur: et duobus maxime idoneis delectis locis, quorum alter circa collis radices, in quo castra inezrant, quinquaginta supra trecentos passus ab urbe distans: alter non amplius ducentis quinquaginta à muro aberat, & mari ad orientem uergenti proximus erat. In ijs his partitò maiora tormenta ex eo genere, cui à cannarum similitudine nomine indito, Canzonones appellamus, duodeuiginti constituerunt; in singulis scilicet locis nouena: ducto, iactòq; prius aggere, qui ab inferiore loco ad mare occidentis usq; , & illinc reflexus ad superiorem perducebatur: ex quo alter qui in orientis sinum pratendebatur, exibat: tutusq; ijs ad utrunq; locum accessus, recessusq; nostrise rat. In ijs iaciendis maxima Garsia diligentia, industriaq; enituit; qui non modo ea in re, sed in cæteris, quæ ad parandam

ex barbaris uictoriam , Aphrodisiumq; expugnandum pertinere uidebantur, & celeritate incredibili , & industria singulari usus est, & summam animi magnitudinem præ se tulit . Pro ijs aggeribus passus ab urbe circiter centum quinquaginta locus itidem à nostris uimineis cratibus , uallis , pluteisq; & terra communitus, atq; octingentorum archibusiariorum præsidio firmatus fuerat : ut illo-  
rum metu nulla hostibus consistendi in muro potestas esset . Sed dum à nostris aggeres iacebantur , hostes non semel, & iterum eruptione ex urbe facta ad munitiones usq; audacter progrediebantur , telisq; in nostros operi-  
intentos coniectis , ac nonnullis ex ijs uulneratis , se in urbem festinanter recipiebant . Sed cum rursus breui interiecto tempore maiore concursu , atq; impetu reuersi essent , nostri iam sibi præcauentes , quòd illud futurum præuiderant , in illos infestis armis cons-

uersi sunt , ac non modo sparsa fuga illos in oppidum reiecerunt , sed etiam ex ijs alios occiderunt , alios grauitè sauciauerunt : quos inter Turca fuit , quem tum uirtute , tum generis splendore cæteris anteire dicebant . Accidit præterea aliàs alia pugna , quod non prætereundum silentio duximus , ut cum ne minem sua laude fraudemus , reliqui proposito præmio ad uirtutem capeffendam excitentur . Lusitanus quidam miles , cui nomen Sosa erat , non æquo animo jèrens tantam Scytharum , oppidanorumq; audaciam , qui nulla penè timoris significatione facta in stationes nostras erumpere nitebantur , cum tormentum , quod manu habebat in hostes ex ipsis aggeribus explosisset , eo statim relicto gladium infenso animo distringit , arreptaq; è solo læua manu corbe , qua in opere faciendo usus fuerat , ut ea pro tempore uice clypei uteretur , è munitionibus extemplo desiluit ,

.nagnoq; impetu in confertissimum hostium agmen inuehitur, ex quibus dum solus ipse non paucos sauciat, terga uertere omnes cogit, & usque ad moenia persequitur: &, quod illi maximo decori fuit, leui tantum in altero fœmore accepto uulnere incolumis ad suos reuersus: egregiamq; laudem ab omnibus tulit, à Vega in primis, à quo non modò uehementer collaudatus, sed etiam insigni munere donatus est. Ex eo militis facinore, & reliquorum uirtute secutum est, ut hostes postea se oppido continerent, ac nostræ munitiones perficerentur. Quamobrem spes nostrorum quotidie magis augebatur: Nam tametsi oppidum loci natura, & opere munitum uidebant: tamen cum putarent, paucos defensores esse, & in eo paruam omnium rerum, quæ ad bellum usui sunt, facultatem inesse, paucorum dierum obsidione,

deditionem illam facturam crediderant. Sed ab ea opinione, ac spe, quam acceperant, decepti sunt: propterea quod satis magnum, ualidumque in oppido praesidium uersabatur: & magna omnium, quae ad usus bellicos exspectuntur, facultas erat: etenim post captum, euersumque Monasterium oppidani omnes ex fuitimorum casu, quid sibi accidere posset cogitantes, summa cum festinatione fruges omneis, quae iam maturae in agris erant, rescuerunt, atque in urbem importarunt. Etiam armenta, & greges in oppidum receperunt: quibus statim caesis, in partesque dissectis, ac multo sale seruandi causa conspersis, si quando casus, necessitasque urgeret, uesci, seque ijs sustentare possent (constat enim Afros, Turcasque tenui uictu contentos esse, ac facile inedia pati posse). Adhæc cum Auria relicto oppido Drepanum petijt, triremesque inde Paznormum ad excipiendum Proregem Vegam.

misit ; tria nauigia commēatu , & militibus  
onusta subsidio illis ex Aegypto uenere : quib;  
bus ualde oppidū firmatum fuit ; Turcæ enim,  
& Aegyptij, qui in illius præsidio iam uersa-  
bantur ; sexcentorum numerum excedebant ;  
ijsq; ad mille Afros, atq; ex ijs trecentos, qui  
sclopettis utebantur ; delegerant : quibus ita  
confidebant , ut nullam externam uim sibi ti-  
mendam putarent . Nec erat , quamobrem  
nostri sperarent intestina discordia , ut male  
antea edocti fuerant , expugnari urbem posse  
se : proptereaquod oppidani cum exteris ad  
urbis defensionem concordēs erant : & non  
nulli ex ijs , qui in suspicionem Turcis uenez-  
rant , in uinculis habebantur : præterea op-  
pidum ipsum præterquamquod ualido muro  
circundatum fuerat , ita loci natura munies-  
batur , ut magnam ad ducendum bellum da-  
ret facultatem : proptereaquod penè totum  
mare cingitur , & spatium, quod non amplius

ducentorum & triginta passuum esse diximus, qua mare intermittit, quod partim in meridiem, partimq; in occasum uergit, firmissimis mœnibus, turribus, propugnaculisq; munitum est: quæ cum terra ad summum repleta, & firmissimo structuræ genere, quo Mauri utuntur, ædificata olim fuissent, nullis penè tormentorum ictibus deiçci, aut disturbari poterant: ante hæc & altera, sed humilia constructa erant mœnia, quæ plures, sed multo minores, è regione sitas habebant turres, itidem terra ad summum repletas: & interuallum, quod inter utrunq; murum est, nisi qua transitus per septem portas æreas non rectè, sed obliquè positas, in urbem patebat. Hæc ita munitam reddebant urbem, ut nullam hostium uim, aut conatum formidarent. Augebat etiam rei difficultatem, quòd præter loca urbi proxima, quæ & uadosa, & inæqualia sunt, triremes

triremes ad eam accedere nequaquam poterant. Quarè fiebat, ut è mari nusquam commodè murum tormentis deicere, nec siqua forte deiectus foret, qui ab ea parte aggredierentur, immittere possent.

In eo latere, quod Orientem spectat, portus est intra Urbem, sed parvarum cymbarum capax, quàm si classi accedere propius licuisset, magna inde commoda nostris fuissent: & facile inde inuadi urbs, atq; expugnari potuisset. Sed ijs causis, quas diximus, omnis penè à mari capiendæ urbis facultas eripiebatur. relinquebatur igitur, ut ab ea tantum parte, qua oppidum firmissimum, munitissimumq; erat, summa ui oppugnaretur. Et quoniam omnis spes tanti negotij conficiendi, in tormentis æneis reposita erat, illis iam opportunis locis, ut demonstrauius, constitutis, ac necessarijs rebus instructis ad opus



noſtri accingebantur . Sed Prorex Vega, et Princeps Auria, ut duces prudentiſſimos decebat , cenſuerunt , ut antequàm murus feriri , quaffariq; inciperet, tentaretur , an aliqua hoſtes conditione cedere urbe uellent . Itaq; cum ad tempus non parvæ auctoritatis uir ex illis Numidis in caſtris eſſet Aluis Daunus Mantaffarris filius Tunetis Regi, & eius filio perneceſſarius, & Isæ, atq; Hazli, qui Aphrodiſienſi præſidio præerant, iamdè pridem notus : hunc ad illos in hanc ſententiam ſcribere placuit .

Eſt , quòd ſciatis, me nuper ad Azenum, & Bucarum in caſtra ueniſſe, eosq; oraſſe uehementer , & obſecraſſe , ut à magnis Principibus Vega Sicilia Prorege , & Auria Cæſaris claffis præfecto multis precibus, & obſecrationibus peterent , ut non prius oppidū inuaderent , quàm ego ad uos ſcriberem . Et ipſi illorum cauſa miſericordia erga uos

commoti oppugnationem hodiernam, quam inferre uobis pararant, omisere: ultroq; uobis pollicentur, si soli oppido cedere uelitis, se liberam uobis exeundi potestatem facturos. Oppidanis autem, si Cæsari se dedant, nihil ex ijs, quæ possident, adempturos; eosq; tutos, ut reliquos, qui illius ditioni subiacent, ab omni iniuria præstituros: propterea quòd non eo consilio in Africam traiecerent, ut humanum sanguinem profundant; sed prohibeant potius, ne Christiana respublica à prædonibus, cæterisq; nocentibus, malisq; hominibus infestetur, atq; iniurijs quotidie afficiatur: & primum omnium, ut Christiana pietas, ac religio ad sempiternam diuini nominis gloriam augeatur. Dabitis igitur operam, ut nobis hodie omnino, quid animi uobis sit, respondeatis: propterea quòd nisi per uos factum erit, cras certà ab ijs oppugnationem expectetis. Quamobrè

Dei optimi , maximi nomine uos oro , atq; obtestor , ne committatis , dum licet , & uobis integrum est , ut dum tantam lenitatem , clæmentiamq; contemnitis , cædes , seruitutes , innumerasq; alias calamitates & misérias patiamini . Scripta igitur & obsignata epistola , ille idem Numida hominem idoneum nactus Afrum genere , qui eam se bona fide perlaturum pollicebatur , illi quàm primum dedit : qui præstitit , quod recepit . Sed illi nec responderunt , nec egredi ex urbe nuntium passi sunt , nec quid illi postea accidisset , scire unquam potuimus . Quarè postridie eius diei ea urbis pars , quam maxime munitam diximus , tormentis illis æneis ferri cæpta : etsi diu , multumq; ictibus penè innumeris percussa fuit : tamen quoniam mœnia , & structuræ genere , & latitudine , duos enim et triginta pedes ubi angustissima erāt , lata esse constabat , multo quàm antea renun-

tiatum fuerat, firmiora erant, non ex animi sententia cæptum opus procedebat. quamquam prior murus penè totus, & bona pars posterioris ità quassata uidebatur, ut appareret spectantibus eam, non longo interuallo ruinas edituram. Quare Vega, qui nulli labori parcens rebus omnibus intererat, uehementer instabat, ut tormentorū dissplosiones, iētusq; nequaq; intermitterentur; per quos dū taxat fieri poterat, ut muri deiçerentur; et nostri compotes uictoriæ fierent. nam quod ad milites attinebat, eā spem Vega, cæteriq; duces in ipsorum uirtute multis ante bellis spectata collocabant, ut disturbatis mænibus, in quibus maximè hostes fidebant, exploratum haberent, nullum nostrorum impetum illos laturos. Cum igitur tantum in militum robore confiderent, & rerum omnium copiam in castris esse perspicerent; præsertim quòd Numidæ in fide permanebant:

ac quotidie aliquid afferre studebant : id potissimum Vega curabat , ut hostium munitio-  
 nes crebris tormentorum ictibus prostratas  
 uideret . Quod quidem ut facilius assequi pos-  
 set , quanquam aliqua sulphurei pulueris ,  
 pilarumq; uis reliqua in castris erat : tamen  
 ne tempore maxime necessario deessent , egit  
 cum Auria , atq; illi statim persuasit , ut  
 propere ad Ferdinandum Vegam filium Sic-  
 ciliæ Præsidem ijs mandatis triremem mitte-  
 ret , ut si forte naus , quam ipse abiens one-  
 rari mandarat , propter aduersos uentorum  
 flatus nondum soluisset , triremis ipsa pulue-  
 rem , pilasq; tormentarias acciperet , & quā  
 citissimè posset , uel secundo uento , uel rez-  
 migum ui utens ad Africam remearet : aut si  
 naus illa Septemtrionibus uentis spirantibus  
 uela fecisset , quicquid sulphurei pulueris ,  
 pilarumq; Panormi relictum esset , in trires-  
 mem Præses imponendum , atq; ipsam euestiz-

gio remittendam curaret : aiebat enim id ad negotium conficiendum maximè pertinere : & in ipsius Cæsaris rem nihil præstantius fieri posse . Quare hortabatur illum uehementer , & rogabat , ut ea in re acri cura , summaq; diligentia uteretur . quod quidem summo cum studio , ac celeritate factum est : nā quanquā nāuis iam è Panormi portu soluebat ; tamen Præses magnam pulueris , pilarumq; uim , ut per literas pater monuerat ; eadem triremi cum non parua omnis generis frugum copia , perferendam curauit . Quamobrem omnes , in primis Vega mirum in modum lætatus est . Per eos dies duo ex oppidanis metu , ut ipsi dicebant , perculsi , ne expugnationem expectarent , egressi ex urbe fuerant : & ne in potestatem militum nostrorum uenirent , natando sibi salutem quæsierant : attamen in unum ex ijs Numidis , qui nostris morem gerere nitebantur , inciderāt :

à quo capti fuere , & suæ fugæ causam ,  
 & oppidanorum timorem patefecere , &  
 ut falsa , quæ afferebant , crederentur , ijs ue-  
 ra admiscebant . Aiebant enim primo quoq;  
 tempore si per Turcas liceret , urbem om-  
 nes relicturos : quos etsi imminenti ruina ue-  
 hementer commotos , & perturbatos confi-  
 tebantur : hætenus falsa , quæ autem sequi-  
 tur uera sunt , tamen ad mortem omnes , ut  
 strenuos milites paratos esse affirmabant :  
 cum putarent , sibi fore multo pulchrius , si  
 mortem dimicando oppeterent , quàm si in  
 miseram seruitutem redigerentur . Cum  
 illud idem tametsi ut nemo diceret , Ve-  
 ga ità futurum arbitraretur , exploratum  
 habens quàm bellicosi , quàmq; mortis con-  
 temptores gloriæ causa Turcæ sint , omnes  
 curas , & cogitationes suas ponebat , ut uiz  
 Etoriam uel nulla , uel modica militum iactu-  
 ra consequeretur . Itaq; quanquàm uidebat ,

murorum partem cōcussam ruinam minari :  
nunquam tamen censuit , oppidum militibus  
inuadendum prius esse , quàm mœnia cuer-  
sa , ac solo penè æquata perspiceret . Præ-  
sertim quòd multis rationibus cunctari , &  
bellum protrahere facile poterat : Primum  
enim nostri omni commeatu , & rerum co-  
pia abundabant ; nec erat metuendum , ut  
ab ijs intercludi possent ; hostes autem in max-  
imis angustis rerum omnium positi censes-  
bantur : ut in spem haud dubiam nostri uen-  
nirent , illos fame ad deditionem cogi posse .  
Deinde Numidas in fide omnino permansu-  
ros credebant : non tam , quòd illos suapte  
natura fidos putarent , quàm quòd in illo-  
rum rem esse cernebant , Turcas , quos maxime  
obesse rationibus suis experti fuerant , om-  
nibus miserijs , & calamitatibus affici .  
Nouissime certus de Dragute nuntius al-  
latus fuerat , eò iam ipsum redactum esse ,



ut, qui ex Africa multis prædonibus, quibus ille pollebat, comitantibus, cum sex, & triginta nauigijs discesserat, penè ab ijs omnibus destitutus uix secum ex eo numero sexdecim biremes haberet: ac Monasterij primum direptione, deinde Aphrodisij oppugnatione audita, ita animum deiecisse, ut nunquam posthac tutum se fore arbitraretur: ac noctu, & interdum nil nisi triste cogitaret: præsertim quod in Sardinia strenuos uiros, dum pagum ibi capere tentaret, circiter quadrigentos amiserat. Statuens igitur Vega ex Principis Auricæ, & reliquorum ducum consilio pugnam in aliquot dies exercitus seruandi causa differre, tantum de mœnibus, turribusque disturbandis cogitabat. Quare & castra propius hostes promouit, & in urbis munitionibus deiiciendis continuos aliquot dies laborauit. qua in re cum, quantum operis factum esset, ipsum, reliquosque duces non

pæniteret , ratus idoneum iam inuadendæ  
urbis tempus esse , rem ad consilium retulit ,  
& omnibus idem sentientibus constitutum  
fuit , ut urbs postridie mane summa ui terra ,  
mariq; uno tempore oppugnaretur : ut dum  
manus hostium diuersis locis distinerentur ,  
facilius nostri uictoriam consequerentur . Sed  
accidit non multo post , quod illos mutare cō-  
silium , & prælio supersedere coegit . Erat  
in urbe Mamertinus quidam puer olim à  
Turcis captus , & ad illorum sectam Chris-  
tiana pietate relicta , uel precario , uel ui-  
conuersus , qui cum uideret , eas munitiones ,  
& insidias aduersus nostros turcas parasse ,  
ut si in urbem per eos impetus fieret , omni-  
bus ad unum ferè moriendum esset ; diuino  
ille afflatus numine ( quod non aliter existi-  
mandum est , tantum enim beneficium im-  
mensæ Dei bonitati duntaxat acceptum refe-  
rimus ) ad tertiam uigiliam noctis urbem

deceptis custodibus egreditur: & ad Vegam in castra perductus, monet, ne urbem aggrediatur, nisi omnes, qui impetum in eam facerent, uellet amittere: & narrare coepit murum interiorem, qui foris deiectus uidebatur, ab urbis parte integrum adhuc, & altissimum esse: & sub eo hostes profundam, latamq; admodum fossam duxisse: in eamq; tabulas praelongis, magnisq; adactis clauis, & stipites teretes à summo præacutos, & præustos demisisse, etiam taleas ferreis hamis infixas uicissim infodisse, ut qui forte in illam inciderent, se ipsi & uallis acutissimis induerent, & longis mucronibus, hamisq; ferreis infigerent: & ut facilius nostros fallerent, tabulis illam leuissimis operuisse: atq; ita superiniecta terra construisse, ut nihil subesse intuentibus uideretur. Huc addidit & tectos curiculos egisse, & ignes artificio confectos præparasse, & à

fossæ lateribus terna , citra autem fossam  
aduersus irrumpenteis nostros tormenta  
ænea quatuor numero collocasse , ut non mo-  
dò illi , qui in tectas insidias inciderent , sed  
etiam qui illas aliqua ratione euaderent , un-  
diq; flammis , ignibusq; correpti , fædo , ac  
miserabili mortis genere afficerentur .

Quamobrem illius oratione opugnandæ , in-  
uadendæq; urbis consilium omissum fuit : ne  
exercitus in extremum discrimen , certumq;  
periculum adduceretur . Præsertim quòd  
oppidi potiundi spem certam habere uis-  
debantur . Actum tamen fuit , ut in  
eam prioris muri partem , quæ tormen-  
tis quassata fuerat , ubi pars hostium  
in statione erat , atq; in turrim illi im-  
minentem impetus fieret . Quod tametsi  
plerique faciendum esse censuerunt , Ludoui-  
cus Peresius in primis , quod multum no-  
stra intererat , si inde custodes deicerentur ,

Et turris illa , ex qua prospectus in urbem maximus erat , caperetur : tamen erant nōnulli , qui eam rem admodum difficilem existimabant , turris præcipuè expugnationem : quorum Vega Princeps erat ; qui maiorem in diruendis mœnibus fieri progressum uolebat . Etiam uariabant sententiæ utrum noctu , an interdiu tentanda res esset , cum Vega apertè diceret , quicquid faciendum putarēt , id clara luce ( quòd barbarorum insidias uerebatur , quibus noctem peropportunam sciebat ) fieri debere . Sed cum parum proficeret , ad Auriam , quem cæteris prudentia , & rerum usu præstare existimabat , quemq; in suam sententiam iturum sibi persuaferat , reiiciendum putauit : ut quicquid agendum foret , per illum decerneretur . Cum illi igitur placuisset , utranq; rem noctu tentari , quòd fortasse putabat , noctem ad rem gerendam nostris opportuniorē fore , rei periculū ,

sed inuito Vega, factum fuit: & turrim illā itā munitam, firmatamq; ab hostibus nostri inuenere, ut ab impressione faciēda prorsus abstinendum censerent, cum omnes uiderent, se turpiter, magnaq; indē iactura repelli posse. in eam tamen prioris muri partē nonnulli ex nostris militibus euasere, & ad manus cum hostibus uenere: etsi nonnullos ex illis interfecerunt, ex nostris quoq; circiter sexaginta ceciderunt. Quare cæteri siue metu, seu nocte perterriti, re infecta pedem retulerunt, sed turcæ, oppidaniq; ut nobis illuderent, ac de illato nostris ea nocte detrimento quodammodo triumpharēt, occisorum militum nostrorum capita prælongis primum hastis infixere: deinde in summis mœnibus, ut è castris ab omnibus conspici possent, tanquam trophæa, quæ bellicæ laudis uictoriæq; insignia, & monumenta sunt, statuere. Cum itā res haberet, communi principum

consilio decretum est, ut maior in quassandis mœnibus progressus fieret, cuniculi agerentur, ac non nullæ machinæ, instrumenta; bellica conficerentur: ut omnibus modis urbem inuaderent, ac parua militum iactura uictoriam, si fieri posset, consequerentur. Sed quoniam, ut id exequi maturè posset, uidebat Vega magna sulphurei pulueris, cæsa; materia opus esse, triremes quatuor ad arcem Gulettam, ut inde puluerem, pilas; adueherent: ad Siciliam uerò duas ob eandem causam, & ut aliquam insuper materiam, & culcitras, lectos; ægrotantium curandorum gratia perferrent, Principe nō repugnante, mittendas curauit. cum ijs saucios milites, & male affectos Drepanum, ut ibi commodius curarentur, misit. has cōsecutæ sunt aliæ quinque, quæ Neapolim petierunt, & indæ trecentos prope milites in Africā reportarunt. Post illarum ex Africa discessum

discessum Marcus Centurio Auriaë legatus cum longis nauibus sexdecim eas insecutus fuit, tum ut à prædonibus, à Dragute in primis, quem rumor manarat inter Pelorum, Pachynumq; uisum esse, tutas redderet; tum ut panem nauticum, & reliquas res necessarias ex Sicilia prouincia exercitui, sibiq; sumeret: præterea quod perferre duæ illæ non possent, eas onere suis leuaret. quod quidem ex Vegæ, Auriaëq; sententia cumulatissimè factum fuit. Nam de re frumentaria, & reliquo comæatu Ferdinandi Vegæ Præsidis mandato, & magistratus, Cæsarisq; procuratorum diligentia Panormi abunde prouisum; & ægrotis, saucijsq; æque ijs qui Drepanum missi fuerant, & ijs qui in castris uersabantur, optimè fuit consultum. Sub idem ferè tempus nauis, quæ magnam sulphurei pulueris, pitarumq; uim, quæ Messana aduecta fuerat, ac milites ad trecentorum numerum



ferbat , quos Prorex ex Sicilia abiens ex arcium præsidijs subtrahi mandarat , ad Aphrodisij littus appulerat : Vegamq; , & reliquos duces lætitia affecerat . eæ quoq; naues longa , quæ præmissæ ad Gulettam fuerant , cum tormentis æneis , & rebus ad illorum usum necessarijs rediere . Abundabant igitur nostri rebus omnibus , quibus multum hostibus officere ; seq; sustentare , & alere facile possent : & Numidæ de pecoribus , auibusq; ad uescendum nostris benignè accommodabant : nostri autem illis , quod magna annonæ caritas in ea regione erat , frumentum , sed paulatim præbebant : eosq; in amicitia retinere summa ope nitebantur : Et re uera ita se iam inde ab initio gerebant , ut eos Numidas , quibus familiaritatem cum Turcis intercedere comper tum habebant , ab omni prorsus iniuria , negotioq; nostris faceffendo deterrerent . Illis propè diebus Azenus legitimus Tunetis rex ,

quem à filio orbatum luminibus , regnoq; expulsum docuimus , qui eo animo in Africam traiecerat , ut Cæsaris opibus filij impietatem ulcisceretur ; regnumq; amissum recuperaret , seu animi ægitudine , cui se dedebat , cum uideret , eius urbis expugnationem , quã breui futuram crediderat , proferri , ac præter opinionem accidere : seu belli incommodis ; siue potius , quòd ita fato comparatum erat , in grauißimum incidit morbum : nam ita æstu , febriq; iactabatur , ut qui auxilio , opeq; medica leuari debebat , grauius , uehementiusq; affligeretur. Quare facîle apparebat , illum breui diem suum obiturum . Cum ipse quoq; uideret , sibi mortem instare , ad arbitros conuersus dixisse fertur : lætus certè ex hac uita migro ; primum , quòd mihi in regno meo , & patrio solo mori datum est : deinde quòd uideo anteq; moriar , infideles populos regis sui desertores hostibus suis pœnas

dare . Vox quidem barbaro rege digna , qui ut nullam bene uiuendi ; sic ne moriendi quidem rationem habuit : & non multo post miseram , atq; ultionis cupidam egit animam nō Astrologorum prædictionibus deceptus , quos illum in Africa moriturum prædixisse cognitum est . Bucarus eius filius moribus , & pietate nequaquā Barbarus patris corpus arca statim condendum , Curubimq; , ubi perpulchra Mahometis ædes est , & eo nomine sacrosancta apud Barbaros ea urbs habetur , Regesq; Africæ , & clari totius regionis uiri illic sepeliuntur , per Numidas , ut ibi honorificè sepulturæ daretur , efferendum curauit .

## HORATII NVCVLAE

INTERAMNATIS

COMMENTAS

RIORVM

DE BELLO APHRODIS

SIENSI.

LIBER TERTIVS.

AHOMetes Botaybi filius,  
 & Cidiarphei Nepos Curus  
 M bis præclaræ eius urbis Rex  
 erat, ut illius prouinciæ opes  
 sunt, ualde potens, qui non  
 æquo animo ferens, Turcas maritima Africæ  
 loca, munitaq; oppida & occupare, &  
 firmis præsidijs tenere: iam inde à principio  
 cupiebat, occasionem dari, qua Turcæ ex  
 Africa exigerentur: & sciens Cæsaris Caro-  
 li potentiam pari coniunctam iustitia, qua in  
 omneis uteretur, in eos præcipue, qui se illi

in fidem, & clientelam darent, in primis cupiebat, socia illi arma iungere, atq; cum eo foelus ferire: ex eo enim in spem ueniebat, breui se eius rei, quam maximè cupiebat, compotem fore: nam si munitæ Africae urbes, quæ in maritinis locis sitæ sunt, erant ab exteris ditione tenendæ, eas à iusto Imperatore, quàm ab impijs prædonibus teneri malebat. Sed quanquam eo animo iam pridem erat, nunquam tamen conficere illud studuerat. Cum Vega igitur, & Auria in Libyâ Aphrodisij expugnandi gratia traiecissent, illi quamprimùm scribendum esse censuerunt: ut uel cum ad permanendum in sententia ijs literis incitarent, uel saltem non suis rationibus, cœptisq; aduersantem haberent. earum literarum sententia talis fuit.

Cum proximè huc eo animo traiecerimus, ut Aphrodisium Vrlem è piratarum nobis, uobisq; infestorum manibus extorqueamus,

ob rerum , uirtutumq; tuarum famam , quæ præclara ubiq; est : nobis faciendum existimauimus , ut has ad amplitudinem tuam daremus literas ; ijsq; tibi tantummodo declararemus , nos eam in te uoluntatem contulisse , ut quicquid iuste , pieq; tua causa facere possuimus , libentissime totum ad te deferamus . cætera quæ te scire oportere censuimus , ex Mahomete Benceieno Scyriffo cognoscas : qui tibi omnia explanabit ; eiq; fidem habeas , & cum ad nos remittes , omnibus de rebus , quas nobiscum communicandas , agendaq; censueris , ei mandata des uolumus . uale ex castris ad Aphrodisium quarto nonas Quintileis .

Hic Benceienus Scyriffus , quem ad Curubis regem à nostris missum commemorauimus , puer quondam in Tripolis expugnatione captus Hugoni Moncadæ Hispano Siciliae tunc Proregi seruiuit , à quo & in Christianorum numerum adscriptus , & libertate donatus

fuit . Sed cum postea uxorem duxisset afram genere post quartum, & uigesimum annum, ex quo Christianam religionem professus fuerat , nescio quo malo dæmone instigatus , illa relicta , iterum ad Mahometis sectam reuersus est ; & ab Azeno Tunetis rege ob eam causam multis beneficijs affectus , ipsiq; cum florentissimæ ipsius res essent , in primis charus . Postquam autem is spoliatus regno, orbatusq; luminibus à filio Hamida fuit , tantam impietatem hic detestatus, ut, si fieri posset , aliquando ulcisceretur, illius aduersarios sibi conciliauit , illisq; obnixe placere studuit . Itaq; diu apud arcis Gulettæ præfectos uixit , summoq; studio ; ac fidelitate res Cæsaris adiuuit . Hic cum Ludouicus Peresius illius arcis Præfectus in castra uenisset , ut pro parte sua Cæsaris regis sui opes , ditionemq; unà cum Vega , cæterisq; ducibus augeret , cum eo illuc profectus est : & eo interprete , atq;

internuntio ob multarum linguarum peritiam Vega, Auriâq; usi sunt; eiusq; opera summa cum fide, & diligentia præstita, ita hoc in bello enituit, ut omnium animos sibi conciliarit, Scyriffi nomine maxime gaudet, quod omneis, qui uel à Mahomete, quos inter se refert, uel à regibus originem trahunt, sic in Africa appellari ferunt. Huic Scyriffo illud præterea mandatum fuit, ut pro egregia in Cæsarem uoluntate, & præstitis antehac officijs, magnas ipsi regi gratias ageret; quamq; illi grata semper accidissent, quæ in ipsum constiterant, exponeret: etiam diligenter cum eo ageret, ut quoniam aduersus immanes tantum Scythas priuatim ipsi, totiq; Africæ infestos hostes eò Cæsaris exercitus traiectus fuerat, eodem esse animo, atq; in eadem sententia, quod maximè decebat, permanere uellet. Præsertim quod nemo erat, qui nesciret, Cæsarem ita gratum esse, ut



*de cunctis benemeretur ; quosq; sui studiosos  
nouisset , beneficijs quàmplurimis remunera-  
ret : id quod poterat ex maximis illius in Aze-  
num Tunetis regem meritis cognoscere : quē  
in suum regnum Hariadeno inde tyranno ui-  
exacto , restituit : deinde iterum ab Hamida  
filio fœdè eiectum , omniq; auxilio destitutum  
non modo in sua regna excepit , sed prolixè ,  
ac magnifice illi ad regio apparatu, cultuq; ui-  
uendum necessaria suppeditauit , atq; ità de  
eo usquequa; meritus fuit , ut nihil is præ-  
ter orbitatem sentiret ; atq; ingenuè fatere-  
tur , optimè secum actum esse , quòd in eius  
se principis fidem dedisset, qui & facere, &  
sustentare reges posset . Ad ea Curubis rex  
uera esse : quæ per Vegam , Auriamq; scrip-  
ta fuerant , respondit , seq; illud , & alia  
exempla quàmplurima non ignorare , quibus  
magnitudo animi , bonitas ingenij , & pro-  
lixa , beneficaq; Cæsaris natura in optimum*

quemq; præsertim in eius ipsius studiosos iam pridem perspiceretur, seq; paratum usque quaque esse, in rebus omnibus, quas ad illius utilitatem, decusq; pertinere, uel ipse per se animaduerneret, uel ab ipsis admoneretur, egregiam, quam in ipsum contulerat, uoluntatem declarare; req; ipsa quanti illum faceret, eiusq; imperium auctum uellet, ostendere. Cupere tamen ab eo tantum in se conferri beneficium, ut aduersus Hamidam Tunesis regem, acerrimum sibi hostem auxilium præstaret, oppidaq; Monasterium, Siagulemq; tandiu ditioni suæ subiecta uellet, dum tyrannus ille ijs potiri, ut suis, contendere. Etiam si illo è regno per Cæsarem exacto, alter, cuius se amicum fore pollicebatur in eo imperio constitueretur, id ea conditione fieret, ut dum uita ipse frueretur, eorum oppidorum possessione nequaquam careret. Quæ quidem si Vega, Auriaq; concedere inducerent

animum , cupere ea conuentorum , & pactio-  
 num formula foedus inter se ferire . Conuenit  
 igitur inter eos , ut illud ijs conditionibus icere-  
 tur , seq; uicissim stipulatione alligarent . Sed  
 cum ille rei instare desisset , ut uideret prius ,  
 quis euentus , finisq; rerum esset , & nostri ,  
 ne cupidè uelle cum eo amicitiam iungere uis-  
 derentur , rem dedita opera intermiserunt ;  
 dilatum tandiu negotium fuit , dum Dragus-  
 tes , qui magna manu nostros opprimendi  
 causa uenerat , à nostris non parua cæde fus-  
 sus ; & profligatus fuit . Quod quidem , cum  
 extemplo postea rex misisset , qui illi instas-  
 ret , atq; urgeret , ex sententia confectum  
 est : Propterea quòd duces è re Cæsaris esse  
 perspiciebant , si ille rebus nostris non aduer-  
 saretur . Quamobrem Vega ipse , & Auria  
 ex foedere Monasterium , Siagulemq; eius im-  
 perio subiecere , & ipse pactis , conuentisq; ste-  
 tit ; & quæ pollicitus fuerat , dum exercitus

noſter in ea prouincia uerſatus eſt, bona fide præſtitit. Sed ut ad rem, unde degreſſi ſumus, reuertamur; cum animaduenterent noſtri, nihil iam earum rerum deeſſe, quibus tormenta inſtrui, machinæ ædificari, & Cuniculi agi, cæteraq; quibus ad oppugnandam urbem opus eſſe arbitrabantur, apparari poſſent, non cunctandum rati omnia quàm primum inchoari, informariq; , ut mature confici poſſent, imperarunt. Sed quoniam primum omnium, uallum, foſſamq; produci, & nouos aggeres iaci uolebant; ut tutius noſtri ad urbem accederent, & facultas conſiſtendi in muris, hoſtibus eriperetur; uidebat Vega ad eam rem perficiendam, uallos, uiminaq; deeſſe: quæ cum è proximis locis oleis conſitis petenda eſſent, ipſe illò proficiſci ſtatuit: cum quòd audierat, non eo ordine, quo decuiſſet, ſuperioribus diebus illuc à noſtris, qui ob eandem cauſam miſſi fuerant,

uentum esse : & eò nonnullos Afros consanguinitate ijs , qui Aphrodisij obsidebantur , coniunctos partem nostrorum palantium aggressos esse , & ex ijs alios uulnerasse , alios autem morte affecisse , & Aluarum filium illorum Ducem animi ferocia hostes cupidius quàm deceret , insecutum penè circum uentum ab ijs fuisse ; tum ut ipse loci naturam , situmq; exploraret : propterea quòd putabat , aliquam externam uim aut ab ipso Dragute , aut à Tunesis tyranno , cæterisq; regibus , Africanisq; populis , quibus penè nullam habebat fidem , oriri posse : ut si quando id usu ueniret , non esset eorum locorum , quos insidijs collocandis aptissimos audierat , imperitus . Sed antequàm è castris abiret , prudenter instituit , cauitq; , ut illorum munitiones diligenter seruarentur . ut si forte hostes eruptio . em ex oppido facerent , quòd nostros inde deauctos esse , uel indiligentius seruare arbit

trarentur, haud imparatos offenderent : & inde facîle, ac non sine cæde in oppidum reijcerentur . Itaq; octauo calendas sextileis , qui dies in diui Iacobi honorem à Christiana re publica celebratur , facta prius re diuina , curatisq; corporibus , paulo ante meridiem milites circiter septingentos , quos ex omni numero delegerat , ac sub tria signa conuenire iusserat , educit : & in hunc modum instruit . milites , qui ad duo signa constiterant , qui omnes archibusijs utebantur , græcorum centuriam , & nonnullos ex ijs qui , militiæ sacramento non tenebantur , præibant . quos sine armis proficisci Vega iusserat , ut cæsa ligna , uirgarumq; fasces in castra referrent . his adiungebantur , qui ligna cæsuri erant ; quos calones , & lixæ insequiebantur : ut ipsi quoq; , quæ militum usui fore putarent , sumere inde possent . Tertia igitur delectorum militum pars sub uno uexillo agmen claudebat .

Acie sic instructa Vega oliuetum uersus proficisci cœpit. ab eo non longè aberat, cum Afer quo exploratore nostri utebantur, Ludouico Perefio, qui unà cum Vega in agmine proficiscebatur, nuntiat, magnam hostium multitudinem aduentare; ac penè ea ipsa loca, quæ petebantur, obtinere. Quod postea quàm compertum fuit; & si erant nonnulli, qui non ulterius progrediendum, & certamen omnino detrectandum putabant: propterea quòd maior erat hostium numerus, quàm ut nostri cum ijs sine magna iactura congregi possent: Vega tamen ad locum ipsum perueniendum; & inde quod ad castrorum usum expetebatur, sumendum: & prælio, si necessitas cogeret, cum hostibus decertandum censebat; præter enim ingens dedecus, quod admissurum se uidebat, si nostros non progredi iuberet; animaduvertebat insuper, cum iam propè in conspectu hostium essent, euitari prælium

prælium haud quaquam posse : nam si terga  
hostibus uerterent ; & se iam metu perculsos  
esse demonstrarent , non uidebatur dubium ,  
quin maiores illi spiritus caperent , & alac  
ciores ad insequendum fierent : quod secus  
futurum cernebat , si cœptum iter perseque  
rētur , & nulla timoris significatione facta ,  
quibus negotium datum erat , ligna cæderent ,  
cæteri milites instructi in armis essent . Quo  
circa instructum agmen procedere , & ad ul  
teriore oliueti partem , quæ iam prope erat ,  
contendere iussit : ubi satis idoneum pro tem  
pore delegit locum , cui à tergo oliuetum res  
linquebatur , & à fronte magna planities  
aderat . Vix eo ipso loco nostri constiterant ,  
& quibus cura mandata erat , lignari cœ  
perant , cum repente à leua parte è colle edi  
to , sed decliui magna Turcarum , & Afroz  
rum uis , quæ omnium qui aderant iuicio ,  
duum millium , & quingentorum numerum



exceedebat , descendere cœpit . à dextra quoq;  
ad equites centum quinquaginta , cum non  
exigua peditum multitudine apparere cœpe-  
runt . In utroque agmine pleriq; hostium sclo-  
pettarij , & sagittarij erant , parati , & in-  
structi ueniebant , ut cum primum per loci spa-  
tium ipsis liceret , nostros aggrederentur .  
Quod postquam Vega animaduertit , archi-  
busarios , quos in prima acie locauerat , co-  
hortatus fuit , ut memores gloriæ hispanæ  
gentis , quam in omnibus bellis antehac gestis  
semper adepta fuerat , uellent Turcis , Afrisq;  
ostendere , se illis multo potiores : & ipsorum  
paucitatem illorum multitudini non modò for-  
titer resistere , sed eam etiam fundere , & fu-  
gare facile posse : putarentq; Deum , qui ser-  
uandorum hominum causa humanam induerat  
naturam , uitæq; ærūmnas , & labores , mor-  
tem denique turpissimam perpeffus fuerat illis  
iure optimo infensum esse : ipsis uerò , qui

pro illius religione augenda , christianissimiq;  
Cæsaris regis sui imperio propagando in  
Africam traiecerint , ac militiæ labores , &  
pericula æquo animo perferant , maximè  
propitium ; & eò spem haud dubiam acciperent ,  
illius numine certè futurum , ut nullum  
ipsorum impetum hostes daturi , sed fugam  
euestigio facturi omnes essent . Monuit insuper  
illos diuum Iacobum Hispanorum patrum  
num in ea pugna sibi affuturum , opportu-  
numq; auxilium aduersus eos hostes laturum  
esse : ut aliàs sæpenumero in Hispania , &  
illi adesse provinciæ , ac pro ea à Maurorum  
dominatu liberanda præliari uisum , ipsorum  
maiores testati fuerant ; præsertim cum is  
dies ad tanti Diui honorem celebrandum om-  
nibus christiani nominis uiris , Hispanis præ-  
cipue festus , & sollemnis esset . Christo igitur  
duce , inquit , diuoq; Iacobo adiutore mi-  
lites irruenteis hostes repellite , iniuriamq;

alacres propulsate . Iam illi in æquum locum descenderant, & sclopetta displodere, & sagittas in nostros conijcere cœperant; cum milites nostri ipsi fortes perse, & tanti ducis adhortationibus, ac præsentia fortiores facti, contra nitebantur; & non hostium impetum modò sustinuerunt, sed magna illos eade, multisq; illatis uulneribus repulerunt . A dextro quoque cornu, cui Ludouicus Peresius præerat, hostes non paruo accepto detrimento ab impetu nostrorum reiecti, pedem retulerunt. Quamquam principio nostrorum paucitas tanta hostium multitudine sic ibi premi cœpta, ut tametsi fortissimè omnes præliabantur, loco tamen ab ijs pellerentur, Palombaremq; Ferdinandi Lupi signiferum cum septem alijs fortissimis uiris amitterent. Quod cum Vegæ renuntiatum fuisset, ueritus ipse ne circumuenti milites nostri internicioni darentur, cum ea armatorum manu, quam semper custodiæ

causa apud se habebat, incredibili celeritate illò peruenit: ubi & si hostes acriter instare uelut certa iam, atque explorata uictoria animaduertit, suo tamen peropportuno illuc aduentu uehementer laborantes nostri milites sic recreati sunt, ut qui modò hostium impetum non sustinuerant, se Ducis præsentia quàm primum colligerent, ac redintegratis animis haud difficile uim reprimerent: etenim Vega ipse in prima acie uersari, strenuamq; non adhortando solum, sed etiam pugnando operam nauare, & illius exemplo milites acriter repugnare, locum uirtute parare, partum tueri, & collectis denique uiribus, nouoq; facto in urgenteis adhuc, incumbenteisq; hostes impetu pedem referre cogere. Hos Ludouicus Peresius magna archibufiariorum manu contra Vegæ uoluntatem insequitur: qui cum sat haberet, paucos nostros ab hostium multitudine non superari, miserat, cum

in sinistrum cornu se referret, qui illum, ne ulterius progredderetur, moneret: sed cū ille uideretur ex eo loco, in quem æquo transibat, posse melius hostes ferire, atque eos in effusam fugam conijcere, monitis non paruit, sed ipsis hostibus confestim eius rei pœnas dedit: etenim sclopetti ictu præceps ex equo cecidit, magnoq; omnium militum, ducumq;, Vegæ inprimis qui tantum, tamq; strenuum uirum, & sua, & Cæsaris causa diligebat, mœrore interijt. Vt hostes illum mortuum animaduertunt, confestim redeunt, eiusq; corpus circumuenire, atque in suam potestatem redigere summopere conantur. Sed Francisci Amatoris præfecti militum interuentu, illud seruatum: & multi hostium uulnerati, nonnulli interempti sunt, reliqui se fugæ mandarunt. Acriter utrinque pugnatum, sed uictoria penes nostros fuit. ex quibus non amplius uiginti quinque perijsse, & paucos uul-

neratos fuisse compertum est . ex hostibus uerò multo plures cecidisse , uulnera q̃ accepisse . renuntiatum fuit . ex quo facile dignosci potuit , quanta nostrorum militum uirtus fuisset , cum mira ipsorum paucitas tantæ hostium multitudini non restitisset solùm , sed uulnera etiam , cœdemq̃ inflixisset : uel potius immensa Dei bonitas , clæmentiaq̃ in eo prælio enituit , qui nostris , qui pauci erant , animum , uiresq̃ suggessit , hostibus uerò , qui innumeri ad nostros erant , prorsus ademit , Proregemq̃ Vegam non modò suos uerbis adhortantem , sed etiam purgentem , & omnia , ut nostri superiores essent , diligentissimè prouidentem seruauit incolumem .

Hic iam inde ab initio cum nostrorum paucitatem , & hostium multitudinem perspexisset , misit in castra , qui Garsia diceret , ut cum parte copiarum subsidio illuc ueniret , ut si forte opus foret , integri seßis succederent ,

ac prælium integrarent . Venit igitur , cum  
noſtri ſe reciperent , uirgarumq; faſces , &  
ligna interea dum pugnatum fuit per otium  
ferè cæſa in caſtra referrent : eiusq; aduentu  
factum eſt , ut hoſtes , qui ſe à fuga iam rece-  
perant , nouiſſimumq; noſtrorum agmen con-  
ſequebantur ; ab inſequendo retardarentur .  
Itaque noſtri magna lignorum ac uirgultorum  
ui , quanta opus fore crediderant , ſe in caſtra  
recepere . hoſtes tamen longè noſtros ſecuti ,  
ad ſcorpionis emiſſionem à caſtris poſt quorū-  
dam humiles hortorum parietes , uirgultaq;  
conſederunt : inde ſagittas in noſtros corneis  
arcubus mittebant , ſclopettaq; diſplodebant :  
ac noſtrorum munitiones unà ſpeculabantur .  
Quod cum Vega non in rem eſſe exiſtimaret ,  
Aluaro filio tribuno militum adoleſcenti ſtre-  
nuo mandauit , ut cum ualida archibuſiario-  
rum manu , delectaq; iuuentute illuc aduola-  
ret , & inde , quòd incompoſitos uidebat , con-

*festim deijceret : quod quidem strenuè factum fuit : nam cum illuc instructo agmine, & quo decuit ordine profectus esset, primo impetu fusi hostes, atq; in fugam coniecti, tela alij abyciebant, alij uestes sanguine tinctas relinquebant : qua ex re, atque ex certis nostrorum ictibus, cognitum fuit, non paruum ibi quoq; detrimentum hostes fecisse. Post Garfiæ è castris discessum, qui à Vega, ut diximus, accersitus fuerat; ut si forte opus foret, subsidio nostris esse posset; qui Aphrodisij obsidebantur, opportunum tempus rati inuadendi castra cum maiore præsidij parte repente ex oppido eruptionem faciunt, ualulūq; & munitiones nostras aggrediuntur. Sed qui castrorum præsidio relictī fuerant, ita Vegæ instituto excubabant, paratīq; in armis erant, ut non modò inde hostes facta te-  
studine reijcerent; sed etiam præsentī animo eruptione è castris facta, illos in fugam con-*



iectos ad oppidum usque persequerentur : & partem illorum sub ipso pomærio trucidarent, partem proijcere se in mare cogerent , multis periculosa uulnera infligerent . Idq; eo facilius fieri potuit , quòd Garsia cum illa parte copiarum, qua subsidio nostris profectus fuerat , properè à Vega remissus , cum ab insequendo hostes retardati fuissent , in castra iam redierat , animumq; pro castris præliantibus nostris facile addiderat ; hostibus uerò incredibilem terrorem iniecerat . Ex ea re coniectatum fuit , antea inter hostes conuenisse , ut eo die hinc , & illinc nostros inuaderent ; & undique circumuentos pro iure suo cæderent, seq; obsidione, & bello liberarent . sed quoniam aliter , ac ipsi opinati fuerant , euenit, quòd in lato campo multi à paucis deuicti ; & qui ad castra inuadenda aduolabant , reiecti tam facile in urbem fuissent ; & si per exploratores Vegæ nuntiabatur ex-

ternos hostes oppugnandi nostra castra consilium iniuisse ; atq; illud in vulgus iactasse : in animum tamen illud inducere non poterat : quanquam nihil quod ab hoste diceretur , ita contemnendum putabat , ut fieri non posse existimaret : & propterea se ad omnia , quæ impendere ab hoste possent , præparabat .

Nondum Vega compertum habebat , se eo die cum Dragute ad manus uenisse : quanquam coniectura assequebatur , neminem alium esse potuisse ; cum quod nullus hostium postrie die in ijs locis apparuit , tum quod magna turcarum manus , quam non nisi Dragutes ipse adducere potuerat , eo die cum nostris pugnavit : & , quod rei caput est , fando dici audierat , illum ad Taphræ portum sua nauigia reliquisse , atq; in terram descendisse : ut proximos adiret populos , ac sub communis religionis prætextu magnum Afrorum numerum cogeret ; secumq; ad opem , auxiliumq; Aphro

disio ferendum duceret : nec erat cogitandum , qui contra nostros armati congressi fuerant , Numidas illos fuisse : proptereaque pauci inter illos equites , & magna sclopetariorum , & sagittariorum vis erat , quibus armis Numidæ non utuntur , & multis ante diebus propter summam rerum inopiam , quã in ijs esse regionibus uiderant , ferè omnes ad fertiliora Africæ loca more suo discesserant . Ex multis rebus , quæ prosperè eo die nostris acciderunt , facile intelligi potuit , Dei opt. Max. auxilio illos seruatos , sed ea potissimum , quòd multi è principibus uiris sclopetis hostium icti fuere ; nihilque inde detrimenti acceperunt : quos inter fuere , Aluarus ipsius Vegæ filius , cui amictus tantum ex aluta confectus , quem post lineum thoracem induerat , à sinistro latere glande percussus , ac crematus fuit , à periculoso ictu immunis mansit : Ioannes Osorius , qui unà cum equo , quo ue-

hebatur, petitus fuit, & neuter uulneratus: Alfonsus Pimentellus, qui sub mento secundum iugulum uulnus, quod acu punctum uidebatur, accepit: & Ferdinandus Lupus, cuius pectori infixus ictus, thoracem lineum quo muniebatur, non transfixit. at non parua quidem iactura fuit, quæ in Ludouici Peresij casu, & strenuorum militum, qui fortiter aduersus hostes pugnando mortem occubuerunt, facta est. Sed ea re præcipue immortalis Deus nostrorum militum saluti eo die consuluit, quod Ioannem Vegam illò proficisci uoluit, cuius non prudentia solum, sed rei etiam militaris scientia, & uirtute cum felicitate coniuncta factum est, ut nostri uictoria potirentur. Cum ipse milites in castra reduceret, strictumq; gladium manu ferret, sibi casu pedem sauciauit, sed ita leuiter, ut nullo negotio pedibus iret, & equo saltem uectus, eorum quæ prouidenda erant, nihil

prætermitteret. Ex literis maximi natu Curubis regis, quas ad Mahometem Benceienum Scyriffum secundo post prælium die in castra miserat, cognitum fuit, copias illas, quæ fusæ à nostris fuerant, Dragutis fuisse: qui cum in terram descendisset, turcasque circiter octingentos, quorum partes duæ sclopettis, tertia corneis arcubus in pugna utebantur, exposuisset, Tacapem, quæ urbs ab Aphrodisio centum et octoginta millia passuum distat, Taphram, aliaque oppida supplex adiuit, auxiliumque ab ijs aduersus Christianos Aphrodisium oppugnanteis implorauit. præterea cum magnis itineribus eam urbem peteret, omneis in quos inciderat, ad Christianos ex tota Libya exigendos hortabatur, secumque ducere ad id ipsum nitebatur: facile omnibus persuadens, si Christiani eo oppido potirentur, futurum esse, ut totam prouinciam subigerent, ac prouinciales omnes

neis in duram seruitutem redigerent, & Mahometis leges, & sacras ædes uiolarent.

Quare factum est, ut cum omnes Afri leuissimi sint, nouisq; rebus semper studeant, ad quatuor circiter millia hominum cogeret, & ad nostros inuadendos summa cum celeritate contenderet. Præfectus equitum Curubis regis, qui cum iis Siaguli erat, cum primum per nuntios dispositos doctus fuit, illas copias aduentare, ex suis equitibus duos misit, à quibus exploraretur, quinam illi essent, & quò proficiscerentur. Hi cum ad oppidum Marnaben peruenissent, quod duodeuiginti millia passuum à nostris aberat, ibi certiores facti sunt, Dragutem cum illis copijs Aphrodisij subsidio proficisci. Turcæ quoq; cum de illorum aduentu cognouissent, misere, qui illos ad se perducerent: cumq; congressi essent, & Curubis regis equites esse didicissent, illos benignè exceperunt, ac tota illis castra ostens-

dere conciliandi gratia non dubitarunt: & rogati ab ijs ipsis equitibus, quò proficiscerentur, se ad lucrandum animas contendere, responderunt: illosq; ad idem faciendum uehementer hortati sunt. Ad quod illi, non notis, inquiunt, absq; nostri regis potestate istud est integrum; nec per ullam conditionem licet. Tunc Dragutes se de ea re ad regem scripturum dixit: quanquam nihil præterea nuntiandum illi putabat, q; ut secum Aphrodisio subueniret, & ipsum oppidum, & quicquid in ea regione caperent, imperio illius se subiecturum polliceretur. Dimissi equites ad præfectum redeunt, atque illi rem, ut se haberet exponunt: qui statim regi rem omnem aperit, ut quicquid agendum censeret, quamprimum constitueret. Sed ille, ut qui penè ancipitem gerebat animum, quà fortuna ipsa rem daret, eà inclinare uires penè consilium coepit. Itaq; cum tempestiuè posset,

nec

nec nostris Dragutis aduentum nuntiauit, nec aut exercitu, aut alia re iuuit. Duo alij equites prælio cum nostris facto interfuere, & quod Turcæ, & qui socia illis arma iunxerant, fusi, fugatiq; à nostris fuerant, retulere. Illud insuper addidere, Afros, qui cum Dragute uenerant, è Turcis quæsisse, quamobrem Christianos, ut se de ea re magnificè iactarant, non uicissent: & ad id Turcas respondisse, se nautas esse, & rerum naualium tantummodo peritos; strenuos autem, quos habuerant, in Sardinia amisisse. quibus de rebus regis filius per eosdem equites certior factus literas ad Scyrißum dederat; quibus nostros bono animo esse iubebat, cum diceret, ita Turcas re male gesta territos abyße, ut nihil quicquam posthac ab illis timendum esset. Pater quoq; qui paulum hætenus animi pependerat, postquam prælium cum Turcis factum, & illius diei euen-



tum fama cognouit, continuo suæ arcis præfectum uirum quidem grauem ad Vegam, Auriamq; in castra misit, etiam Garsie gratulandi causa literas scripsit, ut quod inter eos antea conuenerat, ut scilicet in fidem cum suis reciperetur; Siagulemq;, & Monasterium ex fœdere ab ijs acciperet, perficeretur. Et quod petijt, affecutus est, cum Vega Auriamq; uiderent, illud non modò Cæsaris rebus non aduersari, sed magno illis usui potius fore. Nec ea spes illos frustrata est: propterea quòd non paruum equitatum assidue postea Siaguli habuit, qui ad omnia, quæ imperabantur, nostro exercitui præstò fuit, & rebus necessarijs ipsum adiuuit: & tunc magnū omnis generis pecorum, quibus uesti solemus, numerum misit: iussitq; omnibus, qui imperio suo parebant, idem efficere. Ad hæc finitimi populi certatim omnes pro se quisque com meatum, reliquasq; copias in castra per-

ferendas curarunt, & legatos ad amicitiam petendam miserunt: & ut in suis oppidis tuzi Vegæ, Auricæq; fide, sine qua non uidebantur, esse possent. ex quibus rebus conijci placere potest, detrimentum Draguti illatum, maius, grauiusq; extitisse, quàm à principio existimatum fuerat: cum in castra ante eum diem post Numidarum profectionem nihil prorsus uenale adduxissent, & amici animi significationem penè nullam dedissent: Sed ijs omnibus Vega, Auricæq; benignè responderunt, atq; haud iniquo esse animo iusserunt: quòd non eo consilio in Africam traiecerant, ut illi obesse prouinciæ cogitarent: sed potius immanissimis inde exactis prædonibus, qui nò paruo ipsis oneri, nobisq; perniciosissimi adducere erant, utrorumq; tranquillitati, ac saluti uno tempore consulerent; & ipsius Cæsaris auctoritati, atq; æxistimationi prospicerent.

Cum primum ad Vegæ, Auricæq; aures peruenit, Dragutem fuisse illum, quem nostri prælio deuicerant; in eam cogitationem uenerunt, ut crederent; classe quoq; illum spoliari posse, si quis aliquot longis nauibus ad eam partem, ubi illam reliquerat, cursum derigeret. Itaq; statim Antonio Auricæ ijs conditionibus cum decem instructis triremibus illum persequendi negotium dedere, ut si circum Africæ tractum non inueniret, Siciliam inde classe peteret, ac totam circumiret: quod fortè dum Cæsaris classis in urbis Aphrodisij obsidione maneret, ille aliquam insulæ partem infestaret: & quam armatis militibus nostris in Africa non potuerat, fortasse inermibus, atq; aliqua parte imparatis Siculis iniuriam inferret. Præterea ut Syracusarum, Messanæ, Milarum, & Panormi arces inspicere; ac quicquid sulphurei inesset pulueris ex omnibus sumeret, earumq; præfectis

quàmprimum iuberet, ut ad arcium munitio-  
nem, quod facîle fit, nouum conficerent.  
Adhæc cum uiderent, magnum militum nus-  
merum desiderari; quòd alij morbis belli la-  
boribus, cœliq; grauitate contractis, perier-  
rant: alij uel in pugna ceciderant, uel ex ea  
fauciati discescerant: atq; urbis expugnatio-  
nem tum situ, munitionibusq; ipsis; tum præ-  
sidiij, oppidanorumq; non tam uirtute, quàm  
quam magnam præseferrent, quàm obstina-  
tione difficilem; inierunt consilium, noua  
conquirendi auxilia: nam tametsi multum in  
uirtute militum confidebant, ac sperabant,  
fieri posse, ut illorum paucitate urbs expugna-  
retur: tamen quoniam aliter accidere poter-  
rat, non sibi committendum esse putarunt,  
ut rem temere in extremum periculum, ac  
discrimen obijcerent. Itaq; Marco Centurio-  
ni negotium datum, ut cum decem triremibus  
Genuam, indè per equos dispositos ad Ferdin-

nandum Gonsagani mandato Cæsaris Galliã  
cisalpinam cum imperio obtinentem, Medios  
lanum contenderet: eiq; tantum significaret,  
in Cæsaris rem esse, ut partem exercitus  
Hispani generis, quem ad illius prouinciæ tu  
telam semper habet, transportandam in Afri  
cam quamprimum traderet: & quacunque  
alia re posset, Cæsaris exercitû Aphrodisiû  
Vrbem obsidentem iuuaret: Vega enim, Au  
riaq; compertum habebant, illum ea integritate  
uirum esse, ut quicquid ea de re fieri pos  
set, continuo exequeretur: Quamobrem eidẽ  
Centurioni mandatum fuit, ut si fortè nihil  
inde sperari posset, quòd Ferdinandus puta  
ret, non sine magno prouinciæ incommodo,  
ac periculo partem ex eo numero detrahi, cõ  
festim ad Cosmum Medicum Florentiæ Du  
cẽm, clarissimũ genere, & opibus uirum,  
rerumq; Cæsaris maximè studiosum, literas  
mitteret; quibus ipsi illud idem significaretur,

ut qua pietate erat in Cæsarem, partem Hispanorum militum ex arcium præfidijs subduceret; ac si fieri posset, etiam aliorum delentum ageret, & Liburnum eos conuenire, & cætera; quæ ad belli, & militum usum necessaria duceret, conuehi iuberet. Interim ipse Genuam repeteret, classemq; inde Liburnum reduceret: impositisq; in eam militibus, cæterisq; comparatis rebus quamcitissime posset, in Africam reuerteretur. Nec mora facta, diuersi Antonius Orientem, Marcus uero Septentrionem uersus nauigare coeperunt. Interim in aggeribus iaciendis, tectisq; Cuniculis agendis, & testudinibus, alijsq; machinis conficiendis nullum à nostris tempus remissum: & Vega ipse non modò præsens semper aderat, operibusq; instabat; aerum etiam, qua ratione conficienda cuncta essent, ipsis artificibus præscribebat: ipse quoq; cum magna omnium admiratione labor

rabat ; nec noctu , nec interdiu quiescebat ; nec cibi , nec somni discriminata habebat tempora , sed quod gerendis rebus supererat , id quieti dabat ; qua laborum , uigiliarumq; mira tolerantia fiebat , ut illius exemplo milites nullum laborem , aut discrimen recusarent , & illi ad omnia æquo animo præstò essent : eò præcipuè , quòd militum omniù salutem summæ illi curæ esse perspiciebant : cum & ualidis nihil deesset ; & ægrotis , & saucijs omnia abundè suppeditarentur . Dum in ijs operibus nostri occupati erant , & obsidio uerius quàm oppugnatio urbis esset , quanquam obsessi multos in ea eruptione ( ut supra demonstrauimus ) amiserant : non eò tamen abiecerant animum : nam , tametsi renuntiatum nostris fuerat , aqua iam illos carere , cum nunquam interim pluuiisset , & cisternæ exhaustæ essent ; & quæ ex agro per subterraneos ductus in urbē influebat , tubis à nostris ,

dum terram aggeris causa effoderent, disturbatis ablata erat, reliquasq; res ad victum necessarias excepto paucis hordeo, & oriza, illis deesse; tamen & aqua, & comineatu, et rebus omnibus abundabant; & si minus terra successerat, mari sibi subsidium breui per Dragutem missum iri sperabant. hoc Vega, & Auria ex transfugis cognorant; & ne, si uerum id esset, illis ex sententia succederet, dispositis idoneis locis custodiae causa triremibus, uigilabant. Illi interim, quod in muris quassatum, aut deiectum erat, reficiebant, urbemq; in dies, latiore ducta fossa, caeterisq; munitionibus auctis munitiorem reddebant, alacriterq; omnes laborabant, seque mutuo potius ad extrema omnia non famem modò, sitimq; sed etiam mortem ipsam, quam honestissimam existimabant, tolerandam, quam urbe hostibus cedendum cum cohortabantur, tum confirmabant: ut si uinere cū honestas



te non possent (si forte subsidio non ueniretur) nullam prorsus salutem cum turpitudine quærerent. Cum omnes igitur hanc stabile, firmamq; haberent sententiam, in eandem deducere oppidanos magnificis uerbis, & pollicitationibus nitebantur: cum ostenderent, ualidam à Dragute comparatum cum omni rerum copia subsidium propediem à mari illuc uenturum: quo non modò hostibus resistere, eosq; à mœnibus summouere; uerum etiam in illorum opera, & stationes erumpere, castraq; ipsa expugnare, omneis deniq; delere facile possent. Huc accedebat meritorum magnitudo, quæ in ipsos à Dragute ob fidem in tanto discrimine seruâtam profectura dicebant: quòd si nihil aliud spectare uelint, debere tamen communis religionis, diuiniqu; cultus rationem habere, quem, si se Christianis dederent, quamprimum labefactari uiderent: pro quo tuendo, atq; amplifi-

cando nemo non mortem oppetere deberet .  
his adhortationibus incitati oppidani commu-  
nem cum ijs fortunam sustinere conabantur :  
& concordissimi omnes in defendenda ab ho-  
stibus urbe excubabant : & Mahometanæ  
sectæ tuendæ causa mortem obire , urbis ex-  
cidium , atq; omnia extrema , si necessitas co-  
geret , ferre malle ; quàm Christianis dedis-  
tionem facere . Delecta igitur iuventus in ma-  
gna supra portam turri cum sclopettis ad illius  
tutelam , & urbis custodiam posita , ita in  
perniciem nostrorum militum docta , atq; in-  
tenta erat , ut , cum nemo ne digitum quidem  
temerè apertum à repentino hostium ictu im-  
munem haberet , & res ipsa aliquando non-  
nullos ultro , citroq; apertos currere postula-  
ret , quoscunq; animaduvertere contingebat ,  
aut è medio tolleret , aut grauitè uulnera-  
ret : quos inter , præter complures nostrorum  
militum , celeberrimus ædificiorum , et operum

Cæsaris architectus, & machinator optimus Ferramolinus nomine, genere Italus, Bergomi natus, cum tectum cuniculum peragere curaret, glandis ictu illi in caput secundo fronte inflecto non paruo Vegæ, & reliquorum ducum, mœrore interijt: quanquam haberet Hispani generis alios, & ædificiorum, & machinarum peritos, & mirum profecto erat, ut barbari aliquando incautos milites nostros decipiebant: etenim cum illos sibi cauerent, dum penè neminem uidebant, suspicarentur, simulato inter se strepitu nonnulli in muro se ostendebant, reliqui instructis cum Sclopettis qui intenti erant, ut primum nostros eo motu excitos, allectosque, atque alios ad extantes in muro barbaros cernendum euocantes perspiciebant, prius ferè quàm oculos miseri sustulissent, certis ictibus prosternebant. Neque id ducum accidebat incuria, aut negligentia: qui edixerant, capitale illi fore, si

quis absq; imperio assignatum locum relinqueret, seq; manifesto periculo, quod ab hoste impendebat, temere obijceret, sed potius animi impotentia, qua pleriq; mortalium, ad interdīctam, & ante oculos positam perniciem appetitione nimia inflammamur, & præcipites trahimur. Attamen proposita utrinq;, & à ducibus, & ab hoste poena cautiores posthac nostri fuere, & ad præscriptum facere omnia studuere: & ne impune barbari illud ferrent, operibus ad illorum exitium institutis maturè perficiendis omnem diligentiam adhibuere. Inter cætera quæ ad oppugnandam summa vi urbem à nostris præparabantur, initum fuit consilium in mari à parte orientis commoliendi machinam: cuius conficiendæ (ut causa pateat) est, quòd rem paulo altius repetamus. Cum Ioannes Vega animaduerneret, quàm magno negotio, ac difficultate mœnia à terræ parte concuterentur:

( ea enim latitudine , ac structura , ut diximus firmata erant , ut penè innumerabilibus tormè torum ictibus uix exigua eorum pars deiici posset ) cogitare coepit , an à parte maris , quæ in orientem uergit ; aliquid moliri possent , quò facilius moenia , quæ minus ualida esse cognouerant , subuerterentur : sed quoniam loca penè omnia urbi proxima uadosa erant , nec per ea triremibus , aut alijs nauibus ita illi appropinquare licebat , ut commoè murus ex ijs feriri posset , facto enim eius rei periculo omnes ferè pilæ tormentis æneis in murum directæ urbem transuolabant , triremesq; ipsæ uehementer atterebantur ; nam duæ ex ijs una Garsia , altera Cicalæ non mediocrem iacturam fecerant , non uidebat , quomodo eius rei compos fieret. Quamobrem modò in eam cogitationem ueniebat , ut putaret aliquam eorum uadorum partem magna saxorum , terræ , materiaq; lignæ in-

iecta ui obstruendam esse ; atq; ita exaggeran-  
dam , ut mare inde excluderetur : ibiq; com-  
modius tormenta ænea collocarentur : modò  
inibant consilium alicuius machinæ in modum  
pontis supra firmissima tigna ad aquæ altitus-  
tudinem dimensa , ac defixa construendæ .  
Sed cum nihil inter duces constitueretur (ete-  
nim quid optimum factu esset non discerneba-  
tur) Garsia cui celeres sunt , & animi , &  
ingenij motus , atq; ad excogitandum acuti ,  
quiq; ad labores , & ad uigilias natus esse ui-  
detur , cum classis suæ nautis , & gubernas-  
toribus continuo rem cōmunicauit , eaq; cum  
iis diligenter expensa , cum inter eos conue-  
nisset , qua ratione , quod quærebatur fieri  
posset , etenim illis in mentem uenit illius ma-  
chinæ , quæ in pulcherrimo Messanæ portu  
ludicræ naualis pugnae spectandæ causa eius  
instituto constructa fuerat , atq; in ea conui-  
uium magnificè , splendideq; ornatum , & à

principibus eius urbis uiris, primarysque scem-  
nis concelebratum, ipse de conficienda supra  
duas triremes machina, ad ducum consilium  
retulit: quam tametsi Auria, & reliqui se-  
re omnes rem haud factu facilem, & prorsus  
incertam existimarunt: Vega tamen ab  
iis dissentiens, inuentum ut optimum, ac pul-  
cherrimum comprobauit: & ut maturè perfi-  
ceretur, operam dedit: nam quæ ad institue-  
dam, conficiendamque eam machinam expete-  
bantur, necessariaque uisa sunt, quamprimum  
conquiri, atque expediri iussit: & Garstam  
ad excogitatum opus peragendum calsecit.  
Instituta autem machinae eam fuisse rationem  
comperimus. Triremes duæ demptis arma-  
mentis, magnis, ualidisque duabus trabibus con-  
iungebantur: quas inter, quantum utriusque  
iunctura distabat, duo magna nauigia im-  
mittebantur: ut cum illa coniuncta operi fir-  
mius illud redderent, tum etiam, ne tormen-

torum

torum impetu altius , quàm usus posceret , in aquam descenderet , sustentarent : & ob eandem causam quamplurima undiq; dolia firmis funibus machinæ connectebantur : quæcum essent inania , leuitate sua illam sustinerent , nec ulla ui mergi sinerent . Hæc materia iniecta contexebatur , ac magnis tignis , tabulisq; constrata , magnæ , ac stabilis plateæ formam , unde illi uulgò nomen inditum non ab re existimamus , in summo præbebat . In ea decem maxima tormenta disponebantur , munimentumq; ijs à fronte pedum duodeviginti in altitudinem : duodecim uerò in latitudinem ex nauium uelis , rudentibus , & tritis linteis constructum est ; ut eo ab hostiũ tormentis tuta , liberius illis calamitatem infligerent . in sinistro machinæ latere , quod urbis partem spectabat , aliud munimentum non ita altum , sed totidem latum pedes ædificatum , atq; in utroq; locis æquè distantibus al-



terna spatia pro tormentorum magnitudine , modoq; , pluteis tamen super impositis , relictæ erant , per quæ liberè tormenta disploderentur , suisq; explosionibus hostium moenia disturbarent . Dum nostri in ea fabricanda machina , reliquisq; inchoatis operibus absolvendis noctu , interdiuq; laborant , ut ad Antonij Auricæ , & Marci Centurionis reditum omni vi barbaros aggrederentur , Christiani nominis octo numero , qui Dragutis captivi fuerant , ac remis addicti , fractis catenis speculatoria nauicula ex Lotophagiti pridie nonas sextileis aufugerant , cursumq; ad nostra castra direxerāt , quo ad octauū idus peruenere . Erat inter eos uir nomine Manuel Genuæ ortus : qui in Cicalæ triremi ab ipso Dragute cum illius filio superioribus mensibus capta , ratiocinator fuerat , uir quidem & boni ingenij , & iudicij , qui quod antea & coniectatum primò , & renuntiatum postea

de Dragute fuerat, confirmavit: is enim Vegæ, Auriaeq; narrauit, Dragutem ex Meninge ad decimum tertium Cal. sext. cum septem biremibus, & quatuor cælocibus, quibus mille & ducentos partim Turcas, partimq; Afros ad pugnandum omneis idoneos, imposuerat, abuisse eo nimirum consilio, atq; animo, ut Aphrodisio succurreret, & opportunam opem ferret: postero die Taphræ portum tenuisse; atq; ex eo oppido, & antea Tacapis, & alijs finitimis ad duo millia Afrorum præter quos ex pagis, locisq; urbi Aphrodisio proximis collegerat, coegisse; ac præie eius diei, qui in Diui Iacobi honorem ab omnibus Christi fidelibus celebratur, ad montem, qui oliueto imminet (ubi pugnatum fuisse supra memoraui) peruenisse. diem illum non sine ratione, aiebat, obseruasse, quòd ex ijs, qui à Christiana religione descierant, cognorat, postridie summo mane

nostros urbem oppugnaturus esse. Erat illi animus à tergo nostros dum urbem ipsi aggrederentur inuadere, ut repentina eruptione ab oppidanis facta circumuentos undiq; nostros iure suo caderent, atq; internicioni darent. Sed cum aliter, atq; ipse edoctus fuerat, euenisset, & nostros ad proxima uenisse loca lignandi causa comperisset, belli fortunam tentare cum ijs uoluit: ut si ibi paucos nostros opprimeret, uictor ad castra oppugnanda quamprimum aduolaret: exploratū habens oppidanos eruptionem facturos, secumq; uictoria usuros esse. Sed quoniam ex eo certamine non uictus modò discessit, sed etiam magna suorum cæde fusus, ac fugatus fuit, eadem nocte ab Afrorum auxilijs non destitutus solū, uerum etiam profligatus (quod omnes asserebant) fugienti si milis ad naues ijsdē itineribus reuersus fuit: quas nulla interposita mora cōscēdit, Meningemq; insulā recto cursu

repetijt. Maximam illum triftitiã præferentem illò noctu perueniffe: ex eodem Manuele, eiusq; focijs cognitum eſt, etiam Turcas iure iurando teſtatos eſſe, non paruum ex ſuis numerum, multos ex Afris quoq; in prælio cecidiſſe: & ad centum quinquaginta ex utriſq; uulneribus affectos; & credere certe multis partibus plures fuiſſe: quòd dicerent, tot glandes archibuſijs à Chriſtianis in ſe emiſſas, ut totã ferè planitiem ijs coopertam uidiſſe iurarent: quòd ſi conferti, ut noſtri, iniuſſent prælium, non dubium erat, quin ad unũ omnes eodie caſi à noſtris eſſent. Teſtabatur id quoq; Manuel, Turcas dicere, Chriſtianos, qui ad Oliuetum proſecti fuerant, quinq; millium numerum excedere, & ſe duodeuiginti ex ijs occidiſſe: atq; unum inter eos, qui equo uehebatur principum omnium ampliſſimum, quem Siciliae Proregem fuiſſe affirmabant; præter eos, quibus uulnera inflixerant, quos penè

innumeros fuisse censebant . præterea iactare , se ad nostra peruenisse castra , ac statutis in uallo signis , inde facile coniectasse , decem milium hominum exercitum nostrum esse . Addebat insuper , Dragutem Iudæos quosdam , & Afros , qui in ea insula credere ipsi pecuniam soliti fuerant , ambire , prehensare , etiam , atq; etiam rogare , ut denuo sibi pecunias , quibus classem instruere , ac de commeatu , reliquisq; rebus providere posset , mutuas darent : ut piraticam de more facere , ac prædari , & inde contractum antea æs alienum , & quod nouum contraheret , dissolvere ipsis posset : sed illos nullis ipsius precibus antehac adductos , ut quicquam darent : etenim uereri uidebantur , ne totum amitterent , cum ita profligatum , & perditum , atq; omni destitutum auxilio uiderent : & se credere nihil prorsus eum ab illis extorturum : nec si extorqueret , tantum tritici , quod ad naus

ticum panem, in dimidiatam classem conficiendum, satis esset, tota insula inuenturum esse. Illud præterea cognitum ex eodem fuit, ipsum Dragutem cum duce quodam, cui Querqueo nomen erat, egisse, ut Rhodum sua causa ad Salam eius insulæ præfectum proficisceretur; ac suo nomine illum rogaret, ut secum coire societatem uellet, & Siculum quendam Acanum nomine, Milis natum, quem Christi religione iam pridem relicta apud se habebat, illū monuisset, ne illud cogitaret, neque ullo pacto illuc accederet: propterea quod ille nullam unquam absque Turcarum regis uenia cum ipso societatem iniret; sed potius exigua, quæ ipsi supererat, classe, ipsum continuo spoliaret: quod inuito rege suo piraticam faceret; & illius uerbis factum esse, ut sententiam mutaret, ac biremem cum speculatoria nauicula Cosyam uersus mittere statueret; ut per eas exploraret, Siciliam ne, an aliam

partem triremes , quæ aberant , petiſſent :  
quòd uehementer timebat , ne Lotophagitis op-  
pugnandæ cauſa , ad exercitum , reliquasq; co-  
pias , quæ ad bellum gerendum expetuntur ,  
comparandas , profectæ eſſent . Interim  
dum illæ redirent , ibi manere decreuiſſe , ut  
rem frumentariam , ſi poſſet , expediret :  
ſeq; inde mari quamprimum committeret , illud  
præterea nuntiauit , illi ſexdecim tantum na-  
uigia ſupereſſe ; quòd cæteri ſocij coniunctio-  
nem cum eo diremerant : tum quòd malè ab  
eo tractabantur : tum etiam , quòd reliquorum  
piratarum , prædonumq; morem nequaquam  
ſeruaret , & inde non modò lucrum nullum  
ab ijs fieret , ſed omnes fame potius necaren-  
tur : quanquam ipſi quoq; idem contingere te-  
ſtabantur . Hæc nobis adſcribenda , nec ullo  
pacto prætermittenda cenſuimus : quoniam rē  
à noſtris præclarisſimè cum Turcis geſtam cū  
certiorē , præclarioremq; faciunt , tū proſperū

eius diei euentum diuinæ primū in suos milites  
benignitati: deinde Vegæ auctoritati, reiꝫ; mi  
litaris scientiæ, qua acies instructa, & præliū  
cōmissum fuit, acceptum referendum declarāt  
explicatius, quanꝫ; incredibilis militum uirtus  
eo prælio enituit, immortalemꝫ; gloriam adep  
ta est. Antonius igitur Auria cum nusquam  
circum Africam Dragutem inuenisset, præ  
ceptorum Vegæ, Auriaꝫ; memor, Siciliam  
inde adijt, atꝫ; uniuersam penè circuit.  
Ex arcibus quicquid sulphurei pulueris, pis  
larumꝫ; tormentariarum erat, assumens,  
Messanæ, Panormiꝫ; præter puluerē, pilasꝫ;  
& commeatum, reliquasꝫ; copias, quæ classi,  
& exercitui in multos dies satis erant, mune  
ra ad Proregem illarū ciuitatū nomine perfec  
rēda suscepit, sic enim præclaræ illæ urbes,  
Siculiꝫ; omnes Ioannem Vegam admirari, ac  
diligere fatentur, propter iustitiam, innume  
rasꝫ; alias uirtutes, quibus illum præditū esse



ubiq; prædicât, ut summo pere, & colant & uenerentur, & si quibuscunq; rebus possint, illi semper placere studeant: nunquam tamē sibi ipsi satisfacere uideantur. Et in hoc bello aduersus Turcas, Afrosq; suscepto, sic illum cunctis rebus ad gerendum bellum necessarijs iuuerunt, ut illius testimonio si delissimi Cæsari; ipsius uerò studiosissimi iudicati, & habiti iure sint. Lætus igitur Antonius, quòd se Proregi, Principiq; Aurie satisfacturum putabat, cum prouincialium liberalitate, & Ferdinandi præsidis cura, summaq;, & procuratorum Cæsaris, & magistratuum diligentia secum ferret, quo bellum ex sententia confectum iri credebat (imposuerat etiam in classem, militum centuriam, ex Hispanis, græcisq;, & Italis ultro nomina dantibus, ut in Africam transmitterentur, euestigior cōsfectam) Hispanos præterea circiter ducentos quos Ioannes Gusmanus, Ferdinandi Vegæ

Præsidis mandato ex arcium præsidij conscripserat, leni uento Panormo soluit. sed antequam Drepanum perueniret, cœlo nubibus quamprimum obducto, magnâq; in mari tempestate orta, res permira quidem cœte accidit; quæ si antiquorum memoria accidisset, quibus res è cœlo tactæ magnum aliquod malum, iacturamq; portendere credebantur, maximum omnibus non præsentibus modò, sed etiam absentibus timorem incussisset. nos autem qui Christum, ueramq; Dei pietatem colimus, non ostentis, aut prodigijs terremur, nec ullum in omine pondus esse, nec rebus eiusmodi fidẽ ullam habendam censemus: sed quicquid accidit, ut ab auctore Deo profectum semper boni consulimus. Nec est, quã obrem eius instituti nos pœniteat, ut ex ea re quæ Antonio contigit, perspicui potest: etenim cum cœlum tonitruis contremere, crebraq; flamma inter nubes coruscaret, et illarũ

conflictu expressus ardor se emitteret, malus tantummodo unius triremis Principis Auriae, quam in sua classe habebat, fulmine ictus desflagrauit: & si tres remiges, qui prope erant, exanimati sunt; cæteri tamen, quãquam territi admodum fuere: nullum tamen incommodum, aut detrimentum accipere: &, quod maximam cunctis admirabilitatem fecit, pulvis sulphureus, cuius tota ferè triremis plena erat, intactus quidem, & illæsus à cœlesti flamma permansit. Quod superstitiosi illi ueteres in malam partem accepissent, nos in bonam accepimus: & Dei erga nos benignitatem agnouimus; qui suorum curam gerens, nauem & illos à tanto discrimine tutos præstitit; & puluerem, quo hostes perdendi erant, magno omnium stupore seruauit. Euentu igitur lætus Auria (nam maris tranquillitas non multo post redijt) Drepanũ cursu tenuit; ubi reparata triremi Africam

uersus nauigauit : quò altero post die magna omnium lætitia peruenit : Vegæ præsertim, qui certam eius belli propediem conficiendi sp̃e accepit : cum uideret, multo plus illum ex Sicilia, quàm ipse optauerat, attulisse, ac nõ minore cura, & diligentia, quàm prudentia, & auctoritate datum negotium confecisse. Quare illum summis laudibus ad cælum tulit. Siculos quoq; uehementer commendauit, seq; de ijs benemerituum sponndit. Illis propè diebus Aluarus Vega cum magna militum bene instructorum manu ad oliuetum lignandi causa ( ut plerunq; iussu patris solebat ) profectus fuit. Præibat Matthæus græcus ille, qui centuriæ græcorum præerat, cum duobus tantum socijs excurrens, ut proxima loca exploraret. Itaq; dum ligna cædebantur, nostriq; milites constiterant, ut si quid accideret, suis subsidio esse possent : illi longius, quàm par erat, speculando euagati,

in Afros equites circiter uiginti inciderunt , à quibus circumuenti , Mattheus cum altero , quòd non ualidis equis uehebantur , trucidatus fuit . Andreas græcus itidem , & dux illius centuriæ , quam Antonius Auria ex Sicilia transportarat , qui cum illis præcurrerat , cum meliorem haberet equum , ex hostiū manibus elapsus ad nostros se recepit : & , quid socijs euenisset , Aluaro nuntiauit : qui illorum casum grauatè admodum tulit , Matthæi præcipue , quem ob animi integritatem , singularemq; uirtutem sæpenumero perspexitam mirificè diligebat . Prorex etiam , & quicumq; eum nouerant , ob eandem causam illius uicem doluere . Aluarus postquam ligna à suis cæsa , atq; in fasces collecta perspexit , eodem ordine , quo profectus fuerat , reuersus est ; suosq; nullo præterea accepto detrimento ad castra reduxit . Accidit aliàs , quod Iordanus Vrsinus , quem Florentinarum tris

remium præfectum diximus, nostros itidem lignandi causa oliuetū petentes subsecutus fuit : equo ipse Africano uectus, à quatuor Florentinis equitibus comitabatur. cum nostri postea cæsis lignis ad castra reuerterentur, substitit paulum cum suo comitatu Iordanus, ut auem, quam in arbore uiæ proxima considerare perspexerat, paruo tormento, quo ob certos ictus magna cum laude utebatur, percussam deiceret. Dum totus igitur feriendæ uolucris intentus esset, Afer quidam agilitate corporis, atq; uirtute clarus, qui albo equo sed uersicolore iuba, caudaq; uehebatur, secumq; octo equites, & triginta pedites semper habebat, ex insidijs egressus ( quod sæpenumero fecerat, nec unquam ipsius conatus successu caruerat ) tanta Vrsinum nil tale cogitantem celeritate inuadit, ut prius lancea brachium illi transuerberet, præcipitemq; ex equo trahat, quàm tormentum ille in hostem

deflectere, aut ipsi à comitibus subsidio ueniri possit. Quamobrem grauitèr uulneratus Vrsinus, & equo priuatus in castra relatus est. Afer autem uictor, & equo auctus incolumis abiit, ac nostros ut sibi melius præcauerent admonuit. Postero die quàm Matthæus ille græcus occideretur sub prandijs tempus Marcus Centurio, quem ad Ferdinandum Gonsagam à Vega, Auriaq; missum commemorauimus, redijt, totumq; exercitum lætitia affecit. duces præsertim, atq; in primis Vegam: qui illius aduentu in spe capiendi Aphrodisij confirmatus est. nam præter non nullam sulphurei pulueris, pilarumq; tormentariorum, & commeatus uim mille & quingenta aduexit milites; Hispanos omnes; strenuos quidem uiros, iam inde à pueritia in studijs bellicis uersatos: qui cum armati, & instructi prætensis signis, & uexillis in triremibus apparerent, spectantibus nō milites,

sed

sed duces omnes uidebantur : & qui non in bellum progredierentur , sed uictores ex bello ouantium modo reuerterentur . Quare illorum tam læto aduentu nostrorum animos , opesq; creuisse : hostium uerò supra modum decreuisse , iure optimo existimatum . Qua in re Ferdinandi Gonsagæ integer erga Cæsarem , Vegamq; cognitus est animus ; & summa , quam in illis mittendis adhibuit , perspecta diligentia : maximamq; inde laudem ab omnibus tulit , à Vega præcipuè , qui dum se illi gratissimum declarare ( ut re uera est ) exoptabat , illius præclaras atq; innumerabiles magni , candidiq; animi dotes cum in sermone quotidiano : tum publico , & crebris ad Cæsarem missis literis celebrabat , illustrioresq; faciebat .



HORATII NUCVLAE  
INTERAMNATIS  
COMMENTARIIORVM  
DE BELLO APHRODISIENSI

LIBER QVARTVS

A VCTIS igitur ex sententia copijs nostris, fabricatisq; machinis, & aggeribus ad passus ducentos propius urbē iactis, & in ijs æneis tormentis collocatis, cum abundē ijs utendi gratia suppeditata cuncta essent, nec commeatus, nec ulla alia res nostris deesset, iam de oppugnanda summaui urbe cogitabatur. sed ut prosperè res succederet, ac facilius conficeretur; quemadmodum à mari, sic àlibi à terra urbis moenia

quater nostri decreuerunt : ut cum tripartis  
tò eam inuadere consilium esset , diductæ ho-  
stium manus infirmiores ad resistendum fie-  
rent . Itaq; & turris ingens ad octanguli  
formam in muri angulo ad orientem extru-  
cta, & quæ illi coniuncta pars muri erat ,  
uiginti modò, modò pluribus tormentis æneis  
maximis pulsari cœpta . Et quanquam nullum  
in eo opere faciendo tempus intermissum ,  
diuq; pulsata ea pars fuit ; tamen præter opi-  
nionem principio euenit : nam cum turris  
illa , murusq; multo munitior , ac renuntia-  
tum antea fuerat , inuentus esset ; magna  
pulueris , pilarumq; uis consumpta est : de-  
iecta tamen non modica pars utriusq; fuit ,  
quæ gradum nostris ad subeundum præbere  
poterat : atq; id causæ fuisse , quòd eam par-  
tem hostes relinquerent ; nec nisi coacti , aut  
magna allecti mercede illuc accederent , cre-  
ditum fuit . præsertim quòd Afer quidam à

Granata Beticæ ciuitate oriundus, quem Christiani in uinculis intus detenti ad Vegā miserant, magnum turcarum, & oppidanorum timorem esse nuntiauit, & eò illius turris defensionem penitus omiſſam, & uno tantum die uiginti turcas in ea parte conſtitiffe, iſq; ſingulis Halim illorum præfectum quinque aureos ut tueri eam uellent, numerari iuſſiſſe. ex eodem quoq; cognitum eſt, magnam commeatus inopiam omnibus eſſe, ſed oppidanis maiorem: cum illi lupinis tantum, Turcæ autem pane hordeaceo ueſcerentur. etiam plumbum ad ſclopettorum glandes conſciendas illis deeſſe: quod etſi uerum eſſe comperitum fuit, cum paruos lapillos bractea tantum plumbea coopertos in milites noſtros emitterent: tamen cætera omnia, quæ dixerat, falſa erant. Ab eodem nuntio edoſtus Vega fuit, æquè eam muri partem, quæ iam inde ab initio quaſſabatur, atq; eam, quæ poſtea

pulsari cœpta , quæ quidem foris deiectæ , ac disturbatæ uidebantur , integras adhuc intus , atq; altas constare : latis , profundisq; fossis , atq; alys munitionibus ualidas esse : hoc quoq; uerum erat , sed , quæ sequuntur , nihil prorsus ueritatis habere , cognitum fuit : asseuerabat enim ob magnum occisorum numerum superstitēs turcas uix ad eas modò partes tuendas sufficere . quòd si aliunde præterea oppidum inuaderetur , haud erāt dubium , quin euestigio caperetur . Quamobrem eius negotij bene conficiendi spes in eo potissimum reposita erat , ut machina illa supra triremes constructa , & iam perfecta ( ut diximus ) ad constitutum in mari locum ( nam ut hostes fallerentur , in statione , ubi tota classis erat , ædificata fuit ) ageretur : ut de improviso prostratis ab ea parte mœnibus , qua non bene firmum oppidum esse constabat , quòd murus penè tenuis , nullaq; ducta fossa , aut

agger ad eius firmitatem iactus esset, repentino oppressi malo hostes deuincerentur. Iam de agenda urbem uersus machina cogitabatur: etiam Vega decreuerat, ut cum milites à tribus partibus urbem aggredierentur, aggressionis die triremes omnes, & naues actuariæ, quæ aderant, illam circumuallerent; schalisq; muro admotis uel ascensum simularent: et uel re ipsa in muros euadere (si qua offerretur occasio) niterentur: idq; à principe per nuntium petierat, & sperabat fore, ut in suam uoluntatem illum adduceret, cum Comes Philippinus Auria ab illo missus, ad ipsum in tabernaculum uenit; ut ei uerbis illius nonnulla exponeret. Fortè tunc Alfonsus Coua, quem Cæsar in Ludouici Peresij demortui locum, ut arcis Gulettæ præset, nuper suffecerat: & ea in castra, ut prius quàm illuc accederet, cum ipso Vega, Auriaq; nonnulla communicaret, ex Germania

miserat ; coràm aderat : Aderant etiam & Cicala , & Baltasar Brauus Ordinis diui Iacobi miles , egregij quidem , ac non paruae auctoritatis uiri . Hos Vega , ne discederent , rogauit : propterea quòd sibi in optatis erat , ut tum eorum , quæ à Comite Philippino exponerentur : tum eorum , quæ ipse ad ea responderet , testes essent : dicebat enim accis disse non semel , & iterum , quòd aliud sibi Princeps per internuntium significarat , ac dixerat ; aliud tamen postea factum fuerat : & ad Philippinum conuersus , ut Auricæ mandata coràm illis exponeret , rogauit . Eius orationis duo capita fuere , unum quòd Andreas diceret , cum Garsia se de ratione , atq; ordine inuadēdi Aphrodisij locutum esse , cumq; sibi respondisse , ad ipsum continuò se uenturum , ac re cum ipso communicata aggressioris consilium , rationemq; ex sententia illius ineundam esse . Alterum quòd cum

uideret , classem commeatus indigere , ac nō  
nullos præfectos panem nauticum à se posce-  
re , decreuerat ( modò per ipsum liceret )  
uiginti triremes eam ob causam Neapolim  
mittere . Ad ea Prorex , dudum Garsia ( in-  
quit ) huc se contulit , nobiscumq; congressus  
est : & si de uarijs , ut fit , rebus locuti su-  
mus , de ista tamen , ut locupletissimus hic  
testis est , eundē Alfonsum digito monstrans ,  
qui tunc quoq; præsens adfuerat , ne uerbum  
quidem nobiscum fecit : sed rumorem iampriz-  
dem in castris esse , summopere Garsiam de-  
siderare , utijs duntaxat copijs , quas ipse  
Neapoli aducxerat , Aphrodisium oppugna-  
retur : quod sibi consentaneum nequaq; uide-  
ri ; etenim cum duabus , aut tribus partibus  
impetus fieri in urbem posset , & in illis non  
pauci desiderarentur , & pleriq; omnes iam  
defessi essent , se maiore militum numero ad  
eam prouinciam opus esse censere ; eosq;

(quod Deo acceptum referebat) non deesse; qui æquè armis instructi essent, & nulla alia in re illis concederent. Quamobrem non secum præcauendi facultas esset commissurum, ut quicquam in præsentia fieret, ex quo res in discrimen adduci posset, & quemadmodum nonnullas antehac indignitates contra suam existimationem Cæsaris causa perpeßus fuerat; ut illius potius, quàm sui rationem haberet, sic multo melius, ac diligentius posthac se eiusdem Cæsaris rem, negotiumq; acturum esse; si magno cum dignitatis suæ splendore, illud agendi daretur occasio: nec passurum ullo se pacto esse, ut ob iniustas quasdam causas, ac rationes, quas explicare non è re esse dixit, in existimatione Cæsaris, cuius seruandæ, atq; amplificandæ rationem haberi uolebat, detrimentum acciperetur: ac se, ut id ex sententia eueniret, omni cura, opera, & diligentia prouisurum: cū Princeps ipse



*neq; auctoritatem , neq; fidem, nec maiorem dignitatem haberet , nec plura , aut maiora Cæsari officia hoc in bello præstitisset . Quòd autem diceret , se Neapolim uiginti triremes commeatus gratia missurum : ad id liberè se non eius sententiæ esse respondit, ut cum urbs propediem oppugnanda esset , tempore tam necessario pars classis abesset: præsertim quòd à Cæsare mandatum habebant ( eo enim nomine nuper Alfonsus in castra uenerat ) omni adhibita diligentia laborarent, ut Draguztes ipse in nostram potestatem redigeretur : quod non uidebat , quo nam id pacto fieri posset , si illud consilium ualeret : nec se Cæsaris imperium negligendum censere . mirari præterea se uehementer uirum prudentissimum , qualis Princeps habebatur , in posterum non prospexisse , nec classi, ut par fuisset , de rebus necessarijs opportunè prouidisse . sed persuadere sibi non posse, eam esse*

illi inopiam , ut tantisper saltem dum tentarent , an Aphrodisium capi posset , non sustentaretur classis : præsertim quòd multis ante diebus illum rogarat , ut quæ classi maxime ad uictum necessaria duceret , maturè inquirenda curaret : ut ipse , nequid earum rerum exercitui deesset , multo ante prospexerat : Quòd sicunde tamen uictus esset petendus , Drepanum potius , ubi compertum habebat , magnam uim panis nautici illius mandato quotidie confici , quo breuior , faciliorq; cursus esset , quàm Neapolim , unde reditum non tempestiuum præuidebat , triremes mitteret , sed rem meliore statu esse , quòd aliquè ipse frumenti numerum in horreis habebat : quod eo pretio , si mercari uelit ; quo Cæsaris procuratoribus illud indicatum antea in Sicilia fuerat , addiceret : ex quo remigibus , nautisq; quotidianus uictus præberi posset . Cumq; ad id Philippinus respondisset , non

posse remiges, nautasq; triticea farina uesci:  
Prorex non sine stomacho, si qui Aphrodisij  
per nos obsidentur, ad summam redacti ino-  
piam tandiu Dragutis piratæ immanis, bar-  
barisq; gratia hordeo duntaxat uescuntur,  
miror uehementer, quid sit, quod pessimè  
secum agi putent, qui maxima, & penè  
innumerabilia quotidie à Cæsare Imperato-  
re Optimo, maximo, liberalissimo benefi-  
cia accipiunt, si illius & (quod magis miran-  
dum est) dei causa, optima moliti tritici fa-  
rina uescantur. Hic Prorex tacuit: Philippiz-  
nus autem ad Auriam reuersus est; eiq; ordi-  
ne, quæ à Prorege dicta fuerant, cuncta nar-  
rauit. Voluit Vega, eximios illos uiros earum  
rerum testes esse, ut siquid Auriae consilio,  
factisq; præter opinionem accideret, non sibi,  
sed illi claro eorum testimonio ascriberetur.  
quanquam ad se potissimum spectare existi-  
mans, curare diligenter, ne quid res Cæsa-

ris detrimenti caperet , tamdiu summa uti potestate solus decreuit , quo ad negotium plenè , cumulateq; perficeretur. Itaq; qui semper antehac modestiæ ac ætatis ratione ductus maximum Principi honorẽ habuerat, etenim secum unà passus fuerat , componere edicta composita , nomine Cæsaris edicere, atq; alias res complures quasi pro iure suo facere; quæ omnia ipsum tantummodo , qui summe rerum terra præerat iussu Cæsaris , decebant, & illius causa nequid damni faceret , æquo animo de suo iure decesserat , non solùm terra , sed etiam mari solus in omneis eo temporis spatio imperium tenuit : nec tesseram modò solus dedit ; edicta composuit , edixitq; atq; alia militiæ munera suo tantùm iussu obiri mandauit : uerùm etiam edicto sanxit , ne qua navis actuaria , ex ea statione iniussu suo discederet : & qui non paruit nemine prohibente pœnas dedit . Vbi per Philippinum

Andreas Auria Vegæ animum cognouit , il-  
lius integritatem considerans , & loquendi  
libertatem , atq; constantiam ; statim illi si-  
gnificandum censuit , se haud iniquo animo  
ea modo per Philippinum exponi iussisse : sed  
potius , ut consilio cum eo de ijs rebus commu-  
nicato , quid ipse optimum factu duxisset , exe-  
queretur : nec debere ipsum , res aliorum ,  
atq; dictæ fuerant , accipere : se Cæsaris rē ,  
dignitatemq; auctam uelle : neq; aliud quicq;  
æquè iampridem studere . Quamobrem se ad  
omnia , quæ facienda existimaret , ipsi præ-  
stò fore . Communi igitur consilio decretum  
est , ut pro pane nautico classi petendo qua-  
tuordecim triremes in Siciliam extemplo mit-  
terentur : de ratione autem aggrediendi ur-  
bem , quoniam cognitum est , Auriam à ple-  
risq; ducibus incitatum censere haud diutius  
immorandum ; sed anteq; à mari tormentis  
æneis uerberaretur , oppidum inuadendum

esse, id Vega rei militaris peritus cum ita periculosum uideret, ut, si ex illorum sententia Aphrodisium oppugnaretur, de re Cæsaris, atq; exercitu, & Christiana republica actū foret: pernicioso illorum post habito consilio, suum, quod optimum perspiciebat, ualere, atq; omnia ad suum duntaxat præscriptum fieri uoluit. Is certè rerum status erat, ut nō milites modò, qui partim temere, & prædæ cupiditate moti, partim ut belli laboribus, in commodisq; liberarentur, sed Centuriones, Tribuniq; ad unum omnes summopere cupe-  
rent, eiusq; sententiæ essent, ut nulla alia oppugnandi oppidi mora fieret: Garsia in primis, qui ad aditum nostris in urbem faciendū, quibus nihil unquam fuerat inuium, affirmabat satis esse, quod muri deiectum tormentis esset; eosq; tunc alacres, fortiq; esse animo; quòd si differretur aggressio, fieri posset, ut illum remitterent, atq; è fortibus ignauifere-

rent : sed iure in alia omnia prorexibat ; cū uideret , utranque murorum uerberationem uel nullum prorsus aditum , uel admodum difficilem præbituram : & certe eius rei facilis erat coniectura , cum moenia ab interiore urbis parte integra adhuc manerent ; & non solum hostes muniendi , sed quod ex ijs euersum tormentis fuerat , reparandi spatium habuissent ; ac strænuè id effecisse , & sibi illos non defuisse , constabat. huc addebat , quod urbis pomærium nunq̃ per nostros capi , aut ullo pacto ab hostibus extorqueri potuerat , in quo barbarus ille quidem , sed strenuus dux , & in trepidus Halis cum delecta barbarorū manu uersabatur ; ut nostros in eam partem irrumpentes à lateribus aggrederetur. Quam obrem minimè tempestiuas militum uoces , rumoresq̃ , & ducum sententias Vega paruispens , tantisper negotium differendum putauit ( quod inuitis ferè omnibus effecit ) dum

mœnia à parte maris tormentis in mächina collocatis disturbarentur ; oppidumq; nudarent : ut & tripartitò illud inuaderetur , id quod sæpissimè dixerat , & eò diductæ hostiũ manus uiribus debiliores fierent . Nec id præter opinionem euenit : nam cum hostes nõ putarent tantum à mari periculum impendere , robur militum in urbis fronte iam inde ab initio collocarant ; nec ullam inde partem , cum postea opus fuisset , deduxerant . Quare factum est , ut nostri uictoria potirentur . Sed ne Garsia , reliquorumq; ducum non aliquam habere rationem uideretur , quanq; tripartitò ( ut diximus ) urbem adoriri , treisq; acies instruere ad peragendam rem constituit : tas men quæ centuriæ ex ijs , qui Neapoli accersiti fuerant , quibus tantum Garsia in oppidum irruere in animo habuerat , in prima acie , quæ ue in altera , & tertia locandæ essent , illius arbitrio reliquit . Itaq; anteq;



dies aggressionis adesset , ut omnia suo tempore à nostris fierent , quibus copijs instruendæ acies ; quæ centuriæ in subsidys ponendæ ; quæue in castris ad ipsorum custodiam relinquendæ essent , perscripsit . eam fuisse rationem , & ordinem comperimus . In prima acie , quâ uolebat primâ urbis partē , quæ principio tormentis æneis diu pulsata , & disturbata partim fuit , adoriri , tum militum , qui Neapoli uenerant , partem , quam Garsia deligeret : tum quibus Franciscus Amator , & Gaspar Gusmanus strenui duces præfecti fuerāt ; locari mandauit : Hæc octingentorum militum , & quinquaginta explebat numerum : huic nullum præcipuum ducem præficiendum censuit , cum in illorum centurionum uirtute , peritiâq; rei bellicæ multum confideret . Alteram aciem in urbem irrupturam , quâ turris pars octanguli formam habentis , muriq; illi cōmissi secundo loco decē circiter dies quassata

tandem corruit, Aluari Vegæ Præfecti Prætorij, & Tribuni militum cohorte; & altera eorundem militum, quos Garsia classe aduexerat, parte firmari uoluit: hos ij, quibus Antonius Morenus, & Morerola uiri diu in bello uersati præerant, sequi iuebantur: hæc acies mille, & quinquaginta habebat milites: His Ferdinandus Toletus præesse iussus. Tertia, quæ à parte maris aggressura urbem erat, nongentis, & quinquaginta constabat militibus; quorum uni parti, præterquod erat tribunus militum, uniuersæq; aciei imperabat, Ferdinandus Lupus præerat: alteram Hieronymus Manricus, & cui nomen Solitius erat, magna cum gloria ducebant: reliqui ex eorum erant numero, qui Neapoli profecti fuerant. Iussit præterea Hierosolymitanæ religionis militibus non minus genere, quàm factis præclaris optionem dari harum quamlibet eligendi, in qua con-

sisterent, unaq; in oppidum irruerent: hi cum  
classis militibus quadringenti erant, Bernardus  
dumq; Chimeranum strenuum uirum habebant  
ducem. Ad tormentorum æneorum custodiam,  
& ut præstò forent, si quid accideret,  
Ferdinandus Sylua Vegæ sororis filius bonæ  
indolis, & magnæ spei adolescens, & Petrus  
Acunea, et Rodoricus Paganus cum suis  
ordinibus relinquerentur. Post hos, qui militia  
sacramento non tenebantur, extraq; ordinem  
militabant, constare, & ad illorum  
exemplar cuncta facere, atq; eundem ordinem  
seruare iussit. Hi tunc ad trecentos erant,  
cum antea plures fuissent, Siculi ferè omnes,  
atq; ijs Constantinus Saccanus Iacobi Saccani  
filius Mamertinus imperabat, à Iacobino  
illo Saccano originem trahens, cuius & Anzaldi  
Pactij, & Nicolai Camuliæ nobilium  
Mamertinorum pijs lachrimis motus, consis  
lysq; persuasus Comes Rogerius Hunfredi.

Normandi filius præclara indole iuuenis ,  
& in pacis , belliq; artibus admirabilis , ac  
non parua auctoritate cum sex instructis  
triremibus è Mileto Brutiorum oppido ad-  
ductus , tum industria , opera , diligentia ,  
atq; urbis potentia adiutus non Messanam  
modò , sed etiam uniuersam Siciliam à super-  
bo Maurorum dominatu fufis , profligatisq;  
quinq; immaniſſimis eorum ducibus , quorum  
princeps Raxis appellabatur , ad ſempiter-  
nam diuini nominis , ſuiq; , & Mamertino-  
rum gloriam liberauit . In caſtrorum præſi-  
dio Ioannem Guſmanum , ac Bernardum So-  
lerium cum ſuis militibus , & Græcorum cen-  
turia relinqui mandauit , iſq; filium Aluarum  
præſeſſe ; quem monuit , ut quinquaginta pe-  
dites in aggere extra caſtra iac̃to collocaret :  
iſq; duos , quibus tormentorum cura manda-  
ta erat , adiungeret , atq; eos omnes in illius ,  
& turrium cuſtodia uigilare iuberet . Illud

in primis illi præcepit, diligentissimè caueret, ne ad arma conclamaretur; sed si quid forte accideret, nuntium continuò ad se mitteret, ex quo quicquid id esset, quamprimum intelligeret, & pro re ipsa, & tempore provideret. Hos bono esse animo iussit, ac certam spem habere, ipsis si oppidum expugnaretur, prædæ partem non defuturam. Inuadendæ urbis signum tuba militibus dari placuit, ac speculatoriam nauiculam ad littus adesse, quæ & tubæ sonitum perciperet, & Principem Auriam de tempore certiores faceret: ut ipse quoque oppidum triremibus circumfusis inuaderet, oppidanosque propugnationis, ac defensionis gratia distineret. quod quidem suo tempore Princeps fecit, victoriamque ex hostibus partem non minus prudenter pro parte sua, quàm diligenter adiunxit. Hoc idem Carolus Sfortia cum summi Pontificis Iulij. III. militibus, hoc idem fecit Iordas

nus Vrsinus cum ijs , quos à Cosmo Florentinorum Principe cum classe acceperat , & Astor Ballionius , & Antimus Sabellus , cæteriq; Itali nobilitate præstantes , qui cum rerum Cæsaris studiosissimi sint , se ultrò ad id bellum contulerunt , seq; in eo Itala uirtute , splendoreq; dignos præstiterunt . Non sine ratione accidit permirum multis Vegam ausum esse his paucis copijs tantam prouinciã suscipere atq; oppidum egregiè natura , & opere , & ualido munitum præsidio inuadere : & certè putabant fore , ut re infecta discederet . At ipse non militum multitudine , sed uirtute fretus , non dubiam uictoriæ spem acceperat : quantum enim illi ualerent , non modò fando audierat , sed ipse etiam expertus persæpe fuerat : etenim cum Legatus abhinc quinquenium Romæ esset , ut Paulo , III. Pont. Max. Cæsaris mandata exponeret , in Galliã inde Cisalpinam Alfonso Daualo Vastili

marchione, qui ibi imperium tunc iussu Cæsaris obtinebat, ægrotante, eiusdem Cæsaris mandato proficisci iussus, iisdem militibus ea edidit facinora, ut afflictis imperij rebus opportunam opem ferret: ibi enim Gallos hostes sempiternos uexauit, multos occidit, cepit, dissipauit, multa castella, & munita oppida improuiso aduentu suo expugnauit, Cæsaris rem penè collapsam restituit. ibi etiam & paucis ante annis Pompeiopoli in Hispania citeriore cum illius regionis Prorex esset, impetumq; Gallorum, & conatus semel, & iterum perfregisset, hos milites, quorum pars ibi aderat, & eorum uirtutem nouit: uiderat enim utrobique eos ad nutum mouentis intentos esse, signa sequi, ordines seruare, quod imperabatur, omneis exaudire, obistere, circumire, discurrere, in cornu mutare pugnam, non secus, ac duces callere; humi cubare, in ediam pati, frigus, caloremq;

æquè ferre , uigilare , omnia deniq; militiæ munia strenuè semper obire . nec in Gallia cisalpina , & in Hispania solùm , sed etiam paucis ante diebus in pugna aperto campo aduersus Dragutem in ipsos irruentem commissa , illorum uirtutem , & rei militaris scientiam agnouit; in qua uix septingenti milites quatuor millium impetum sustinuerunt , mox , quòd tam audacter restitissent , cum creuissent animi , magna illorum cæde uictores fuere , in fugamq; illos uertere . Et non modò hic hostes uicti , sed etiam qui eruptione ex urbe facta castra nostra oppugnabant , temerarij ausus poenas dedere . His igitur pugnacissimis copijs confusus Vega Aphrodisio urbe omnium munitissima breui potiendi certam spem cepit : & tantæ rei magna cum omnium admiratione compos fuit . Nunq; interea tormenta ænea à terræ parte muros , turresq; quassare desierant , ut cum



putarent hostes illac tantum nostros impetum  
in urbem facturos, se ibi duntaxat ad resistē-  
dum pararent; & profectò ita eam partem,  
altis, latisq; ductis fossis, stipitibusq; à sum-  
mo præacutis, ac dimidiatis hastis ferro mu-  
nitis in illas defixis; etiam ferreis hamis per  
spatia intermissa diffatis, & tormentis, &  
ignibus artificio confectis (quemadmodum su-  
pra demonstrauiamus) munierant, ut nisi à  
parte maris urbem capi posse præuisum fuis-  
set, machinaq; illa ad moenia deijcienda excor-  
gitata, nullis unq; uiribus uictoriæ compotes  
nostri fuissent. Ex quo quanta sit ingenij uis,  
decusq; facile perspicitur: quod tametsi in re-  
bus ferè omnibus præstare uiribus animad-  
uertimus; tamen illius excellentia in rebus  
bellicis maximè nitet: cum plerunq; uidea-  
mus, magis solertia ducis, quàm exercitus  
uiribus res magnas geri: & apud auctores  
tum Græcos, tum Latinos legamus, olim sæ-

penumero illustribus Imperatorum ingenijs  
maximos exercitus modicis copijs fusos , atq;  
internicioni dados . Prudentia igitur, & sin-  
gulari Vegæ ingenio , atq; industria, & ma-  
gna Garsia solertia prouisum est, ut, quod uir-  
rium præstantia non poterat, ingenij acumine  
uinceretur . Machina igitur , in qua posita  
spes erat euertendæ urbis , pridiequàm ipsa  
oppugnaretur , ante lucem ab hominibus eius  
rei peritis agi cæpta , atq; ad delectum antea  
in mari locum , qui ab urbe passus circiter du-  
centos & quinquaginta distabat , perducta :  
& inde oppidum magna oppidanorum iactus  
ra pulsari , ac quassari cœptum . præsertim  
quòd tribus alijs maioribus tormentis , quæ in  
paruo, humiliq; promontorio in mare procur-  
renti statuta erant , eadem muri pars, quan-  
quàm non directè , uerberabatur; damnumq;  
maximum faciebat . Præerat æneis machinæ  
tormentis machinator optimus , & cui frez

quens illorum, & magnus erat usus Andronicus Spinosa nomine ; cui postquam tormentorum, & machinarum cura in Africa mandata est, magna ad rem peragendam, bellumq; conficiendum est facta progressio. Hic murum tanto impetu à mari quatere illis coepit, ut, quoniam non ea firmitudo eius erat, quæ anterioris fuerat, liquidò appareret, breui magnam illius partem euersum iri. Oppidani ubi uiderunt ab ea se parte peti, qua nunquam putassent, quam ob mare potius ualidam, quàm ob mœnia existimarant, nullisq; munimentis ( cum nihil inde timerent ) stabilierant, inopinato perculsi malo, quid agerent, prorsus nesciebant. Cum autem postea se collegissent, latam, profundamq; ducere fossam à parte interiore parabant. quod tantisper illis permissum fuit, dum murus tormentis quassatus euerteretur: quod quidem infirmitate murorum, et crebris tormen-

torum ictibus non magno admodum negotio fiebat : à quibus ità uexebantur , ut ab ea parte nemo posset consistere . Relinquebatur igitur , ut , quoniam nec munire , nec si quid deiectum esset , reparare ictuum crebritate possent , se uicissim cohortarentur , ac confirmarent , ut euersis muris nostros irrum-  
pentes uel aditu prohiberent , uel fortiter pug-  
nando mortem occumberent : cum longè præ-  
stare existimarent , cum gloria mori , quàm  
seruitutem , atq; alia indigna ob hoste pati .  
Magnum igitur agmen cogunt , atq; in eo lo-  
co instructum stare iubent , unde prostratis  
moenibus ad nostrorum irruentium impetum  
excipiendum concurrere quamprimùm possēt .  
Prouident etiam , ut medio foro aliud peditum  
agmen armatum , atq; instructum in subsidijs  
staret : ut si forte primi nostrorum impetu  
pellerentur , ibi recentes defessis succedendo  
redintegrare prælium , ac restituere rem

prouirili tentarent. his nonnullos equites addunt, qui ordines pugnantium nostrorum perturbarent, & obuios plerosq; obtererent. quicumq; ferre arma possent, armari iubent; quibus tela, ensesq; deessent, ut lapidibus, fustibusq; pugnarent, hortabantur. monebant præterea mulieres, ut non luctui, meritisq; querelis, & lachrimis, quibus nihil profecturæ essent, se dederent: sed ipsæ quoq; è superiore ædium parte saxa, trabesq; in hostes deijcerent, & quoquomodo possent, aduersus illos præliarentur; à quibus, si uictores essent, urbeq; potirentur, in miseram seruitutem trahendæ cum paruulis natis erāt. Dum oppidani se mutuò cohortantes ita ad urbis defensionem obstinatis animis præparant; Turcæ, qui in turribus, & propugnaculis erant, postq; animaduertunt, se à parte maris tormentis peti, quàm maxima possunt uinuntur, ac laborant uehementer, ut tor-

menta & ipsi ænea aduersus nostros in muro  
constituant, & uim ui propulsent: nec irris-  
tus eorum sit labor: nam & tormenta in mu-  
ro collocant, & illorum explosionibus machi-  
nam nostram percutere uicissim incipiunt,  
& partem incendunt. Quod quidem ubi no-  
stri perspiciunt, magno, & inopinato per-  
culsi metu miserunt, qui suo nomine roga-  
rent Auriam, ut si machinam, & qui in ea  
erant, saluos uellet, inde illam amoueri iube-  
ret. Itaq; Auria nullum eorum precibus relin-  
quens locum misit quamprimum, qui illud  
peragerent, atq; illorum uoluntati cumulâtè  
satisfacerent. Sed Deus opt. max. qui ea sa-  
pientia cuncta gubernat, regitq; ut huma-  
næ mentis coniectura capere nequeat, ut illud  
perficeretur; nequaquâ permisit: altera enim  
triremium tormentorum ictibus, atq; explo-  
sionibus ita limoso uado hæserat, ut nulla in-  
de ui remoueri, aut auelli posset. Vbi eius

reifama ad Proregem Vegam, ac Garfiam;  
qui mandatam sibi eam curam non inuitus  
susceperat, peruenit; communicato inter se  
consilio Oriolæ strenuo militi diu, multumq;  
in rebus bellicis uersato, tunc ordines haud im-  
merito ducenti, negotium dederunt, ut cum  
centum delectis militibus machinæ præesset;  
& qui in ea erant, metu territos confirmas-  
ret; & qui tormentorum curam gerebant,  
illis omni prorsus amoto metu in hostes uti ius-  
beret. Hic non recusauit imperium, sed ea  
lege suscepturum se negotium professus est,  
idq; à Prorege multis precibus contendit, ut  
cum oppidum inuadendum esset, relicta ipse  
machina cum reliquis ad illius oppugnationē,  
& impetum in illud faciendum ueniret; non  
paruo dedecori sibi fore existimans, si dum  
alij cum hostibus manus consererent, tunc  
ipse in machina tanq; imbellis commoraretur.  
Quod mandatum huic fuit, maximo studio,  
summaq;

summaq; diligentia executus est: territis enim eo malo hominibus æque, qui tormentis præerant, & qui ad machinæ defensionem uersabantur, ex eius latebris, in quas se abdidderant, manu extractis, atq; in summa machina positis, ut, quod in rem esse animaduertet, illos officio suo fungi cogeret; & igne, qui corrumpere opus cœperat, diligenter extincto, fortè euenit, ut hostilium tormentorum ictu machinæ influcto, quo materiæ frustula quamplurima disiecta, ac dissipata multis corporis ipsius partibus infixæ sunt, grauiter uulneraretur: nec diutius ibi persistere posset. Quamobrem necessitate coactus datum negotium, quod diligentissime curabat, Vegæ non solum permissu, sed etiam mandato omisit, & ut acceptis uulneribus mederetur, operam dedit. Quare placuit, ut Centurio, cui Solitius nomen erat, fortis item miles, & rei militaris admodum peritus, qui



in bello aduersus desciscentes Germanos ab-  
hinc triēnium per Cæsarem gesto, Henricum  
Saxonum Ducem cepit, captiuumq; duxit,  
Oriolæ succederet: qui negotium eadem, qua  
ille conditione libenter suscepit; seq; ea opi-  
nione; quam de eo duces ceperant, dignum  
præbuit; urbemq; illam disturbatis mœnibus  
patefecit: quâ nostris postea irruptio in illam  
fuit. Vega, qui ex progressu tormentorum in  
quassandis, euertendisq; mœnibus eo die fa-  
cto coniecturam fecerat, postridie eius diei  
oppugnari urbem posse, Centuriones, præ-  
fectos, Tribunos militum, aliosq; principes  
in exercitu uiros paulo post meridiem aduoca-  
uit, atq; ex ijs quæsiuit, quo tempore inua-  
dendum oppidum censerent. Et si omnes ferè  
ad unum ob bonam muri partem euersam  
putabant eo ipso die exercitum admouendū,  
ut uel quâ dirutus, uel quâ lababat murus in  
urbem irrumperet; Vega tamen in sua per-

sistens sententia , in posterum diem differendam oppugnationem existimauit : quod rem faciliorem , ac tutiorem fore arbitrabatur , si maior pars deiecta urbem nudaret , patentior remq; aditum aggredientibus nostris daret : quippe parua ea dilatione iacturam prorsus nullam , festinatione autem magnam ipse fieri posse cernebat , primum enim , quod reliquum diei erat , uix ad deducendum è castris militem , atq; instruendum satis esse putabat : deinde interueniente nocte ueritus Barbarorum insidias , quibus compertum habebat maximè Afros ualere , tantam rem geri , fortunæq; arbitrio committi nolebat : cum illi locorum periti , nostri autem ignari prorsus essent. Quamobrem ne quid committeret , cuius frustra postea magna existimationis iactura pœniteret , ijs præceptis egregios illos uiros missos fecit , ut postridie ante lucem milites , qui inuasuri urbem erant , ad tormenta

*ænea*, quibus adhuc à terræ parte murus, turrisq; feriebatur, in æquum locum deducerentur, ibi ad præscriptum, quod pridie ipse dederat, instruerentur. se in tempus illuc affuturum, ac quid factò opus esset, maturè prouisurum esse. Eodem die uesperì consiliū de inuadendæ urbis ordine, ac tempore initum *Andræ Auricæ* impertijt: quod ille uehementer probauit, & ut ea res faustè, feliciter, prospereq; *Cæsari*, ac reipub. *Christianæ* eueniret, precatus est. Eadem nocte non prius somnum cepit, quàm dispositas custodias uiseret, castra circumiret, aggeres, & tormenta perspiceret, omnia diligentissimè exploraret; ac specularetur. Postero die cum benè mane surrexisset, suo usus instituto rei diuinæ, quam rite fieri iusserat, supplex interfuit, in qua suam, & exercitus, & *Christiani* nominis salutem, etiam *Cæsaris* existimationem *Deo Opt. Max.* com-

mendauit; & proſperum rerum euentum ad ſempiternam illius gloriam efficaciter precatus eſt: mox continuo admotum conſcendit equum, & caſtrorum munitiones; aggeres, ſtationes, diſpoſitasq; in iſis militum cuſtodias, ac tormenta perſpexit: & quod in iſis proſpiciendum; prouidendumq; fuit, maturè, & quamdiligentiſſimè prouidit: deinde ad tormenta ſuperiora, quibus iam inde à principio urbis mœnia pulſabantur, ſe contulit. iuxta ea tabernaculum eo die poni iuſſerat, & primum omnium, ut ſe haberent, & quid operis in deiiciendo effeciſſent, perſpexit: deinde ad inferiora tormenta euēſtigio aduolauit; & quid ibi agi uellet, præfectos edocuit: inde ad exercitum urbem aggreſſurum, qui proximè erat, proceſſit: quem ad præſcriptum, quod ipſe dederat, inſtructum inuenit; atque omnes aduentu ſuo lætitia extulit: cum

illum alacrem conspicerent, atq; ex uultu eius interrito certam uictoriæ spem augerarentur. inde ad mare Bucaro, Alfonso Coena, & Hierosolymitanæ classis præfecto, alysq; ducibus, & claris uiris comitantibus, peruenit: ac quid à parte maris à tormentis in machina collocatis perfectum esset, non sine maxima uoluptate contemplatus est; animaduertit enim tantum muri deiectum, ac solo æquatum esse, præterq; quòd tantundem diu quassatum ruinam minabatur, ut cum uideret ad magnas copias excipiendas patere aditum, opportunum iam inuadendæ urbis tempus existimaret. Quamobrem ad tabernaculum cum ijs reuersus uoluit milites, ut firmiores essent, cibum capere: idq; ut facerent, pronuntiare duces iubet. Ipse quoq; stans nullo ferè apparatu cibum cum Principibus illis uiris cepit. paulo post castra, aggeres, munitionesq; omnes, & tormenta equo

uectus reuisit; instructosq; milites recognoscit. mox superiora repetens tormenta, quibus eorum curam antea mandarat, diligenter monuit, ut cum primum miles dato signo ad aggreduendū oppidū concurreret, & oppidani, turcæq; tormenta iā quietura existimantes se defendēdæ urbis causa in ruinis murorū ostenderent, tunc illos tormentorum displosionibus incautos ferirent: & ut ex sententia res eueniret, peritos eius rei uiros ijs præposuit, ijsq; duodecim milites ex ijs, qui extra ordinem militabant in singula tormenta assignauit, ut mutari illa, & instrui prout ratio, ususq; postularet, illorum auxilio, atq; ope commodius possent: militibus ad illorum custodiam, præsidiumq; antea præpositis, quibus Ferdinandus Sylua, Petrus Acunea, & Paganus præerant, ad inferiora transire iussis. Ipse interim tabernaculum ingressus munimentum corporis sumpsit, & ad instructas acies pro-

cessit . Sed ante quàm aggrediendi signum daret , suas partes esse duxit aliquid ad cohortandos milites dicere : potius ut magnorum Ducum morem seruaret , quàm quòd ueteranos illos , strenuosq; milites summo pugnandi desiderio inuadendi signum expectantes oratione egere existimaret , & apud eos in hanc ferè sententiam locutus est . Comper tum habeo milites uirtutem uestram tot bellis à Cæsare gestis perspectam , tantam esse , ut nihil arduum uobis , aut difficile , aut inuium iure optimo arbitrer : & propterea ausus sum tantam prouinciam uobiscum capere , haud dubiam spem habens uobis paucis , at strenuis , at fortibus , at belli gloria præclaris uiris me munitissimam hanc urbem expugnaturum ; tantæq; uictoriæ compotem futurum esse . Quamobrem non hic uirtutis uestræ laudes , non præmia ab ipso Cæsare uobis accepta , non quæ fortiter pugnando me-

ruiſtis ornamenta commemorabo : cum exploratum nobis ſit , uos non illis magis , quàm ingenij bonitate , & ſtrenuè agendi conſuetudine ad uirtutem excitari . Sed dicam , & quidem paucis , quæ commoda Chriſtianæ Reip. hac parta per nos uictoria ſint futura : quantum decus ad Cæſaris imperium , quod propagari maxime uolumus , & ſtudemus , acceſſurum ſit ; quàm gratum denique , quàmq; acceptum Deo Opt. Max. habendum , quòd firmiſſima ueræ pietatis , diuiniq; cultus fundamenta per nos hac in prouincia iacta ſint . Meminiſtis enim milites his proximis annis ita hoc mare inferum prædonibus reſfertum , ut præter negotiatores quampluriſmos , qui nauibus , mercibusq; , & uita ſpoliati ſunt , multæ Italiæ Vrbes , multaq; prouinciæ Siciliae , Sardiniae , Balearium , cæſterarumq; inſularum maritima loca capta , ac miſerè direpta ſint , & Cæſaris classiſſis paz



rum proficeret, cum hoc potissimum, atq;  
alia Africæ oppida illi haberent, quo se tu-  
tò recipiebant. Expugnata igitur hac urbe,  
& è Dragutis illorum principis, sed crude-  
lis tyranni manibus extorta, iam uestra uir-  
tute liberari Italiam, explicari Siciliam un-  
diq; periculis cinctam, & quicquid in infero  
mari omnibus piratarum iniurijs maximè ob-  
noxium in optimum restitui statum uidetis:  
receptu enim illis per nos sublato, uel liberum  
hoc mare relinquant, oportet, uel non magno  
admodum negotio captiui nostris classibus om-  
nes ducantur; atq; in miseram seruitutem re-  
digantur. Hac uictoria parta milites, tan-  
toq; propugnaculo uestra industria expugna-  
to, facile Cæsar totius Africæ imperium obti-  
nebit; tantamq; ditionis suæ, uel potius nos-  
træ propagationem uirtuti tantum uestræ  
acceptam referet. Hac capta Vrbe milites,  
coloniaq; Christianorum illò deducta, & pro

fanis Mahometis ædibus Christiano ritu consecratis , atq; unius , & trini Dei cultui dedicatis , quantum Cæsariani imperij fines proferentur , tantum Christiana religio , ue raq; pietas augebitur . Ex quo non humana uos modò , sed cœlestia illa , quæ non humanæ capit coniectura mentis , manent præmia . Non est milites , quòd incommoda hic commemorem , quæ cunctis futura essent , si hinc re infecta ( quod Deus auertat ) discederemus : propterea quòd uirtute uestra confisi non nisi certam uictoriam animo complectimur . ex qua , præterquàm quod nomen uestrum commendabitur immortalitati , maximis etiam diuitijs , & fortunis , quibus Aphrodisium refer tum est , locupletissimi omnes fietis . Hæc locutus incitatis antea sua sponte militibus , de inde uehementer oratione inflammatis , signũ continuò dedit : qui maximè alacres Christi seruatoris nostri , diuinq; Iacobi inuocato nos .

mine ( ut Hispani milites prælium ineuntes  
semper facere consueuerunt ) urbem uersus  
quadrato agmine contendunt . Iam prima  
& altera acies à terræ parte inuasuræ urbē  
ad pomærium, murumq; anteriorem tormens  
tis stratum peruenerant , subireq; parabant ;  
ut utraque præscriptum alterius muri locum  
peteret , eaq; in urbem irrueret ; cum turcæ,  
qui in portæ statione uersabantur ( quorum  
fortissimus Halis princeps erat ) à quo, cum  
inuadendi tempus instare uideret , ad Maho  
metis sectam tuendam , ad Draguti magno  
duci , liberaliq; fidem seruandam , ad opinio  
nem , existimationemq; uirtute antehac par  
tam retinendam oratione cohortati, inflam  
mati q; fuerant , in duas partes diuisi , à dex  
tra, leuaq; nostros aditu prohibere conantur ;  
cumq; nostri contra obniterentur , ibi acriter  
utrinque pugnatum ; multiq; utrinque , sed  
ex illis plures ceciderunt . In ea pugna

Halis illorum præfectus fortiter pugnans mortem occubuit; & , quod ipse euentuum prædixerat , urbem scilicet , dum ipse uiueret , non capiendam , euenit : Tandem hinc , & illinc turcæ ad portam usque ualidis munitionibus ab ipsis firmatam reiecti sunt , nostriq; ad loca , quæ petebant , perueniunt , summaq; ui aggrediuntur . Sed prima acies quanquam in eam muri , turrisq; partem , quæ principio non uerberata solùm , sed etiam foris deiecta ( quam ueterem milites uerberationem appellabant ) audacter euasit : tamen propter muri altitudinem , fossas , & stipites in terram defixos , & taleas ferreis hamis infixas , aliasq; munitiones , quibus eam partem firmatam ostendimus , ingredi haudquaquã potuit . Ibi Gaspar Gussmanus , qui unà cum Amatore , eiusq; signifero , cui Richelmus nomen erat , alysq; paucis irruere tentauit , glandis ictu alterum

penè brachium amisit , Richelmus autem uir strenuus , fortisq; cecidit , cæteri omnes reiecti sunt . Altera acies , quæ in alteram partem secundo loco pulsari cœptam , quam diuersam à superiore nouam nuncupabant , impetum fecerat , turrim , quam partim euersam tormentis diximus , nonnullis turcis , & oppidanis , qui eam defendebant , trucidatis , quamprimum cepit . sed à posteriore eius turris parte hostes , quæ erat transitus in murum , quem mare abluit , disturbarunt ; ut si forte nostri ea turri potirentur ; eà in commissum illi murum transeundi , atq; inde in urbem ingrediendi potestas auferretur : posuerant tamen longissimum , sed angustum in ea parte tignum , quæ ipsi ad illius loci defensionem transibant : atq; id magno fune eo nomine colligarant , ut cum nostri illac irrumperent , facilè illud in urbem eo adminiculo subtraherent . sed impetu nostrorum militũ

ita oppressi sunt , ut illius auferendi facultas  
ipsis prorsus eriperetur ; & eà circiter quin=  
quaginta ex nostris ingredcrentur : quorum  
pleriq; diui Ioannis Hierosolymitani milites  
erant : sed primus omnium Ferdinandus Toz  
letus Trib<sup>x</sup> militum animi præstantia, cor=  
porisq; robore uir insignis, reliqui omnes con=  
uersis signis tertiam secuti sunt aciem : quæ  
quanq; Ferdinandum Lupum tribunum suum  
uix ex aggeribus egressa , quòd Sclopetti ictu  
sauciatus fuerat , amisit : tamen nihil eo re=  
morata , nec quòd per medios fluctus sibi ad  
oppidum perueniendum erat , aquam auda=  
cter ingressa , à qua propter uada , & in=  
æquabilem locorum uarietatem hic ab hume=  
ris , illic à pectore , alibi à summis tantum fœ=  
noribus extabat , omneis difficultates supera=  
uit : ac per muri ruinas machinæ tormentis de=  
iecti , hostibus prius , qui illuc ut nostros  
aditu prohiberent , concurrerant , magno

facto impetu reiectis irruit. Sed inter eas mura  
ri ruinas, & urbis tecta paruo distantia in  
teruallo instructi oppidani constiterant, qui  
& repulsos suos redire in praelium iussere,  
& impetum nostrorum eo excepere animo,  
ut cum in una uirtute omnem salutis spem con  
sistere arbitrarentur, pro nudata moenibus  
patria corpora opponerent, ac fortissime prae  
liarentur: ut nostri intelligerent, reque ipsa  
experirentur sibi cum fortibus uiris negotium  
habendum: quorum nemo nec pedem refere  
bat, nec nisi cum uita telum relinquebat: et  
nim cum hinc spes, illinc desperatio animos  
irritaret, nostri omni ui capere, illi defende  
re urbem nitebantur: & quo acrius, &  
magis confertim pugnabatur, eo plures saus  
ciabantur. sed iusta belli suscepti causa, &  
Caesaris, Vegaeque felicitas, & summa milis  
tum nostrorum uirtus tandem effecit, ut nos  
tri superiores essent. praesertim quod milites,  
quos

quos ad inferiora tormenta in subsidijs positos  
supra memorauimus , iussi à Prorege duce  
Garsia certantibus nostris auxilio proficisci  
opportunè illuc peruenere , suoq; aduentu nos-  
tris animum auxere . attamen non prius ibi  
finis pugnadi fuit , quàm omnes ferè barbari ,  
qui se irrūpentibus nostris opposuerant , inter-  
nitioni darentur ; ità obstinatis animis pugna-  
uere . sed non pauci ex nostris quoq; desidera-  
ti ; quamplurimi uulnerati sunt . Tunc nos-  
tri , ut uictoria uterentur , diuisi sunt : ple-  
rique enim à læua parte uicum , qui ad forum  
ducit ingressi hi è turribus sclopettorum ,  
& corneorum arcuum ictibus uexabantur ,  
uulneraq; multi accipiebant : præterq; quòd  
oppidani ijs passim resistebant , atq; ita obsti-  
natè , ut liquidò appareret , captæ ab hosti-  
bus patriæ eos superstites esse nolle : nam aus-  
daçter hi falcatis ensibus , illi hastis ; non-  
nulli , cum tela non haberent , lapidibus præ-



liabantur ; cæciq; furore in enses , telaq; nostrorum militum irruebant , & uictoriam remorari pro uirili quisque parte nitebantur. in eo uico Ferdinandus Toletus Trib. militum grauius uulneratus paucis post diebus interiit. Melchior Sumarraga Centurio interfectus fuit. utebantur tamen nostri uictoria obuios oppidanos passim cædentes . Interea ex ijs , qui à dextra parte præter murum , quàm nostris aditus patuit , progredi cœperunt , nonnulli per scalam , quam muro admotam inuenere , ad hostes in eo ad nostros prætergradientes paruis tormentis , lapidibusq; infestandos positos subire conabantur : ut uel captiuos illos ducerent , uel inde ui summouerent : qui quidem tametsi in murum euasere , atq; inde hostium fugam fecere : deinde illos captiuos duxere : tamen non prius id assecuti sunt , quàm acriter cum ijs præliati essent. sed qui prius omnium per eam scalam

in murum euasit , pulchriq; illius facinoris auctor fuit , Petri Acunæ Centurionis Signifer erat iuuenis strenuus , manuq; promptus , cui Bartholomæus Peresius sumelsus nomen est , qui tametsi in subsidijs ad inferiora tormenta cum cæteris relictus fuerat , ut illis in hostes in muro eminentes explosis continuo prægressos milites nostros , urbemq; à parte maris aggressos consequerentur , uictoriamq; pro parte sua adiuuarent : tamen ubi is cum reliquis duce Garsia ad nostros fortiter cum hostibus dimicantibus peruenit , & in illis pro fligandis , cædendisq; strenuam operam nauauit , ad dextram conuersus , cum ab oppidanis in summis mœnibus uersantibus , lapidesq; , & tela missilia in nostros confertos haud frustra iacentibus maximum ipsis detrimentum afferri uideret , cohortatus ad ascensum nostros , qui se iam ab imminente periculo subducere cœperant , cum diceret uictoriam

*in manu esse, infesto signo quòd nigri coloris erat, paucis sequentibus subire tentauit, & ad resistentes hostes, atq; deicere ipsum conantes audacter, ac fortiter pugnando peruenit, & quod maximè cupiebat, ut inde hostes reiceret, affecutus est; primusq; ab ea parte uexillo in moenibus constituto circumfusis triremibus capti à nostris oppidi signum dedit, atq; Andream Auriam, reliquosq; earum præfectos ad parandam ex hostibus uictoriam incitauit: qui non missis modò actuarijs nauibus, scaphisq; cum ijs militibus, quos ex Italia aduexerant, sed etiam ipsi cum ijs profecti, quanquam illorum pleriq; in oppugnatione urbis erant, bonam strenuamq; operam uincētibus nostris præstiterūt. Sed ut ad signiferum redeamus, cum oppidani tantam illius, & paucorum audaciam, uirtutemq; admiraticrederent reliquos in murum euasuros, præsertim quòd signifer tanq; explorata,*

certaq; uictoria illos ad sequendum uocabat ,  
terga statim uertunt , & fuga salutis suæ consu-  
lere student : sed postea à nostris insequentibus  
nō longè à portu , naualibusq; capiuntur :  
Quæ quidem à nonnullis militibus nostris op-  
pugnabantur , & ab aliquot oppidanis cum  
fœminis amplius quinquaginta lapidibus de-  
fendebantur , & eiusdem signiferi interuen-  
tu deditione statim facta in nostrorum potesta-  
tem uenere , & omnes ferè , qui ibi inuenti  
sunt , captiui ducti . Nec in ea parte so-  
lum , sed in omnibus urbis uicis , locisq; uehe-  
mentissimè ab omnibus certatum : etiam à mu-  
lieribus , quæ è fenestris , locisq; superioribus  
ædium saxa in nostros coniiciebant ; & ,  
quoquo modo poterant , aduersabantur . Cū  
iam ad Mahometis ædem uictores milites nos-  
tri peruenissent , negotiumq; iam confectum  
esse putarent ; ecce subito è foro illi proximo  
non parua oppidanorum , & nonnullorum

turcarum bene instructa acies, atq; equitum  
quanq; paucorum alis firmata uelut in pas-  
tenti campo pugnatura in nostros impetum  
fecit, & ita praelium redintegrauit; ut cum  
illi recentes, nostri autem defessi essent, ma-  
ximum ijs terrorem inijcerent. Sed nostris  
ubiq; uincere assuetis cum obuersaretur ante  
oculos ingens dedecus, quod admissuri essent,  
si pedem referre uiderentur, praesertim tota  
penè iam capta urbe, euestigiò omnes se colli-  
gunt, & alius alium cohortando irruentium  
hostium in se impetum excipiunt; atq; acerrime  
cum ijs praeliantur. cum utriq; alteros  
pellere niterentur, diu anceps certamen  
fuit. tandem nostris, quòd fortius, quàm  
putarant, resistere, creuerunt animi: &  
barbari, quòd defessos integri non expu-  
lere, se iam uictos censuerunt: praeabant  
tamen; sed nostri ui, atq; impressione in  
illos facta trepidanteis iam exturbant, fune

dunt, fugantq; & fusos, ac fugatos persequuntur; cum pauci ex nostris, multi ex illis cæsi, sauciatq; fuissent. Ex fugientibus magnus numerus captus; reliqui ad munitas turres confugerunt: sed paulo post nostris oppugnantibus se dediderunt. Tunc omnes ad prædam uersi captam Vrbe diripiunt. Illud summa admiratione dignum fuit, quod & si nostri Vrbe iam potiebantur; Turcæ tamen, & Afri mercede conducti, qui cum ijs in turribus ad castra spectantibus uersabantur, sagittas arcubus, & glandes sclopettis adhuc in nostros mittebant, displodebantq;: nec pugnae finem fecere; quousq; uniuersam Vrbe in Christianorum potestatem redactam uidere. Tunc, cum se nihil proficere animaduertent, per Scyrißum, quem aduocarant, Vegæ nuntiant ipsi dedere se uelle. Ad eos Vega primo Bucarum Tunetis regis filium

misit; qui illos suo nomine in deditio-  
nem acciperet: sed ad eum pauci egressi sunt; credo,  
quod cum Afer esset, parvam illi fidem habebant:  
Deinde Alfonsus Coua illò profectus,  
cum insigne, quod illius ordinis milites ferre  
solent, illis signum, quod à Vega in deditio-  
nem acciperentur, dedisset, omnes ad eum  
descenderunt; qui circiter ducenti, & uigin-  
ti erant; atq; ad Vegam perducti sunt: qui  
tunc equo uectus in tanta rerum felicitate non  
sui, pietatisq; Christianæ oblitus nauabat  
operam, ut saucijs quamdiligentissime curaren-  
tur. Illud summæ humanitatis, pietatisq; signũ  
fuit, & factum certè Christiano Principe  
dignum: nam cum inter cæteros, qui graui-  
ter uulnerati fuerant, religionis Hierosoly-  
mitanæ militem sub muro iacentem animadu-  
uertisset, honestum quidem iuuenem, genere,  
factisq; præclarum Villioam nomine, qui eo  
die fortissimè dimicarat; nec ibi tunc adestet,

qui illum ad hospitales ædes perferre possent, cum omnes ferè urbis direptioni intēti essent: & si necesse illi erat multa in tempore providere; & propterea ultro, citroq; sursum, ac deorsum currere; nec ob maximos illius regionis æstus, solisq; ardores pedibus ire poterat: tamen ex equo statim desiliit, imponiq; illi uulneratum militem, & ad domum, ubi commodè curari posset, deduci quamprimum iussit. Isa consanguinitate Draguti coniunctus, qui summæ rerum præfuerat, ad turrimq; munitissimam frustra confugerat, in ipsius potestatem, ut ratio postulabat, uenit; & militibus, quibus ille se dediderat, ipse abunde satisfecit: Hunc Antonio Cicalæ dedit eo consilio custodiendum, ut, quoniam eius filius in Dragutis potestate erat, illum ea permutatione recuperaret. cæteros captiuos ferè omneis inter duces, etiam milites, & domesticos, qui urbem non intrarant,



partitus est : ut qui & castrorum , & tormentorum præsidio relictæ fuerant , prædæ non essent expertes : quæ non magna admodum fuit , quod plerique in prælio ceciderant ; multi natando nostrorum manus effugerant ; & ab Azeno primum rege , deinde Asa Gerbino pirata ; postremò ab ipso Dragute urbs direpta penè fuerat . Quarto & septuagesimo die , quàm obsidere coeptum , Aphrodisium captum est quarto idus Septembris anno à Virginis partu . M. D. L. Ex nostris in obsidione quàmplurimi ; in oppugnatione non admodum multi , sed clari uiri perierunt : qui ordines ducebant , præter eos , quos commemorauimus , Saiauedra , & Belcazar , tres Morerolæ fratres , quorum primus trecentis militibus imperabat ; alter uexillifer erat ; tertius inter milites relatus fuerat . Hic res permira profectò accidit , cum fortè ex ijs , qui uexillum in hostem ferebat , tormenti hos

Stilis ictu cecidisset , frater miles nihil fratris  
 casu deterritus , illo ex demortui manu con-  
 festim sumpto audacter progreditur , qui ite-  
 dem paulo post occiditur . maximus igitur na-  
 tu frater , cum fratres , atq; unà signum col-  
 lapsum uidet , illud euestigiò alta manu tollit ,  
 atq; itidem in hostes infert : sed sors iniqua ,  
 ac crudelis hunc quoq; grauitèr uulneratum  
 paucis post diebus tollit è medio : tresq; fra-  
 tres fortissimos uiros pro salute Reip. conser-  
 uanda , pro Cæsaris regis sui imperio pro-  
 pagando , & Christiana religione augen-  
 da fortiter præliantes læto dedit . Signiferi  
 præterea septem ictibus hostium interiere :  
 quos inter Sedegnus diui Ioannis miles , &  
 Aluari Vegæ uexillifer strenuus : cum præ-  
 senti animo uexillum in muro statuisset , gra-  
 uissimè uulneratus fuit , & non multo inter-  
 iccto tempore migravit è uita . ex cæteris  
 Hierosolymitanis militibus amplius uiginti in

ea oppugnatione desiderati; multi ex prælio sauciati abierunt: quorum plerique diem postea suum obiere. Posteaquàm Prorex ut mortui sepulturæ darentur, & qui sauciati fuerant, omni adhibita diligentia curarentur, prouidit, urbem iam captam, ac direptam ingressus est; & illius munitiones non sine maxima admiratione perspicuens, tunc denuo gratias Clementissimo Deo ingentes tum egit, tum habuit, atque uehementius soli illi tantam uictoriam acceptam retulit: nam ita eam urbem munitam inuenit, ut nisi ea temporis opportunitate fuisset capta; quemadmodum nūquam antea, sic nec unquam postea fuisset capienda: etenim si hostes muniendi, fossæque tantum ab interiore urbis parte, quæ à mari nouissimè quassari, atque inuadi cœpta, ducendæ spatium habuissent, non erat, quamobrem nostri uictoriam assequendi spem acciperent: propterea quòd Vegæ munitior uisa est,

quàm ut ulla hominum industria , aut ullo  
quanuis magno exercitu illam fuisse expus-  
gnandam putaret . Quamobrem dum nihil  
laudis , nec uigilantiæ , industriæq; suæ , nec  
militum labori , uirtutiq; tribuendum censet ;  
sed ad Deum tantummodo auctorem immen-  
sam tanti negotij confecti gloriam refert , se  
talem esse ostendit , ut omnes ipsius curas ,  
cogitationes , singulasq; actiones , & ope-  
ra ille assiduè dirigat , ac summa cum laude  
perficiat . Quare iure optimo in primis cu-  
rauit , ut Christiani quamplurimi , qui an-  
tea in seruitutem per Barbaros abstracti te-  
tro adhuc carcere coercebantur , in libertatem  
assererentur : etenim misit continuò , qui car-  
ceris ualuas effringerent , miseraq; seruitute  
illos liberarent . Erant ibi inter cæteros pueri  
complures : erant mulieres , & nonnulli sacer-  
dotes , quos omneis non solum emitti , sed etiam  
ad suos intactos , & incolumes remitti uoluit :

magnum autem carceris uectem, claustrumq;  
ad se afferri mandauit : iam cogitans urbis à  
se captæ spolia ad Pontificem Dei in terris  
Vicarium Romam mittere ; atq; ea per illum  
diuino nomini consecrare : ut qui uictoriā  
concesserat , uictoriæ spolys in templo suspen  
sis frueretur. Itaq; & signa hostibus per uim  
adempta, corneos turcarum arcus, sagittasq;  
& falcatos enses ; Leones præterea, ac per  
pulchros Equos in eam rem secerni iussit ; ut  
suo postea tempore perficeret , quod omnibus  
Christianis Principibus , qui uictoriā ex  
Christi hostibus consequerentur , maximo fo  
ret documento . Curauit præterea, ut propa  
na Mahometis ædes, quæ ibi perpulchra erat,  
in Christianæ religionis usum conuerteretur;  
ibiq; Christiano ritu res diuina quotidie fier  
ret . Itaq; ab idoneis sacerdotibus , quos apud  
se habebat , consecrata : diuinq; Ioannis no  
men illi ipsius permisso , atq; iussu inditum

fuit . non ea tantum causa , quòd Ioannes illi prænomen esset ; sed etiam , quòd Afri diuum Ioannem uehementer colere , atq; uenerari uidentur : ut ea re forte allecti Christianum dogma sectari inducerent animum ; & Christianorum in numerum adscriberentur . Prouidit insuper , quibus locis militum custodiae disponderentur , uigiliæq; fierent : ut loca mœnium ruinis exaggerata purgarentur , ac partes , quæ disturbatae tormentis fuerant , quoquomodo possent , repararentur : ut , si qua externa uis , quod fieri poterat , orta esset , ea facile reprimi posset . quanquam is munitionibus , ut tunc erant , ita confidebat , præsertim tali præsidio firmatis , ut totius Orientis opes , uiresq; non formidaret . Cæpit etiam , quoniam magna laxitas urbis erat , de ea minuenda cogitare : ut & munitior illa fieret , & militum manu non admodum magna custodiri posset : ex illius enim collis , in

quo castra communierant, propinquitate, ab hostibus, qui eum locum tenerent, multis affici incommodis poterat: quæ ut deuitanda essent, si usu ueniret, ueteres urbis munitiones, domosq; & priuata ædificia ad ædē usque, quæ media ferè urbe est, disturbanda, & inde nouis mœnibus, turribusq; & propugnaculis illam muniendam censuit. Et si re ad consilium relata, erant nonnulli, qui in alia omnia discedebant, quòd existimarent Carolum Cæsarem compendij loco maximum nouis illis munitionibus sumptum facturum: tamen edocti illi sunt, multo plus in stipendia militum, quibus tantus Urbis ambitus defendendus esset; quàm in noua illa mœnia, propugnaculaq; impensum iri. Quamobrem Prato nobili architecto, quem suæ assentiri sententiæ perspiciebat; cuius etiam opera in ædificijs construendis, ac locis, urbibusq; muniendis assiduè utitur, negotium dedit, ut  
eius

eius formam exprimeret , eamq; rectè ad architecturæ leges expressam ad Cæsarem ipse mittendam curaret : ut ex ea ille quale ædificium futurum esset , cognosceret , & quod fieri uellet , posthac mandaret . Formam igitur futuræ munitionis urbis ex sententiâ expressam , & illius captæ nuntium ad Cæsare in Germaniam per Ioannem Osorium Quinzonium affinem suum perferendum curauit . Huic quoq; ad sūmum Pont. Iulium eius nominis Tertium dedit literas : quibus illum de expugnato itidem Aphrodisio certiorē faciebat : putabat enim ( nec decipiebatur ) illum æquè atq; ipsū Cæsarem eo nuntio lætaturum : cum exploratū haberet , tantæ integritatis , & sanctimonie uirum esse , ut Cæsaris dignitatem , opesq; , quas ad publicā omniū utilitatē paratas , atq; expositas animaduertit , augeri ; christianam autē remp. quam ipse omni cura , atq; uigilantia cum illo gerit , & saluam studet ,



omni metu, & solitudine liberari uelit : quod expugnato hoc oppido, atq; ex immannium barbarorum manibus extorto, contingere uideat. Misit etiam, qui Prouinciæ Siciliae eam uictoriam significaret : quoniam ea re bene gesta cum nulla alia præclarius actum est : Et nuntio tam iucundo, tamq; omnibus expectato tantam ipsa lætitiā præsetulit, ut in singulis eius urbibus, oppidis, pagis, locisq; per supplicationes confestim decretas, solenniaq; sacrificia rite facta immortalī Deo gratiæ innumerabiles actæ; ac per ignes triuijs, quatriuijsq; & areis, & compitis editos, & funalia innumera in summis turribus, domibusq; undiq; collocata, & accensa nihil iucundius uniuersæ prouinciæ accidere potuisse declaratum sit. Non est hic silentio prætereundum, quod post eius urbis expugnationem Vega permisit Auriam, ut antea solitus fuerat magna secum potestate uti,

ut ostenderet se tantisper summæ rerum solum præesse uoluisse, dum rei bene gerendæ facultas; quàm adesse cernebat, non impediretur: nam tametsi multum Auricæ semper tribuit, cumq; æquè, ac patrem habere studeuit: tamen cum ipse rei militaris peritus, uideret, dum negotij conficiendi tempus esset, illum à se pessimo publico dissentire, noluit committere, ut illius magis, quàm Cæsaris rationem haberet: & cum primum id quod cogitarat, summa cum laude executus est, suoq; in Cæsarem, & Christianam Rempub. officio satisfecit; summum imperium, quod sibi iustis de causis præsentis animo sumpserat, comiter, humaneq; deposuit; uel uerius communè sibi, ut antea, cum ipso Principe esse uoluit. Illud quoq; haud nobis omittendum putauimus, quod tum ad Vegæ in rebus bellicis felicitatem demonstrandam, tum ad eam uictoriam facilius obtinendam

pertinere arbitrati sumus : is enim perpuls-  
chram in castris habebat ceruam cicurem  
quidem , ac tractatu facilem : quæ aggressio-  
nis die ut primum heri uocem , & tubæ signū  
audiuit , ante instructos , armatosq; milites  
nostros oppidum uersus oppugnandi gratia cō-  
tendentes , magnis saltibus petere urbem cœs-  
pit : ac non armorum sonitu , non militum  
uocibus , non ascensu per muri ruinas difficili-  
remorata ; non tormentorum æneorum bom-  
bis , non parata in muris ad defendendum tur-  
carum , oppidanorumq; armatorum multitu-  
dine deterrita , urbem intrepida antequam  
nostri ad mœnia peruenirent , ingressa est ,  
certamq; omnibus uictoriæ spem dedit : ete-  
nim cum primum milites nostri ceruam ani-  
mal natura ignauum , nulla timoris signifi-  
catione facta , sed summa potius cum audacia  
in oppidum introiuisse perspexerunt ; & si  
ipsi fortes per se aut potiri oppido , aut fortis

ter pugnando pulchrè mori omnes decreuerant; tamen ceruæ exemplo alacriores, fortioresq; facti, uictoriam ex hostibus euerfa, expugnataq; urbe adepti sunt. Ita q; non modò milites, qui se dignos tanto duce usquequaq; eo in bello præstiterunt, sed etiam rationis expertia, timidaq; animalia naturæ suæ prorsus oblita magni, inuictiq; animi exemplū præbuere. Quod quidem Ducis Vegæ felicitati duntaxat adscribendū censemus: nā cū nihil eorum, quæ ad solertissimum, atq; optimūquenq; Imperatorem spectant, ullo loco prætermittat, omnia etiam, quæ fieri nō posse uidentur, quamfelicitissime illi eueniunt. Quāobrem pulchrè dicebat græcus ille Chabrias male se ceruorū exercitū duce leone, quàm leonū duce ceruo: cum ille milites ferè omnes in sui ducis naturam, moresq; formare se niti, atq; ipsorum fortunam cū duce uel stare, uel cadere nō ignoraret. Quod autē ad ceruam attinet,

etiam egregius ille dux Sertorius albam ceruam per asperos Lusitaniæ colles secum trahabat, à qua admoneri se, quæ aut agenda, aut uitanda essent, simulata religione prædicabat; militesq; non inuitos ad omnia militaria munia obeunda habebat. quanquam sunt, qui dicant illum re uera ceruam rerum gerendarum indicem habuisse: & sollicitum aliquando, ac tristem fuisse, quòd ceruam; cum nusquam appareret, amissam crediderat: qua postea demum conspecta, magnæ spei plenum suos in aciem eduxisse. Sed quam Vega nec ob superstitionem, nec aliã ob causã in castris habebat, nisi quòd dono illi ex Sicilia à suauissima Isabella filia missa fuerat, non illius unquam auctoritatem, quæ nulla re simulata amplissima per se semper extitit, apud milites auxit; & felicitis illius certaminis causa fuit: quo munitissimum illud oppidum captum est; quod Cæsari imperium

propagauit; otium , ac securitatem Reipub.  
Christianæ peperit ; ipsum autem Vegam  
tantæ uictoriæ compotem æternitate donauit.  
Quid autem denique ceruæ illi contigisset ,  
scire nunquam potuimus : & si fuerunt non-  
nulli , qui illam à barbaris uulneribus statim  
confossam dicerent ; tamen ex ipso Vega co-  
gnouimus diligentissimè ipsius mandato post  
expugnatum oppidum conquistam , ac nusq̃  
inuentam fuisse .

R iij

HORATII NVCVLAE  
INTERAMNATIS  
COMMENTARIIORVM  
DE BELLO APHRODISIENSI

LIBER QVINTVS

**C** APTO Aphrodisio tantus  
non finitimis modò barbaris,  
sed uniuerſæ etiam Libyæ po-  
pulis terror iniectus, ut ferè  
omnes exanimarentur; ac de se prorsus actū  
eſſe cogitarent: propterea quòd ex eductis ur-  
na sortibus, quibus maximam fidem barba-  
ri adhibent, uaticinationibus, & coniecto-  
rum, aruspicumq; responsis sibi persuaſerant,  
totam Africam in Christianorum potestatem  
uenturam, cum primum id oppidum ab ijs

expugnatum uiderent . quod nunq̃ ipsi futurum crediderant , presertim quòd se à maioribus suis accepisse dicerent, illud à summis, egregijsq̃ Ducibus magnis exercitibus instructis frustra semper tentatum ; & cæteris omissis memoria repetebant Alfonsum Aragonum Neapolitanorum Regem post uictoriam illam apud Meningem Tunetano Rege superato , atq̃ uectigali factò partam, inisse consilium obsidendi , capiendiq̃ Aphrodisiũ : sed diligenter eius urbis situ , mœnibus , propugnaculisq̃ perspectis de oppidi tam egregiè muniti expugnatione desperasse ; ac nonnullis tantum , quas ibi deprehenderat, incensis nauibus re infecta Neapolim reuersũ esse . Quamobrem maturè factum est , ut multi ex captiuis posthabito , abiuratoq̃ Mahomete , ac secta eius prorsus relicta in Christianorũ numerum per sacerdotes nostros rite adscriberentur . Est adhuc in Proregis familia seruus



Aphrodisy natus , qui sacris Mahometanae sectae initiatus illorum curam cum alijs sacerdotibus in Aphrodisiensi aede aliquandiu gesserat . Mox cum quorundam turcarum instigatione omissa sacrorum cura piraticam faceret , ac prope Siciliam nauigaret , orta subito tempestate in littus non longe à Lilybeo fracta naui cum socijs eiectus in potestatem Hispani Ducis barbati nomine , cui tutela eius tractus mandata fuerat , peruenit , missusq; ab illo Proregi dono fuit . Hunc ego dum Aphrodisium à nostris oppugnabatur , memini ioco se principio dicere , se cum id oppidum caperetur in Christianum dogma transire uelle : putabat enim nunq; futurum , ut ea nostri uictoria potirentur . cum autem postea animaduertit oppidum captum , ac direptum à nostris esse , illud iam in religionem uertens , quod per iocum antea pollicitus fuerat , re ipsa postea haud inuitus praestitit , atq; inter

Christianos referri quamprimum uoluit : Itaq; , qui Halis antehac omnibus appellabatur , Christiano statim ritu Ioannis nomen libenter subiit , & nunc Christianam pietatem cum plerisq; conseruis ipsius exemplum secutis , castè , & religiosè colit . sed ut ad propositum redeamus , eodem tēpore Ioannes Vega , cui iampridem in optatis erat , ut aduersus Dragutem ad insulam Meningem classe nauigaretur ; atq; una æstate duo magna facinora Deo , hominibusq; gratissima fierent : misit continuò , qui Principem Auriam alloqueretur suo nomine , ut relictis nonnullis trimibus , quibus iuuantibus reparari oppidū , & de rebus illi necessarijs prouideri posset ; etiam parte exercitus , cuius præsidio ab omni hostium uitutem esset ; reliqua classe ad eam insulam contenderet ; tum ut Dragutem penitus deleret : tum ut illam insulam Cæsaris imperio subiiceret ; tum etiam tributum ex

foedere olim cum Vgone Moncada Siciliae Pro  
 rege icto debitum pendere cogeret : quod quis  
 dem nec illius insulae praefecti ; nec illius op  
 pida , populiq; seruarant . Eodem officio fun  
 ctus est Alfonsus Coua missus à Cæsare  
 ad Vegam , Auriamq; ( ut supra demonstra  
 uimus ) ut de rebus ad id bellum maxime spe  
 ctantibus cum ijs ageret ; inde ad arcem Guz  
 lettam , ut ei praesset ; quod ab illo in demor  
 tui Ludouici Peresij locum suffectus fuerat ,  
 nauigaret . Sed Auria cum non idoneum na  
 uigandi tempus excusaret , nonnullasq; alias  
 rationes , quæ in utramq; partem intelligi po  
 terant , afferret , profectioe supersedit , quo  
 usq; serui quidam græci fractis catenis ex Lo  
 tophagite aufugerant , Aphrodisiumq; ad Ioã  
 nem Vegam , ipsumq; Auria peruenerant : à  
 quibus de Dragute , ac de omni illius insulae  
 statu cognitum fuit . Illi enim nuntiarūt : Otho  
 manum ex re cognomento Cæcum , quod Turz

earum rebus impensè faueret, ipsumq; Dragutem omnibus sibi officijs conciliaret, ab altero eius insulæ Præfecto interfectum fuisse; atq; eius habitatoribus interdictum, nequis turcas grauissimis constitutis pœnis exciperet, nèue ulla re alia subleuaret: ac Dragutem ea re uehementer cōmotum suas quamprimum sarcinas collegisse, seq; in naues cum uxoribus, filijs, totaq; familia recepisse, locumq; hybernis idoneum circumspectare, nec ullū ubi tutò esse posset, adhuc habere. quanq; fuerunt qui dicerēt illum ad Cercinam insulam classe appulisse, atq; in ea hybernare constituisse. Tunc Princeps cum uiginti triremibus illò proficisci iniuit consilium. quod cum ex illius nuntio ad id ipsum misso Prorex cognouisset, se ea re uehementer lætari significauit: sed quòd uehementius lætatus esset, si maiore apparatu, & uiribus illò contenderent. se tamen cum eo nauigaturum, periculiq; & laboris partem sus

biturum esse. Itaq; decimo quinto cal. Octob. abierunt, sed contrarijs uentorum Orientalium flatibus uix tertio post die ad Taphrā, quæ à Lotophagite circiter sexaginta millia passuum distat, peruentum. Et si ydem uēti mari tumefcente spirabant, triremiumq; nostrarum cursum remorabantur: tamen de siderio, quo tenebantur, contra nitentes nunquam intermisso remigandi labore ad uiginti inde passuum millia contenderunt: cum parū à Cercina, in quam se recepisse Dragutem cognouerant, iam abessent. Ibi cum eosdem uentos spirare; & aqua classem iam carere cœpisse animaduernerent, nec in toto eo littoze illius hauriendæ facultatem inesse, misit Princeps, qui Proregi diceret in rem esse, ut Aphrodisium ex templō repeteretur, si classem, & qui in ea erant, saluos uellent. Ad quod Vega se eius consilio, quem rerum naualium longo usu peritum sciebat, acquies-

turum respondit. Itaq; ob eas ipsas causas, quas memorauimus, classis ad Aphrodisium quinto post die, quàm inde discesserat, maximo omnium mœrore, atq; ægritudine reuersa est, Vegæ præcipuè, cum assequi nō potuisset, quod tantopere concupierat, ut scilicet, ad Meningem insulam perueniret, manusq; cum Dragute, quem perditum omnino uolebat, consereret; quanquam ibi ex afris etiam comperitum est illum ex ea insula à præfecto pulsatum cum tredecim minoribus nauigijs adhuc errare, nullamq; sedem ubi in hybernis esset, certam habere. Reuersus igitur Aphrodisium Vega mille, & quingentorum militum ueteranorum præsidio illud firmauit, filiumq; Aluarum ei præesse uoluit, dum Cæsar quid agendum esset, per literas significaret. Etsi uirtutem adolescentis filij, ac diligentiam expertus pro explorato habebat illum summa cum laude tantum onus sustenturum: tas

men paterno in filium amore coactus, atq;  
officio, uel potius pietate in Cæsarem, illum  
quid ad urbis munitionem faciendum; ut se  
cum militibus gerere; ut erga Numidas finis-  
timosq; populos habere deberet, ac qua uti  
uigilantia, diligentissimè præmonuit. quod  
autem ad rem frumentariam, cæterasq; res,  
quæ ad usus uitæ necessarios illic expeteban-  
tur, attineret, dixit sibi illud curæ fore, qui  
ex Sicilia, ad quam redire iam parabat, eas  
illò transuehendas curaret: & ut id commo-  
dè fieri posset, nullisq; piratarum incursibus  
interdiceretur, egit cum Auria, ut cum Sicu-  
lis triremibus, quas ea causa in Drepani por-  
tu in hybernis esse statuerat, sex alias ipse  
ex omni numero lectas relinqueret; quòd sex-  
decim longarum nauium classem ad prædo-  
rum frenandam audaciam satis esse censebat:  
id quod Auria se facturum pollicitus fuit:  
quòd uidebat ad res Africæ stabilendas  
illud

illud maximè necessarium . Compositis , ac constitutis adhunc modum Africæ rebus, omnes iam de profectiōe cogitabant . Vega in primis; ut prouinciam, quam Cæsari , sibiq; hoc in bello fidelissimam cognorat, reuiseret, seq; illi quàm gratissimum in rebus omnibus declararet : ut charissimos liberos , quos in luctu , & squalore ob matris obitum reliquerat ; quosq; postea ob periculosum bellum , diuturnamq; absentiam maximè sollicitos habuerat, consolaretur ; iucundoq; aspectu suo lætitia efferret : ut coràm Ferdinandum maximum natu filium, quem Siciliae abiens præfecerat, ob bene administratam prouinciam, ob incredibilem , qua de rebus ad id bellum necessarijs per regios procuratores, Quæstoremq; , & magistratus prouiderat; curam , studium , diligentiam laudaret ; suoq; præconio ad res in posterum gerendas alacriorem redderet : ut illum , ad quem potissimum hos



norum , ampliꝫ patrimonij ueniebat hæreditas , communicatione tantæ gloriæ nuper de Afris partæ ad magnorum etiam factorum imitationem incitaret . Nec ea opinione pater , felix inquam pater deceptus esset , si crudelis mors tantæ felicitati non inuidisset : tale enim iam inde à puero specimen sui dederat , ut nemo non existimaret , illum maioribus suis rerum gestarum gloria præclaris maximo ornamento futurum , patri præcipuè , ad cuius maximè exemplar iustitiam diligere , pietatem colere , cuncta summo studio , summaꝫ diligentia gerere obnixè studebat : & in prouinciæ Siciliae administratione , cui ipsius patris iussu , ut diximus , & Cæsaris auctoritate præerat , ita se gerebat , reddens unicuiꝫ quod suum erat , tranquillitati omnium studens , ab internis , externisꝫ periculis summa uigilantia illam conseruans , ut Prorex pater haud abesse uideretur . Quam

obrem factum est, ut cum tantæ uirtutis, prudentiæq; fama, quæ in obscuro esse non poterat, ad Cæsaris, eiusq; filij Hispaniarum Principis aures perueniret, atq; ipsi ex eius literis de Siciliae prouinciæ statu, de rebus, quæ in Africa gerebantur ad se perscriptis cognouissent, illum quouis magistratu, atq; imperio dignum esse; ambo illum per diplomata ad idipsum duntaxat missa summis laudibus ad coelum ferrent; seq; de eo benemerituros pollicerentur. Felicem certè Vegam tanta uictoria ex Afris parta; feliciorem tamen filio, si eum ijs fungi honoribus perspexisset, quibus ille ab ijs haud indignus habitus est, qui amplissimos habere & solent, & possunt. Sed sic se habent res humanæ, ut nulla in ijs solida felicitas, aut perenne gaudium esse possit. Nec temere id, casuq;, sed diuino credas accidere consilio: Deus enim opt. max. cuius sapientia, nutuq; fiunt,

ac reguntur cuncta , trīstia eam ob causam  
lētis , funera triumphis miscet , ut , cum uidea  
mus nihil hic esse non uarium , mortale ,  
& caducum , non his fluxis spem nostram ,  
sed in cōlestibus illis bonis collocemus , quæ  
stabilia , & æterna sunt , nulliq; temporum  
permutationi obnoxia . Et si propè innumera  
bilia sunt antiquorum exempla , quibus mo-  
nemur , ne rebus prosperis effferamur , ac  
quibus uiuere institutis , & rationibus debea-  
mus , abundē docemur : tamen Ioannis Ve-  
gæ , & Ferdinandi eius filij exemplum ,  
cum magis nos moueant , quæ uidemus ; quàm  
quæ audimus , nobis documento esse potest ;  
ut quæ cogitamus ipsi , & facimus , cuncta  
ad immortalis Dei consilium referamus , &  
ad diuinam eius legem seruandam cum om-  
neis cogitationes nostras , tum opera confera-  
mus : illud enim inde sequetur , ut , cum non hu-  
manæ laudis parandæ ( quæ tamen recte facta

*semper comitatur ) sed officij potius facien-  
di causa laboremus , nec rebus prosperè eue-  
nientibus efferamur , nec aduersis perfringa-  
mur . Siquis poterat honestis , sanctisq; co-  
gitationibus , & rerum gestarum magnitudi-  
ne , splendoreq; gloriari , paucos certè existi-  
mo ( ne nullos omnino dicam ) qui cum Ioanne  
Vega sint conferendi : is enim cum prouinciã  
Siciliam suscepisset à Cæsare administran-  
dam , atq; eam omni scelerum , uitiorumq;  
genere ita pollutam , & perditam offen-  
disset , ut nullum uirtuti , nullum honestis  
actionibus locum esse animaduerneret ; illam  
singulari sua prudentia , summaq; iustitia  
in eum uiuendi statum restituerat , ut , cum  
æquo iure ubique uiucretur , nulliq; ferè in to-  
ta prouincia iniuria fieret , ipsum non ut  
Proregem cuncti diligerent , & obseruarent ,  
sed tanquam parentem uenerarentur , ac-  
cclerent . Quid hac per Deum immortalem*

*felicitate præstantius ? tamen, ne per eam si-  
bi ipsi aliquid assumeret, eccetibi infesta  
mors, charissima illum (prò dolor) ac sanz-  
ctissima coniuge cunctis decorata uirtutibus  
orbauit : tantamq; ob restitutam in optimum  
statum prouinciam adeptam felicitatem in  
luctum, squaloremq; commutauit. Mox non  
ea iactura retardatus, quo minus uniuersam  
Rempub. prædonibus quotidie uexatam, atq;  
afflictam iuaret; Cæsaris regis sui impe-  
rium augeret, & Christianam religionem  
( quantum in se esset ) extolleret, in Afri-  
cam traiecit : ubi cum immensos labores, &  
maxima incommoda, quæ strenuis ducibus  
bellum affert, passus esset, ingentia pericu-  
la subysset, tandem conserta cum ferocissimis  
hostibus manu uictoriam reportasset, atq;  
expugnata munitissima urbe totam ferè Afri-  
cam in Cæsaris potestatem redegisset, dignus  
ab omnibus Africani cognomine habitus*

esset, ecce iterum inuida, atq; tantæ felicitati, & gloriæ inimica mors tanti facinoris auctori Vegæ, quietis publicæ fundatori, Christianæ pietatis amplificatori, Ferdinandum filium summa spe, altaq; indole adolescentem, bonorum, paternæq; gloriæ hæredem, Siciliæ præsidem iustissimum, auctis, factisq; præclarum, summis à Cæsare, Philippoq; eius filio affectum laudibus, ademit: tantamq; patris uictoriam atq; immensam ex immanibus hostibus partam gloriam tristem, funestamq; reddidit: etenim paucis ante diebus, quàm pater Aphrodisium oppugnaret, in grauissimum ille incidit morbum: quo ita uexari, ac conflitari cœpit, ut toto corpore contremisceret; nec noctu, nec interdiu quiesceret; nullaq; medicorum ope, qui peritissimi totius prouinciæ coacti sunt, leuari posset. Quamobrem facilis erat coniectura, illud haud diutius uiuere posse: præsertim

cum ipsi medici omnem eius salutis spem abiecerissent : morbi enim grauitas tanta erat , ut æstu , febriq; continua iactaretur ; uix ullum oculis somnum uideret , nullum iam solidum cibum ore caperet , ac paulatim tabesceret . Augebat etiam uim morbi sollicitudo non parua , qua præterea afficiebatur ; cum uideret prouinciæ administrationem infirma sua uacillitudine intermitteri : quanq; Ioannes Osorius , Sylua illi consanguinitate coniunctus uir multi studij , & iudicij , & rerum gerendarum usus admodum peritus ita dum ille ægrotauit , ipsius nomine res totius Siciliæ unà cum Regio consultore Arduino , magistratu , regysq; procuratoribus administrauit , ut nec Proregem abesse , nec Præsidem eius filium ægrotare prouincia sentiret . Voluisset tamen Ferdinandus , ut quemadmodum à patre in Africam abeunte prouinciam administrandam susceperat , sic uictori illi ex Africa rez

deunti optimè illam per se administratam re-  
stitueret. Sed cum tandem uideret id si-  
bi per infirmitatem ualetudinis non licere,  
& id, & morbi sæuitiam ut à bonorum om-  
nium auctore Deo profectam haud iniquo  
sibi animo ferendam putauit. Itaque cun-  
cta iam boni consulens se ad bene moriendum  
parabat: quæq; à religiosis uiris, qui coràm  
aderant, præcipiebantur, non inuitus aus-  
diens exequebatur. quanquam iam inde  
à puero ita sapienter, pureq; uitam insti-  
tuit, ut ex laudabilibus eius uitæ institutis,  
sanctisq; actionibus uero Christi milite  
dignis (quæ omnia præmaturæ mortis  
argumenta sunt) pro explorato haberi pos-  
set, illum ad senilem ætatem non peruentu-  
rum; cum in ipsa pueritia, sapientia, pie-  
tate, sanctimonia, cæterisq; animi dotibus,  
laudatissimis, atq; omni uirtutum genere  
ornatis senibus ille præstaret. Quare



fiabat , ut quibus uel Deum , uel homines se offendisse credebat , persæpe sacerdoti confiteretur ; ueniamq; peteret : & tunc maximè quòd mortem instare animaduvertebat , non modò eorum , quæ Christianum militem decet , nihil prætermisit , sed in ea incommoda , ægraq; ualetudine se ijs non semel , & iterum communiuit . Nuntiatum per Ioannem Osorium Syluam patri fuerat illum ægrotare , sed non ita grauem morbum esse . Itaq; cū ille putaret filium ea tentari ualetudine ; qua ab ineunte ætate solitus fuerat ; sperabat fore , ut ea breuiter emergeret . Quamobrem expugnato à se Aphrodisio iucundissimum tantæ uictoriæ nuntium continuò ad ægrotantem filium deferri uoluit : ut lætitia , quam ex eo caperet , ægritudine , morboq; leuaretur . Sed illum medici non solita modò ualetudine tentari , uerum etiam undecim alijs morborū generibus cruciari dicebant . Et ita tunc labo

rabat, ut tametsi eo nuntio recreari uisus est, ac non parua affici lætitia; & quid ageret pater, fraterq; Aluarus, & quonam modo tam munita urbs capta esset, percontatus est; tamen tot malis defessus, atq; uehementer conflictatus illa perfrui lætitia non posset. Quod autem potuit, præ sapientia, qua præditus erat, immortales summo Deo gratias egit, quòd Christianis uictoriam concessisset, rei; magis necessariæ consulisset; præstare existimans publicæ omnium utilitati, quàm saluti, & incolumitati suæ prospectum esse. Etiam dixit non semel, aut iterum, sibi mortem, non ob suam certè, sed patris causam acerbam putare: cuius incredibilem in se amorem non ignorans, illum molestissimè suum casum laturum arbitrabatur. Superuixit tamen, & tertio post nuntium, & nono post gloriosam patris uictoriã die summo domesticorum, urbis, & totius

Siciliæ mœrore interijt : Isabellæ sororis præcipuè , cui dolor , quem ex charissimæ matris obitu ceperat , qui aliqua ex parte leniri uidebatur , hac fratris morte renouatus est , atq; ita auctus , ut nisi ( qua in Deum pietate est ) in eam cogitationem uenisset , ut , quæ mortali-  
bus accidunt , diuino cuncta accidere numine arbitraretur , doloris magnitudinem nulla perferre ratione potuisset . præsertim quòd pater , fraterq; Aluarus aberant ; quos tametsi crudeleis hostes domuisse , gloriosamq; ex ijs uictoriam consecutos sciebat ; non tamen sine magno periculo , uitæq; discrimine illos abesse censebat . Sed ita tamen dolebat , ut quod à Deo profectum existimabat , non in bonam partem accipere , ac dolori penitus succumbere nefas duce-  
ret . præcipuè quòd in ea fratris ualetudine , patrisq; & alterius fratris absentia , siue sacrificia penè innumerabilia quotidie facta ;

precesq; ad Deum fusas ; seu diligentiam ,  
quam in illo curando dies , noctesq; adhibuit ,  
consideres , nullum quidem , quod non par-  
uam consolationem afferebat , pientissimæ fi-  
liæ , atq; amantissimæ sororis officium præ-  
termisit . Magistratus , & principes ciuita-  
tis atrati omnes ad Regiam conuenerunt ;  
tum ut funus efferrent , ac merito honore ce-  
lebrarent ; tum Suerum fratrem eius minime  
mum optimæ indolis , & summæ spei pue-  
rum ; cæterosq; consanguineos , & dome-  
sticos luctu omneis & squalore obsitos con-  
solarentur . qui maximam licet tristitiam  
præseferabant , quòd uniuersam prouin-  
ciam in tanti , tamq; iusti , atq; omni uir-  
tutis genere ornati præsidis casu magnam  
fecisse iacturam perspiciebant : ea tamen  
re magis commouebantur , quòd incredibi-  
lem lætitiā ex deuictis nuper hostibus à  
Christiana Repub. susceptam , in grauissimū

conuersam luctum cernebant ; & tam egregiam patris uictoriam immatura filij morte labefactatam, funestamq; redditam . Illorum igitur , & domesticorum humeris mœstissima ciuitate ferè tota insequente ad diuæ Citæ templum funus ductum , ibiq; sacrificijs , & pulcherrima de meritis eius laudibus habita oratione celebratum , arcaq; sericis uestibus cooperta conditum iuxta maximam templi aram ad læuam è regione matris locatum fuit . Harum rerum ignarus pater iam classẽ conscenderat , ut ad Siciliam rediret ; cum sexdecim illæ triremes, quas commeatus causa triduo antequàm Aphrodisium inuaderetur, ad Siciliam per Auriam missas diximus, apparuere ; optatæ quidem diu à nostris . in ijs ueniebat tristis nuntius de Ferdinandi Vegæ præsidis morte , qui totam classẽ magna affecit tristitia multis de causis ; patris Vegæ præsertim , cuius uicem maximè omnes

dolebant : cum uiderent , magnam uictoriæ partæ lætitiā luctum tam grauem consecutum esse . Sed Vega , qui nec rebus prosperis multum extollitur , cum eas ad Deum auctorem semper referat ; nec frangitur aduersis , cum exploratum illi sit homines ea lege nasci , ut omnibus Fortunæ telis expositam uitam habeamus : etsi non potuit non commoueri tanta filij iactura : tamen ita dolere uisus est , ut magnam animi æquitatem præferret ; ut Princeps Auria , Antoniusq̃ , & Garsia cum cæteris classis ducibus , qui ad eum consolandum in prætoriam triremem Siculam , qua ille uehebatur , transierant , uehementer mirarentur illius pectus tali prudentia , ac sapientia munitum esse : nam præterquàm quòd ueræ se religionis , Christianæq̃ pietatis cultorem declarauit , ferens æquo animo , quod à Deo profectum existimabat , fertur etiā imitatus Paulū Aemiliū ,

cuius penè haud dissimilem se esse animaduertebat : Ille enim duos filios alterum quarto antequàm de Macedonibus triumpharet, die; alterum tertio post triumphum amisit. Hic uerò antequàm in Africam ad oppugnandum Aphrodisium traiceret, charissima, atq; omnibus ornata uirtutibus coniuge orbatus est; post autem eius urbis uictoriam maximum natu filium perdidit : & ut ille quòd publicæ felicitati nihil aduersi accidisset filiorum mortem æquo animo tulit; sic Vega Cæsaris imperio, & publica utilitate aucta domesticum luctum magno animi robore sustinuit. Etenim non ea re in terram egressus est; nec quicquà quotidianæ suæ consuetudinis prætermisit. Etiam non oblitus moris Veganæ familiæ, in qua instituto maiorum filius paternam hæreditatem aditurus uel Ferdinandus, uel Ioannes uocari debet : ita tamen ut uel Ferdinandus Ioanni, uel Ioannes Ferdinando patri

patri succedat. Ferdinando Siciliæ præside  
maximo natu filio nuper uita defuncto ; cum  
ad Aluarum ueniret hæreditas , uoluit ipse  
præscripti , institutiq; maiorum seruandi cau  
sa , ut is prænomen immutaret , Ferdinandus  
q; uocaretur : ut sibi Ioanni Ferdinandus ,  
deinceps filius cui Ioanni nomen sit , illius hæ  
reditatem adeat . Itaq; , qui Aluarus antea  
uocabatur , Ioannis patris instituto Ferdinan  
dus ab omnibus in præsentia dicitur : qui in  
omnibus negotijs uel ipsi datis , uel ab ipso  
susceptis ita se gerit , ut cum usquequaque se  
Ioanne patre haud indignum præbeat , illius  
successione dignissimus ab omnibus censeas  
tur . Coegit me , ut ad hæc commemoranda ,  
forsan præter legem historiæ descenderem ,  
non magis amor , quo nobilem hanc fami  
liam complector , quàm ut hunc morem de mu  
tandi in hac domo prænominis ratione comme  
morarem , quodq; in demortui illius iuuenis



laudem iure dicenda censueram non prætermitterem. Maturabat igitur Prorex, & cæteri omnes, ut statutum antea fuerat, provinciam Siciliam repetere, sed cum venti, qui ab occasu æstiuo spirabant, aduersarentur, quanq̃ ad paruas insulas, quas à cuniculis nomen adeptas diximus, parum inde distantes cursum direxerant, ut, si fieri posset, faciliorem inde cursum tenerent: tamen eadem nocte coacti sunt ad eundem locum, unde discesserant, reuerti. Et cum in sententia permanerent, in anchoris expectabant, si forte uentus leniretur, nauigandiq; potestas fieret: sed ille non modo non leniebatur, uerum increbescebat potius, alijq; contrarij oriebantur flatus; per quos ex Aphrodisij statione egredi nequaquam licebat. Coepit paulo post mare tumescere; cælum obduci nubibus; crebri inter eas ignes goruscare, atq; omnia, quæ cernebantur maximam tempestat:

tem portendere, maximumq; mortis periculum intentare. Quare Andreas, Antoniusq; Auriæ, & Garsia, & Berengarius cæteriq; duces, & nauæ rerum nauticarum scientiæ admodum periti uehementer commoti sunt: Et quoniam discedendi spe omnes ferè triremes coniunctæ erant, modicumq; inter eas spatium relictum fuerat, & ea re maximum ijs discrimen, ac periculum impendebat, cœperunt. Præfecti omnes, ducesq; triremes quisque suas, iusto interuallo distungere, ac distinere: ne propter uehementem, quæ illis ante oculos obuersabatur, tempestatem propinquitate attererentur, sed quod parabant, seduloq; obnitebantur, perficere non poterant; nam tanta undiq; uentorum uis cum maxima imbrium, ac nimborum effusione subito exorta est, ut ne imperari quidem posset, quod agendum erat, nedum funes colligendi, triremesq; impellendi facultas esset.

Quamobrem breui euenit, ut aliæ proras, nonnullæ remos, pleræque omnia ferè amitterent armamenta. Prætoriam triremis sicula, quæ Prorex ipse uehebatur, scapha uero æstus priuata est; parumquæ abfuit, quin à naue oneraria, quæ paulo ante cum commeatu è Sicilia cum trirenibus uenerat, opprimeretur: ea enim cum tempestatis magnitudinem perfractis funibus perferre non posset, litus ipsum prætensis uelis commeatus seruandi causa, quæ triremis ipsa prætoria cum nonnullis alijs contra tempestatem obnitebatur, petebat. sed Algæ herbæ supernatantium foliorum copia, in quam forte incidit, uenientis illius impetum retardauit; atque in triremem, qua Antonius Auria uehebatur, destorsit. sed illius mandato statim nautæ funes anchorariū, cui nauis adhæserat, inciderunt; eoquæ factò illam incolumem præstiterunt. Nauis autem & uenturum iū, & maris.

impetu ad littus peruenit, & quod potissimum exoptabat, ut commeatus, panisq; nauticus seruaretur, affecuta est. Omnes interim, qui in classe uersabantur, laborabant uehementer, & uix resistere magnitudini tempestatis poterant; quæ eò iam creuerat, ut cum nulla penè salutis iam spes esset, omnes ferè ad uota facienda conuerterentur: nam præterquàm, quòd pleræque triremes amissis armamentis, prorisq;, & nonnullæ puppibus, malisq; regi non poterant; undiq; fluctibus, qui montium instar habebant, petebantur; atq; ijs repletæ penè summergebantur. cum interim tonitrua, fulgura, & nimbi mixti grandine cum laborantium nautarum, & remigum corpora infestarent; tum mentes etiã uehementissimè deterrerent. Quatuor perpetuos dies hoc tanto malo uexati sunt: in quo Præfectorum prudentia, animusq; maxime enituit. Ibi Princeps, ibi Antonius Auricæ,

ibi Garsias, & Berengarius quàm rerum nauticarum periti, quâ animi præstantia essent, ostendere: nam tametsi tempestas ita uehemens erat, ut certum minari naufragium uideretur; tamen quicquid agendum in tanto periculo existimabant, sic intrepidè, ac maturè prouidebant, ut, cum nuncupatis uotis se ex tantis malis emersuros esse spem acciperent; tamen ad mortem, si necessitas cogeret, fatòq; datum esset, æquo se animo paratos, significarent. Quarè factum est, ut cum nullum, nec agendi, nec alijs imperandi tempus prætermitterent, triremes omneis licet attritas, & mutilatas incolumes deniq; seruarent. Prorex ipsè quanquàm nauticarum rerum scientiam nunquam professus fuerat, licet non paruum earum haberet usum; tamen intrepido animo nonnullos nautas, qui animum penitus abiecerant, illum reuocare, ac certam euadendi spem capere, &

munia quæque sua uerbis , minisq; obire iubebat ; cuius tanta fuit auctoritas , ut , cum turpe illi esse putarent , amplissimi uiri in eadem ( ut aiunt ) nauî uersantis consilijs , præceptisq; non parere , omni prorsus amoto metu nauium incolumitati obnixè manibus , pedibusq; prouiderent . tres tamen onerariæ naues naufragium fecere . quanquam magna pars rerum , quibus onerata fuerant , Proregis diligentia , studioq; , ut postea patebit , seruata fuit . Potuisset Vega initio tempestatis , & postea sæpenumero in terram descendere , seq; tanta molestia , periculoq; liberare : tamen ut in commune consuleret , exemploq; suo cæteros in officio contineret , ne si incompositi ( quod aliter fieri non poterat ) egrederentur , aliquid detrimenti ab incurstantibus Numidis , cæterisq; barbaris acciperent ; nunquam uoluit : quando sibi uir magnanimus salutis aliorum potius , quàm suæ

rationem habendam censuit. Quarto tamen post die cum perspiceret magnum nostrorum militum, & aliorum numerum alios natando; alios scaphis, parvisq; nauigijs, quæ forte nacti fuerant; alios fractis tabulis inhærentes, quas casus attulerat, nullo ordine in litus euade. & eadem causa, qua retentus in classe fuerat, ne scilicet quicquam detrimenti nostri caperent, atq; à barbaris infestarentur, in terram egredi conatus est. Et si tunc ex pedibus (podagra enim sæpenumero torquetur) maximè laborabat; & sæuiente adhuc tempestate à speculatoria nauicula nō sine maximo periculo, & labore solus exceptus: tamen sui prorsus oblitus illorum salutis interuentu suo consuluit: atq; ut id commodius, tutiusq; facere posset, oculis circumspiciens accliuem in littore perspexit locum, quem aqua pluuiæ, cum assiduè pluisset, munitum reddiderat: nam à terræ parte magnā

habebat alluuiem , qua barbarorum incurſus reprimebantur : à lateribus uetuftis quibusdam parietibus ; à fronte uerò mari muniebatur . quibus rebus fiebat , ut noſtri illò confugere ab eo iuſſi , ibiq; collocati nullo ipſi ab hoſtibus afficerentur incommodo , & hominibus , nauibusq; ui tempeſtatis in eam partem eiectis ſuccurrerent , atq; auxilium opportunum ferrent . Hoc exemplo uenit in mentem alterius facinoris memoratu digni , quo ſumma huius uiri integritas , ſingularisq; uirtus enituit : Nemo eſt enim , qui neſciat , naufragium illud , nunc decimus ſerè annus agitur , à Cæſare factum ; dum ille in Africam ad oppugnandam Cæſariam Aenobarbi archipiratæ tyrannide occupatam potentiſſima claſſe , magnoq; exercitu traiecit : in qua onerariæ naues quamplurimæ ; actuariæ penè innumerabiles , triremes ſerè omnes maxima tempeſtate attritæ ſunt . Ad id bellum Ioannes



Vega magno apparatu, comitatuq; secutus  
Cæsarem, ut semper in omnibus expeditioni-  
bus bellicis est solitus, magna, ualidaq; naui  
uehebatur; secumq; complureis genere, fa-  
tisq; præclaros habebat uiros. Cumq; acci-  
disset, ut naui ui tempestatis solutis aliqua  
parte compagibus rimas ageret, fluctusq;  
in se reciperet; omnes, qui in eadem naui  
erant, cum præsens periculum, discrimenq;  
perspicerent, illi persuadere studebant, ut,  
cum omnium non posset, saluti saltem suæ  
consuleret; etenim speculatoria aderat nauis-  
cula, quæ illum, & tres, aut ad summum  
quatuor alios excipere parata erat. tamen  
cum ipse uideret eam haud capere omnes  
posse; egredi noluit; statuens uel illos secum  
seruare incolumes; uel cum ijs facere naufra-  
gium. sed unum ex ijs ea nauicula ad Cæsa-  
rem misit, ut sibi, & ijs, qui secum in na-  
ui erant, opportunè consuleret. quod quidem

maturè Cæsar fecit : etenim misit nauigia , quibus omnes quanquam non sine magno negotio excepti ; & inde in proximam nauem , quæ integra erat , translati , è manifesto periculo erepti sunt . Qua in re illud quoq; admodum memorabile fuit , quòd ultimus omnium è quassata , soluta , perfractaq; nauis egressus est ; quæ statim ab æstu disiecta in partes , & dissipata fuit : Ex quo facili assequi coniectura possumus bonos uiros pietate scilicet , & charitate insignes optimo , clementissimoq; Deo magnæ curæ esse : à quo Ioannes Vega cum egregijs illis uiris ab imminenti periculo seruatus est . Egressus igitur ( ut unde digressi sumus , reuertamur ) in terram Vega dedit quamprimum operam , ut fuga barbarorum facta milites incolumes seruaret ; fractarumq; nauium res quàm diligentissime reciperet , atq; eas in primis , quæ uictis hostibus detractæ fuerāt , quas ad lulium

Pont. Max. Christi in terris Vicarium mittere constituerat . Idq; ex animi sententia affectus est . Andreas autem Auria, Antonius, cæteri q; duces sedata tempestate omnem adhibuerunt diligentiam, ut quassatas, attritasq; triremes reficerent, quod quidem, ut facilius consequi possent, easdem paruas insulas, quas non multum ab Aphrodisio abesse diximus, ijs petierunt . Etenim iuxta eas magis fida classibus statio habebatur, & aliqua in ijs materia inerat, qua illæ aliqua ex parte reparari possent . Dum classium præfecti in ijs reficiendis tempus conterunt, Vega Aphrodisij munitiones perspicit; & an quicquam in ijs denuo providendum sit, diligenter animaduertit, sed miratur uehementer quicquid deiectum antea in oppugnatione urbis fuerat, Ferdinandi Vegæ filij, quem ualido præsidio, ut supra demonstrauius, abiens urbi præfecerat, opera, atq; industria repa-

ratum penè esse : custodiasq; militum ita dispositas , ac cætera omnia , quæ ad tuendam , muniendamq; urbem faciebant , sic diligenter prouisa , ut ex ijs coniecturam faceret pater , eius oppidi tutelam optimè filio commissam esse , seq; in utranq; aurem , ut aiunt , dormire posse . Refectis igitur , instructisq; denuo ( ut fieri potuit ) longis nauibus , ut primum nauigandi facultas data est , Prorex ipse , & Princeps Auria cum cæteris ducibus ea usi sunt : breuiq; secundo spirante aëstro Drepanum omnes incolumes delati .

Nobilis Messana , Syracusæ , Catina , cæteræq; prouinciæ Siciliae ciuitates ad unam omnes , ut Proregis sui reditu , cui quòd in optimo statu sint , acceptum referunt , uehementer gauisæ sunt , sic etiam uoluissent longa illum pompa triumphantem excipere , excitatisq; in uicis publicis , quæ deducendus erat , omnis generis arcubus , illius res præclarissimè ge-

Stas cum pictis in ijs imaginibus; tum statuis  
 collocatis exprimere; seq; illi quoquomodo  
 possent, haud ingratos demonstrare: tamen  
 certiores factæ eiusmodi honores illi nequaquã  
 cordi esse; cum eo animo semper fuerit, ut  
 malit Cæsaris, Christianiq; nominis hostes  
 uincere, uictoriamq; reportare, quàm de ijs  
 ad antiquorum Romanorum exemplar trium-  
 phum agere, eo præcipuè tempore cum ob  
 charissimæ uxoris, & immaturam, recens-  
 temq; filij mortem adhuc in luctu, & squalor-  
 re esset, eius generis honores sibi omittens  
 dos putarunt; præsertim quòd compertum  
 omnes habebant non tunc illum prouinciam,  
 iurisdictionemq; lustraturum, neq; ad se per-  
 uenturum esse. Panormus tamen cum putar-  
 ret, eò Proregem, unde discesserat, reuers-  
 surum; ut incredibilis lætitiæ, quam ob tan-  
 tam uictoriam, ipsiusq; reditum ceperat, præ-  
 senti illi fidem faceret, triumphaleis arcus,

quà illum transiturum censuerat, constitui;  
Statuasq; complureis fabrefieri, atq; in ijs col  
locari mandarât. Quas inter, ut cæteras  
( ne longum faciam ) omittamus, una Scipio  
nis Aemiliani erat, qui victorem Vegam rez  
deuntem excipere, eumq; quartum Africaz  
num pulchro carmine appellare uidebatur.

Scipioni auo, qui Carthaginem uestigalem  
fecerat, primum: sibi uero, qui funditus des  
lerat, secundum: Cæsari Carolo .V. Ro  
manorum Imperatori, qui Tunetis regnum ex  
Aenobarbi immanis archipiratæ manibus ex  
torserat, regi q; Azeno restituerat, tertium;  
Ioanni autem Vegæ Siciliae Proregi, qui nus  
per Aphrodisium natura, & opere munis  
tissimum, ualidoq; turcarum præsidio firmas  
tum, modicis copijs expugnauit, totamq; eã  
regionem, quæ proprie Africa dicitur, Cæs  
saris imperio subiecit, quartum illud cognos  
men tribuens. Eius ciuitatis animum laudas

uit Vega mirifice ; sed Drepani ipse commorari statuit, ut Africæ rebus, quas dum Dragutes uel uiueret, uel liber esset, haud negligendas putabat, opportunius inde loci propinquitatē consuleret ; compertum enim habebat, illum parta à se uictoria ita angī, ut nec noctu, nec interdū quiesceret, dum uel amissam urbem reciperet, uel ipsi saltem aliquod detrimentum afferret. Quamobrem non modò illius conatus Vega reprimere, sed etiā illum è medio tollere, aut in seruitutem redigere summa ope studebat. Quocirca antequā Cæsarianæ classis præfectus Andreas Genuam hybernandi causa repeteret, non immemor ipse mandati Cæsaris, quod (qua in regem suum pietate est præditus) digeri, ac maximè confici exoptabat, ut scilicet Dragutes omni adhibita diligentia perquireretur, ac morte, si fieri posset, afficeretur ; egit cum illo diligenter, ut ad id ipsum in Drepani portu

portu lectas ex omni numero quatuordecim triremes relinqueret; ea re enim accidere posse significabat, ut uel breui immaniſſimus ille prado in Cæsaris poteſtatem ueniret; uel ab inferendis Chriſtiano nomini iniurijs deterretur, liberumq; hoc mare inferum; atq; tutum relinqueret. Et cum proximè Alſonſus Coua ad arcem Gulettam, cui, ut diximus, præfuturus erat, nauigaturus eſſet; non duabus tantū triremibus, ut cōſtitutū fuerat, efficiendū id eſſe cenſebat, ſed iuſta potius claſſe; qua noſtri, qui in ea prouincia uerſabātur, tutiores redderentur; ſœdere autem nobiſcum iuncti in officio continerentur. Ad hæc Auria reſpondit ſibi perquàm moleſtum accidere, quòd grauiore ætate eſſet, quàm ut diu Cæsaris cōmodo, honoriq; inferuire poſſet; ſe nihil hominus tamen in eo, quod uſui, decoriq; futurum Cæsari exiſtimaret, uitam profundere paratum eſſe. Sed quod Prorex ſuadebat,



nequaquam tunc fieri posset ; omnemq; diligentiam , & operam irritam fore : primum , quòd exclusus tempore Dragutes , in hybernis potius esset , quàm maris sæuitiæ , quod minimè tempestiuum per totam hyemem , cuius uis iam maritimos cursus præcluserat , ad nauigandum uidebat , se committere auderet : deinde quòd triremes ui superioris tempestatis penè omneis consumptas ad rem benegendam prorsus inutiles existimabat : præsertim quòd magna commeatus , reliquorumq; rerum inopia premebatur . Quamobrem illud se optimum factu censere , ut id negotium in mensem Martium reijceretur ; interim datum se operam , ut suæ triremes resarcirentur : ac cunctis postea necessarijs rebus instructæ ipsi præstò forent ; ipsius etiam mandato & Siculam classem interea temporis reparari , instruiq; posse , ut non alieno , sed suo tempore posthac rei , quam tantopere cupie-

bant, compotes fierent. Quòd si classe ui  
tempestatis attrita, ac penè perdita incerto  
cursu, maxima hyeme nauigandum esset,  
præterquàmquod Dragutes nullo affici incom  
modo posset, uniuersæ classis, & omnium  
salus in certum discrimen, periculumq; ueniret.  
Ad ea Prorex non me latet ( inquit )  
te sepænumero Cæsaris causa uitæ periculum  
adiisse: etenim locuples ipse eius rei testis  
sum. Quòd autem dicas, classem, si illud  
fieret, in maximum discrimen uenire posse:  
& si rerum naualium non admodum peritus  
sum: tamen & ego illud perspicio non sine  
periculo fieri posse: sed si Cæsaris animum  
consideres, qui tantopere desiderat eius pira  
tæ tam nefary perniciem, ut Christiana res  
pub. tantis molestiis, incommodisq; quibus  
quotidie afficitur, liberetur; in rem esse cen  
sebis, uniuersam classem ne dum illius par  
tem eo nomine in quod uis discrimen obijcere:

etenim Cæsar ipse æstare superiore eius negotij cōficiendi gratia decreuerat magnum equitum, peditumq; exercitum cogere; ut insulæ Lotophagitis, in qua tunc Dragutes inerat, expugnatio tentaretur. Sed quoniam satis constantes afferebantur rumores Dragutem ipsum ante Cæsar's exercitus illuc aduentum ab ea insula profecturum, nulloq; pacto illius impressionem expectaturum esse, de ea inuadenda insula Cæsar mutauit consilium: & ad hominem tam perniciosum opprimendum traiecit animum. Itaq; consilio tecum communicato constituit, ut primo quoq; tempore tota ferè classis in duas partes diuideretur: ut tu ipse hinc illum altera, altera autem Bernardinus Mendosa Hispanæ classis præfectus illic persequeretur, & bellum aduersus Menyn gem in aliud tēpus differretur. quod quidem aliqua ex parte ad rem collatum fuit: nam præter Aphrodisij expugnationē toti Chri-

Stianæ reipub. (ut neminem latet) admodum utilem, Cæsaris classis in hoc Tyrrheno, Lybicoq; mari commoratio, & confecti ultro, citroq; cursus omnem illi nauigationē, portum, stationemq; minus tutam, uel potius infestam reddidere. Cum Cæsar igitur eius archipirætæ exitium tantopere cupiat, ut ad eum tantummodo perdendum magnum exercitum conscribere, classem diuidere, atq; existimationem suam in discrimen adducere non dubitaret; quid est, quamobrem ipse quatuordecim tantum, aut ad summum sexdecim longas naues maris periculo committere uerearis? hoc præsertim tempore cum fractas illius prædonis opes, uiresq;, ac damnatam, perditamq; & existimationem, & auctoritatē uideas? Quod autem ad eas sustentādas triremes cōmeatum tibi deesse obijcias; id tibi cum polliceor, tum re uera præstabo me Panormi in triginta, fortasse etiam quadraginta dies & panem

nauticum, & molita cibaria præbiturum. Quòd itidē dicas ita classem tempestate quassatam, ut nihil quicquam per ipsam agi possit; non ita attritam concedimus, ut non is numerus ex ea eligi, cæterisq; refici triremibus facile possit; quo Cæsaris uoluntati mos geratur, & totius Christiani nominis utilitati, ac quieti consulatur. Quamobrem uehementer te rogo ut hoc magnum, operosumq; negotium Cæsaris, & Christianæ reipub. causa suscipias, procures, & conficias: nam quod polliceris te ad mensem Martium nobis præstò fore; istud fortasse uel Cæsaris ad Italiam aduentu, quod futurum esse affirmare non dubitas, uel aliqua re alia, quæ ex alia incidit, impediatur; triremesq; ad aliud peragendum traducentur. Quod si nunc, quod animo agitamus, perficitur, non uenio in dubium, quin utrunque, & aliud quodpiam negotium opportunè peragatur. Et cum Prin

ceps diceret se probè nosse Proregis ànimum, qui nullo pacto quiescere poterat, quousque immanis ille prædo tolleretur è medio: tamen se longo nauigandi usu ( etenim se duodequadraginta annos nauigasse affirmabat ) edoctū esse, quod Proregi tantopere in optatis erat, tunc fieri haudquaquam posse: et eam ob causam nolle triremes in discrimen obijcere; nec diem suum in barbarorum, sed Christianorum regionibus obire uelle. Quamobrem non esse, cur ea de re posthac amplius ageretur. Vega tamen in sententia permanebat, nec ijs rationibus, quas Princeps collegerat, acquieuit: sed ab illo se penitus dissentire multis illi argumentis significauit. Cum autem se nihil proficere animaduerneret, nam illum ab ea sententia deducere nequaquam poterat, dixit non tamen sine stomacho, illum esse Cæsaris classis præfectum; illiusq; interesse potissimum, quod ipse è Repub. esse

consuerat, maturè exequi, se profectò sat habere, quòd officio (quantum in se fuerat) satisfecerit : rogare eum tamen, ut decretum illud memoria repeteret, quod in prætoria quadris remi antequàm classis ex Africa discederet, communi omnium ducum consilio, quos Auria ad id ipsum aduocarat, factum fuit : ut scilicet cum triremibus Siculis quatuordecim saltem numerus expleretur; ac Sicilia, Africaq; tuendæ causa in Drepani portu relinqueretur. quod quidem decretum nisi per ipsum seruatum esset, magnam inde rerum perturbationem futuram Prorex affirmabat : propterea quòd Dragutes ipse Aegusâ, Cosyram, reliquasq; paruas insulas inter utranq; prouinciam interiectas, obsidere, omnisq; generis naues, quæ comæcatu, reliquisq; rebus oneratæ ad Africam nauigarent, diuexare, ac prædari posset : & propterea tum, qui Cæsaris imperio subditi sunt; tum qui fœdere illi conuerti maximis

iniurijs afficere. Si tunc (Prorex addebat) cū  
 nusq; Dragutes appareret, constitutum illud  
 fuerat, quo prouinciales optata securitate frui  
 possent; nunc cum ad nos quotidie afferatur  
 illum in cursu esse; quæq; potest detrimenta  
 cunctis negotiatoribus, & prouincialibus af-  
 ferre, committendum nobis est, ut illorum tran-  
 quillitatem, ac salutem contemnamus? præser-  
 tim quòd non magno admodum negotio fieri  
 posset, ut iisdem triremibus ultro, citroq; cur-  
 rentibus captiuus ille duceretur; uel saltem  
 ab infestandis nostris deterreretur. Quòd  
 si tandem Princeps suam sententiam ualere,  
 nec eum triremium numerum relinquere  
 ex decreto uelit, se non posse non molestis-  
 sime illud ferre, & habita ætatis, dis-  
 gnitatisq;, & status illius ratione cum eo ea  
 de re iure optimo exposulare. Non infir-  
 ciabatur Princeps decretum in Africa de tri-  
 remibus in Sicilia relinquendis factum esse;



sed illud ante tēpestatem statutum fuisse asseueravit ; qua ita illas diuexatas , atq; ad unā omneis attritas confirmabat , ut nisi materia prius , cæterisq; necessarijs rebus comparatis reficerentur , nullum Cæsaris mandatum per eas curari posset ; atq; id ea tantum ratione perfici posse , ut Genuensis Genuæ ; Neapolitana Neapoli ; Sicula autem classis in Sicilia repararetur : & iure iurando affirmabat se libentissimè Cæsaris imperata facturum , & Proregi statim morem gesturum fuisse ; si uideret , quod ille faciendum censuerat , per hyemem sibi licere. Quamobrem rogauit illum uehementer , ut sibi ea de re fidem haberet , ac putaret se aliud nihil facere posse , quàm nullis Drepani ex suis relictis irirembus Genuam quamprimum abire : sed nauaturum se operam , ut Neapoli hybernaret ; quo per loci propinquitatem , si opus esset , maturius uenire , Aphrodisyq; rebus

prouidere liceret : quasquidem tantæ curæ sibi esse affirmavit ; ut cum illi propugnaculo suum præesse filium existimaret , totum hoc mare inferum , cumprimum uer appeteret , se tota cum classe nauigaturum , ipsumq; Dragutem summa ope insecuturum polliceretur . Huic Vegæ , Auriaeq; sermoni Ambrosius , cui à sancta pace nomen inditum , Lycodiæ Marchio , capitaliumq; uirorum in Sicilia Princeps , ac Petrus Augustinus ratiocinator regius , Cæsarisq; procurator non interfuerunt solum , sed internuntij utriusq; fuerunt : idq; Vega auctore factum , ut siquid inde aduersi Cæsaris rebus , Christianæq; Reipub. eueniret , locupletissimi illi testes essent , per ipsum non stetisse , quominus in commune consuleretur , ac Cæsaris mandatum ( quoad eius fieri posset ) conficeretur . sed ut ad Siculos redeamus , cumprimum rumor per provinciam sparsus fuit Proregem Drepanum

redysse; ibiq; Africæ Prouinciæ causa hybernaturum, omnes Siciliæ reguli, Principesq; ciuitatum magnis itineribus, alij per equos dispositos illuc officij causa contendere. Et si ob immaturam filij mortem, de qua diximus, qua dolor ex charissimæ uxoris obitu captus, atq; aliqua iam ex parte lenitus, renouatus fuerat, efficacibus collectis rationibus illum consolari omnes nixi: tamen uictoriam per illum ex Afris partam, qua Cæsaris imperium auctum; Christianæq; Reipub. Siciliæ in primis securitati consultum fuit, etiam gratulati sunt; ut commemoratione tantæ gloriæ luctum; doloremq; deponeret, ac res aduersas tam secundis coniunctas haud iniquo animo ferret: sed sic eum confirmatum inuenire, ut omnes planè intelligerent secundam illum fortunam pulcherrimè ferre, ac non mediocrem ex ea re laudem adipisci; æque & aduersam magna cum omnium admiratione

ne ferre posse. Huc quoq; Franciscus Albertinus uenit à summo Pontifice, Iulio tertio missus, ut eius nomine tantam illi uictoriam, imensamq; gloriam ex ea partam gratularetur; ac nonnullam consolationem ob acerbam filij mortem adhiberet. Qua ex re quantæ Vega existimationis, atq; auctoritatis sit, quanti; ab omnibus iure optimo fiat, liquidò patet: etenim summi Pontifices non nisi ad magnos reges, principesq; præstandi eius officij gratia, domesticos, & familiares suos mittere solent: ad Vegam tamen unum ex ijs, qui intimi illius erant, misit, ei; binas literas & humanitatis, & amoris plenissimas dedit: quarum alteris illi de rebus in Africa præclarè gestis gratulabatur, alteris uerò illum nonnullis collectis rationibus consolari studebat. Earum literarum exemplum hic adscribendum censuimus, ne qui se ad nostrum hoc opusculum legendum contulerint,

earum lectionem aliquando desiderent. Quas obrem nonnullis ; quæ potius ad morem, seruata m̃q; memoria nostra consuetudinē, quàm ad purè, latineq; loquendum mihi facere uis debantur, omissis, earum literarum eiusmodi est sententia.

Magna nos feli affecerunt lætitia literæ tuæ; quæ nos de capto, expugnatoq; Aphrodisio certiores fecere : & cum primum eas accepimus, supplicatione decreta ingentes Deo. opt. Max. ob rem tam præclarè gestam, par tamq; uictoriam, quam illi acceptam referebamus, gratias egimus : deinde incredibilem : quam ex ea re lætitiā cepimus, apertissimè omnes tulimus. Quare fit, ut tibi, cuius consilijs, studio, labore, uigilantia tantum bellum confectum est, Christianæq; Reipub. optimè consultum, pro rerum magnitudine, quas gessisti, gratulamur, præsertim quòd præpotentis Dei auxilio, opeq; & inuictissi

mi Cæsaris felicitate futurum speramus, ut  
fortissima illa classis uestra, inuictiq; exerci-  
tus maiores quotidie progressus facturi sint:  
quæq; ipsi præterea cum uniuerſa Repub.  
exoptamus, nullo ferè negotio consequamur.  
sed hæc Albertinus familiaris noster tibi li-  
quidius explanabit, quem ob eam causam ad  
te mittimus; & nonnullarum rerum, quas  
tecum præterea communicari uolumus, ei ad  
te mandata dedimus; cui ut fidem habeas,  
te uehementer rogamus. Vale viij. idus  
Octobris Pontificatus nostri anno primo,  
salutis M.D.L. Romæ.

Responderamus mi fili magnæ uoluptatis,  
lætitiæq; pleni ad eas literas, quas de capto  
nuper Aphrodisio ad nos dederas, cum gra-  
uissimum de obitu tui maximi natu filij nuns-  
tium accepimus: Et cum non possimus pro  
nostra summa erga te beneuolentia, quemad-  
modum secūdae semper sumus, ita & aduersæ

Fortunæ tuæ non esse participes, ualde eò nuntio tristati sumus: atq; eò maiorem immatura illius adolescentis mors nobis tristitiam, doloremq; attulit, quòd exploratum nobis erat omneis spes tuas in illius præclara indole fuisse repositas. Quamobrem necesse est, te maximo dolore, ac mœrore angi. Verumtamen ita prudentiæ tuæ confidimus, ut cum partes suas patrio mœrore concesseris, Dei uoluntati sis libenter acquieturus: cuius prouidentia, nutuq; fiunt, & reguntur omnia; quiq; proborum hominum consilia, non humanorum sensum impetu, sed recondito suo iudicio, quod nulli mortalium scrutari licet, dirigere consuevit. Nos fili tantam, tamq; grauem iacturam à te nuper factam, cum communem existimemus, molestissimè tecum ferimus; teq; omni, quo possumus officio, consolamur: ac Deum clementissimum uehementer etiam, atq; etiam oramus, ut &  
 ipse

ipse te consolari, & reliquis filiis incolu-  
mem, sospitemq; seruare; eis uerò diuturnio-  
rem uitam pro singulari sua bonitate, & be-  
neficentia uelit concedere: sed hæc quoq; idem  
Albertinus familiaris noster melius, plenis-  
usq; exponet. Vale. iij. idus Octobris.

Albertini aduentu, & suauis eius congressu  
plurimum Vega lætatus est; at Pontificis  
ipsius literis summæ humanitatis, & bene-  
uolentiæ plenis admodum recreatus: cum ui-  
deret tantum sibi ab illo tributum esse, ut, qui  
cum regibus, magnisq; principibus compara-  
retur; dignus fuisset habitus. Quamobrem  
ad eam uoluntatem, quam iampridem in ip-  
sum Pontificem magnis eius meritis, uirtuti-  
busq; contulerat; uel ad eam potius pietatem,  
quam illi tribuere solitus fuerat, magnus cum-  
ulus accessit: Albertinumq; ipsum leniter,  
benigneq; accepit, multisq; magnificis, ac  
pretiosis rebus donatum cum his literis



Romam remisit.

Franciscus Albertinus familiaris tuus Drepanum ad nos uenit, tuasque summæ lætitiæ, & suauitatis plenas attulit litteras; quibus nobis uictoriæ de Afris partem gratulabare; & incredibilis lætitiæ, quam ipse primum cum tota familia, & curia; deinde uniuerſa alma urbs cepit, signisque quamplurimis ostendit, fidem faciebas: nam & solennes supplicationes decretæ; & innumerabiles Deo opt. max. gratiæ actæ; & ex ijs, quæ in summis lætitijs istic fieri solent, non modò nihil prætermisum est; uerum etiam ad ea potius multa alia accessere. subsecuta est deinde literarum tuarum humanitatem, ac lætitiæ facunda, & grata eiusdem Albertini oratio, quæ liquidius quanti me facias, quantopere mihi omnia ex sententia euenire cupias, declarauit: quæ tametsi iam pridem comperta habeo: tamen denuo per illum signifi-

cata mihi acciderunt quàm gratissima. Quam obrem immortales tibi ob tantæ erga me beneuolentiæ significationem, præstitaq; officia gratias ago, & habeo: præsertim quòd Aphrodisiensem uictoriam, quam mihi per ramanter gratularis, Deo primum bonorum omnium opifici, & auctori: deinde tibi, qui nos summopere & classe, & exercitu, & Pontificiæ facultatis donis in ea paranda adiuuisti, acceptam referri, & uolumus, & optamus. sed hæc melius, liquidiusq; ex eodem Albertino, & nonnulla alia, quæ te scire uolumus, & oportere arbitramur, intelliges: qui te de nostro, & totius prouinciæ statu certiore faciet. Vale nono cal.

Nouemb. Drepani.

Alteras tuas ab eodem Albertino accepi literas; ex quibus te filij mei casum molestissimè tulisse, & communem eam calamitatem existimasse cognoui: eas enim in me consolando

collegisti, atq; adhibuisti rationes, quibus grauiſſimus quiſq; dolor non leuari modò, uerùm etiam penitus tolli poſſet. Ego uerò eo animo iam pridem ſum, ut cum eam, qua nati ſumus, recusare conditionem non poſſimus, atq; omnibus telis Fortunæ uitam noſtram expoſitam uideamus, quicquid accidit, ſi non penitus moderatè feram: tamen me ab illa frangi haudquaquam patiar. præſertim quòd memoriæ proditum eſt quamplurimos tum Græcos, tum latinos idolis ſeruientes, falſæq; religioni deditos & cuncta aduerſa, & obitum filiorum infractò animo tuliſſe: cumq; uideam idem mirificè tibi placere, qui non temere hæc, ſed diuino accidere conſilio efficacibus comprobas rationibus, turpiter facere uideremur, ſi nos ueræ pietatis, religionisq; ſectatores ab ijs, qui falſam ſectabantur, uinceremur, tantiq; Pontificis auctoritati non pareremus. Quamobrem dicere audeo, me

*tanta adhibita auctoritate, grauissimam iacturam, quam nuper feci, ita ferre; ut summa tua sapientia, ac prudentia mihi perferendam arbitratur; & immortalis Deo, qui filij casu nec me secundis rebus extolli, nec frangi aduersis patitur, innumerabiles gratias ago; meq; tibi debere tantum fateor, quantum non potero unquam persolvere. Sed hæc quoq; plenius idem tibi Albertinus exponet, & nostram in te uoluntatem planius significabit. Quod reliquum est, supremum Deum precamur, ut pro hoc tam pio in me præstito officio cuncta feliciter, prospereq; tibi euenire permittat. Vale.*

*Post Albertini profectionem dedit continuo Prorex operam; ut, quod multo ante uictoriam cogitarat, & post illam partam euestigio constituerat, id scilicet ut hostium deuictorum spolia ad Pontificem Romam mitteret, maturè exequeretur: nam tametsi iam inde*

ab initio ad id faciendum sponte sua incitatus fuerat ; tamen post tantam Pontificis perspectam humanitatem , uehementissimè ad perficiendum est inflammatus . Itaq; phaleras , aliaq; pretiosa ornamenta multo auro , margaritisq; cooperta , quibus insignes , uelocesq; illius regionis equi complures sternendi , ornandiq; erant ; sericas , pictasq; acu uestes , quibus totidem Turcæ uestiendi , & alias , quibus etiam optimi ex eadem prouincia ad uesti canes ornatus causa tegendi ; confici ; & nonnulla alia , quæ ad ornandum , uehendumq; munus necessaria censuit , apparari quamprimum iussit . præterea falcatos , ac perpulchros enses expoliri , inaurari , sericis , argenteisq; uaginis condi ; corneos itidem & uersicolores arcus , quibus Turcæ utebantur , suamq; ijs sæuitiam nostros feriendo exercebant , instrui ; & sagittarum fascēs ad ijs utendum pictis , ornatisq; pharetris decorari ;

adhæc leones iam penè cicures per eum , cui illorum cura mandata erat , quiq; impunè illos pertractabat , bene ali, curariq; mandauit . Sed interea dum hæc illius mandato agebantur , cum in eam ipse cogitationem uenisset , ut putaret , ornatiores æquè , & gratiores Italo Pontifici in Hetruria summo loco è Montia familia nato , uiro doctissimo , rectissimis studijs , atq; artibus prædito futura spolia , tantaq; munera , si , qui ea ad illum perferret , breuem aliquam orationem componeret ; qua optimū dantis consilium , animumq; declararet , resq; singulas illi assignans aptè , appositeq; propriam illarum uim quambresuissimè explicaret . Et si multos domi habebat Hispanos genere præclaros uiros , qui forsā facilius , meliusq; eo munere fungi poterant ; idq; ad se deferri omnes ad unum cupiebant ; tamen cum Proregi in mentem uenisset me Italum esse , Interamnæ olim Romæ

norum coloniæ nunc Pontificiæ potestati, ditioniq; subditæ ortum, præterea diui Petri militem, & eò ipsi Pontifici familiarem; etiam in humanitatis studijs aliquandiu uersatum, id negotium mihi dandum esse existimauit: quòd is rationibus, quas commemorauit, me quamgratissimum illi futurum putauit. Quamobrem mihi continuo mandauit, ut negotium non inuitus susciperem, & ad propositum per ipsum argumentum orationem conscriberem: qua absoluta, cæterisq; rebus, quæ ad ea ornanda, uebendaq; spolia pertinebant, confectis, usq; in nauem ad id ipsum comparatam impositis leni spirante euro è Drepani portu soluimus, cursumq; ad centum cellarum portum direximus. Sed aduersi uentorum flatus, qui post biduum ab occasu æquinoctiali orti sunt, nos magna, ac turbulenta tempestate, qua penè naufragium fecimus, è Tiberis propè hostio ad Ca-

ietam post quartum diem reiectus sumus. Itaque mutata itineris ratione, ne iterum maris scuitiam experiremur, cunctis rebus in terram expositis, atque ibi diebus circiter quindecim equorum potissimum reficiendorum causa, qui magna fluctuum agitatione, nauisq; motibus attriti penè fuerant, consumptis, inde confestim terra Romam petere contendimus. Cum primum illò peruenimus, & si nò ignarus ipse, quàm nouarum rerum spectandarū auida Romana ciuitas esse soleat, earum præcipuè, quæ è longinquis regionibus illuc adueniunt, mihi fugiendæ celebritatis causa, commorandi locum ad Aesculapij olim, nunc diui Bartholomæi ædem in insula Tyberis elegi: ne aduentus nostri fama per urbem celeriter manaret: uel si tandem (quod aliter fieri nò poterat) ad plerosq; perueniret, ea longinquitate à multitudine uidendi cupida nò uexaremur, tantisper saltē, dū equi, leonesq;



tempestate primum ; deinde itineris labore fessi , refici possent : tamen & rumor statim urbem peruasit , & non plebeiorum modò , sed etiam optimatum , ac patritiorum non parua multitudo conuenit ; cum ut equos nuper ex Africa aduectos , quos & perpulchros , & ad currendum uelocissimos se accepisse narrabant ; tum ut leones , quòd nonnulli ex ijs rarò , pleriq; autem nunquam id genus ferarum uiderant , perspicerent . Permissus initio ( ne inhumani , & à moribus urbanis alieni uideremur ) ut cunctis aduenientibus paterent fores , & unicuique spectandi facultas iure suo esset : quod quidem magna cum omnium uoluptate fiebat . Non dum primi inde discesserant , cum multis partibus plures ad nos aduolabant , nec homines tantum , sed etiam fœminæ cum plebeia quàm plurimæ , tum magno comitatu primariae : quæ cum non satis haberent , quòd equos ,

leones, canes & turcas illos procera statura, atq; ætate integros conspexissent, quo nam uestitu, ornatuq; ad summum Pontificem deducendi essent, percontabantur: nosq; uehementer rogabant, ut ostendere non grauaremur. Quod quidem ijs eam tantum ob causam abnuimus, ut si prius à nemine uiderentur, quàm in publicum prodirent, cuncta cum multo pulchriora apparerent, tum multò gratiora futura essent. quanquam paucis amicis, & ciuibus, & nobis consanguinitate coniunctis uerecundia obstricti ea uidenda præbuimus. sed eò iam res deuenerat, ut cum illi, qui uiderant, alios de equorum pulchritudine, de leonum ui, atq; natura, & canum genere certiores fecissent, maximi statim ex uicis, domibusq; omnibus, etiam ex agris ad ædes, in quibus commorabamur, concursus fierent. Quare iam nec ad nos concurrentibus obsequi, nec illorum animalium

curam gerere , nec officio nostro satisfacere per tantam frequentiam nobis licebat. Clausus igitur fores , ædiumq; omneis aditus , sed pleriq; humiles uestibuli parietes conscendebant , atq; uidendi studio in ædes penetrare nitebantur , id quod quanquam non sine molestia nostra fiebat : tamen datum nobis negotium curare , munusq; nostrum adornare aliquo commodo poteramus . Quamobrem cunctis ijs animalibus omni adhibita diligentia , curaq; reſectis , cæterisq; rebus ad tantum munus ornandum spectantibus præparatis , ut penitus ea molestia leuaremur , assignatumq; nobis à Sicilia Prorege munus conficeremus , quod maximè cupiebamus , per internuntios Pontifici gratos , & claros uiros cum illo egimus ( nam exploratum nobis erat de nostro ad urbem aduentu , eausq; ei continuò renuntiatum fuisse , multoq; ante , quàm nostra nauis Caietam appelleret

ret, fama ipsum cognouisse, ut, quod com-  
modo eius fieret, quo die ea Aphrodisij spo-  
lia, munusq; accepturus esset, haud inuitus  
iam constitueret. Placuit igitur Iulio Pontifi-  
ci septimum ante idus Februar. diem in eam  
rem constitui; quod existimaret, se eo die  
à cæteris negotijs, curisq; publicis uacuum fo-  
re: & propterea commodum sibi munus no-  
strum accipere, resq; singulas iure suo per-  
otiam contemplari. Quamobrem quod ego  
acturus, dicturusq; eram, meditabar; cun-  
ctaq; instruebam, ut ad constitutam diem, tem-  
pusq; legationis meæ munus tēpestiuè, & quo  
decebat ordine obirem: unoq; tempore Prore-  
gi, qui me miserat, & Pontifici, ad quem les-  
gatus fueram, morem gererem. Iam tota penè  
urbs Pontificis animum nouerat, atq; in maxi-  
ma eius rei expectatione erat; statutumq;  
diem diligenter obseruabat, cum Pontifex, qui  
pridie eius diei mane adhuc in Adriani mole

uersabatur, quo se biduo ante animi, & ludorum, qui eo anni tempore quotannis Romæ fieri solent, spectandorum causa contulerat, mutato consilio per internuntium me monet, ut eo ipso die uesperis in prætorio pontificio cum ipsis Aphrodisij spolijs adesset. se paulo post illuc accessurum, nobisq; operam commodè daturum pollicetur: quòd postridie senatus ob nonnulla, quæ denuo acciderant, futurus erat; quæq; illum differri, alioq; haberi tempore non paterentur. Id mihi, ne mentiar, molestissimum accidit: propterea quòd uidere uidebar me per temporis angustias illius mandatum rectè persequi nequaquàm posse: tamen quoniam illi parendum nobis, & pro uirili parte satisfaciendum erat, nulla interposita mora amplissimum uirum Rodolphum Pium dictis, factisq; egregium, ac præclarum, Cardinalem Carpenssem summa familiaritate Proregi iampridem coniunctum,

cuius consilio ipsius Vegæ instituto tunc maxime nitebamur, conuenimus; remque ipsam, ut se haberet, patefecimus. Etsi ipse quoque mutationem à Pontifice factam multis nominibus grauatè tulit; tamen quoniam morem illi omnino gerendum esse, nec ulla ratione contraueniendum putabat, nobis præcepit, ut omnia ad se transferri quamprimum curaremus: quod facilius domi suæ apparari, ac suorum auxilio maturius instrui possent. Itaque cunctis rebus, quæ uehendæ erant, in uehicula impositis, atque in illius ædes, quas in Campo Martio perpulchras habet, euestigio translatis; equis insuper, canibusque per loca, uicosque à celebritate, & hominum frequentia disiunctos illò perductis, quam maxima potuimus diligentia, ac celeritate equos sterni, Afrorumque instituto, cuius admodum peritus erat Iuuenis, quem mecum ex Sicilia dedita opera aduexeram, eos ornari; Scythas

patrio ipsorum more uestiri : qui leones eas  
ueis inclusos, quiq; arcum, in qua uexilla,  
falcatiq; enses, atq; arcus cum sagittis me-  
rant; quiq; etiam claustrum, uestemq; carce-  
ris ferrent, conduci, cæteraq; omnia instrui,  
parariq; curauimus: quibus non plenè ex sen-  
tentia, cumulateq; , sed ut per breue tempus-  
ris spatium licuit, perfectis, eo ordine è Cam-  
po Martio recta Vaticanum uersus, ubi iam  
Pontifex nos expectare incipiebat, progredi  
cepimus. Præibant equi, sed singuli non ma-  
gno inter se disiuncti interuallo, quos singuli  
Scythæ habenis dextera prebensis uix traher-  
bant ferocia, lætitiâq; interdum exultan-  
tes: læua tamen manu sericis uinculis inser-  
ta singulos itidem canes ducebant. Hos qui  
leones ferebant, insequabantur; quibus qui  
arca onerati erant, adiungebantur. Nouissi-  
mi erant, quarum humeris magnus ille uestis-  
cum claustro gestabatur. Mox ego equo  
uectus

uectus cum paucis equitibus, qui me inuitum  
secuti sunt (nam & diei, temporisq; antea  
constituti mutatio facta fuerat; & mihi è Sic  
cilia abeunti Prorex mandarat ut uno, aut  
ad summum altero comitatus id muneris obire  
rem, nullamq; pompam adhiberem) seque  
bar, agmenq; claudebam. Vt primum equi,  
turcæq; & à leua parte canes ita strati,  
ornatiq; ab ijs, qui in officinis, tabernisq; uer  
sabantur, quiq; uliro, citroq; negotiandi  
causa properabant, conspecti sunt, quibus  
uitas ille, qui è Campo Martio ad pontem  
Aelium, molemq; Adriani illi commissam,  
& inde ad prætorium pontificium ducit, ad  
modum frequens erat, tam rarum illi spes  
taculum uehementer admirati sunt, nec  
explere animum cernendo poterant: cum  
autem Leones in caueis, & arcam, in  
qua barbarorum signa, enses, arcusq;  
cum sagittis clausos diximus, & claustrum,



noctemq; altera arca pro illorum magnitudine  
ferri deinceps animaduertissent, non modò  
illorum admiratio, uoluptasq;, quam ex eo  
spectaculo capere cœperant, uisis leonibus au-  
cta est, sed cum nescirent, quid in arcis illis  
conditum esset, maximo sciendi desiderio ca-  
piebantur. Itaq; ut aliquandiu rerum, quæ  
cernebantur, spectatione lætari; quæq; clau-  
sæ in arcis gestabantur, percontando scire  
possent, pleriq; relictis rebus omnibus nos in-  
sequebantur, tantusq; undiq; in eum uicem,  
quæ transibamus, concursus fiebat, ut uix  
nobis progrediendi facultas esset. Nec pres-  
mebamur solùm multitudine, sed etiam per-  
cunctatione obtundebamur, ac tantus sciscitã-  
di ardor erat, ut manu prehenso comites  
nostros non prius dimitterent, quàm quid in  
arcis conditum; quis tanti, tamq; præclari  
muneris auctor esset, probè nossent. Ex quo  
illud sequebatur, ut munus ipsum summis

laudibus ad cœlum ferrent : Ioanni autem Vegeræ Siciliae Proregi tam rari muneris auctori, quo strenui, fortesq; Principes, quid in uictorijs, quas ex Christianæ religionis hostibus pariunt, acturi sint, monebantur, non solum insigne præconium tribuerent, uerum etiam clarum, magnumq; æternitatis testimonium impertirent. Erant inter eos, qui spectatum concurrerant, quamplurimi ex ijs, qui antea in diuersorio turcas, equos, leonesq;, & canes uiderant, diemq; per ipsum Pontificem constitutum expectabant; ut quo ornatu ad illum deducerentur, spectare possent : cur dici mutatio facta esset, mirabantur : sed quod non eo spectaculo priuati fuerant, mirum in modum gaudebant. qui uerò posterum diem securi obseruabant, seq; spe sua frustratos esse postridie cognouere, & si ex aliorum, qui coram adfuerant, sermone animalium, atq; hominum tum habitum,

ornatumq; ; tum conseruatum in deducendo ordinem didicere : tamen quòd ydem ipsi non suis oculis spectassent , magno dolore afficiebantur : Hispani præsertim , qui non solum uidere , eoramq; adeste , sed quòd ab Hispano Principe mittebatur , etiam comitatu , & quo poterant , honore tam insigne munus prosequi uoluissent . At ego Vegæ præcepti , naturæq; meæ non oblitus neminem ob eius rei causam accersendum censueram ; nec , si forte diei , temporisq; mutatio non facta fuisset , quenq; illorum adsciuissem . Eo igitur ordine , comitatuq; uel molestia potius in Vaticanum montem , prætoriumq; Pontificium peruenimus : iussiq; sumus in coniunctam illi porticum excelsam , prælongamq; ingredi ; atq; ibi Pontificem expectare ; quam perpulchras ædes , amenosq; hortos pulcherrimè æque instruktos est transitus ; quo summi Pontifices cum rebus serijs satisfacere , se cum paucis intimis ,

& familiaribus relaxandi animi gratia con-  
 ferre solent : qui quidem locus ob hortorum  
 amenitatem, liquidas fontium leniter manan-  
 tium aquas, antiquarum statuarum pulchritu-  
 dinem, Laocoontis, Apollinisq; præcipuè,  
 mirabilem ædium structuram, dignitatemq;  
 & lætum in campos Vaticanos, præter la-  
 bentem Tyberim, septemq; colles, & uniuer-  
 sam urbem prospectum, quemadmodum visu  
 pulcherrimus est, sic inde nomen iure optimo  
 traxit. Huc igitur Pontifex Iulius animi cau-  
 sa accessurus, in eo porticu nostra munera  
 inspecturus, accepturusq; erat. Nos ibi in-  
 stitutum antea ordinem immutauimus; ar-  
 camq; primum uectis, claustriq; : deinde signo-  
 rum, ensium, arcuumq; cum sagittis collocaui-  
 mus; mox canes, leonesq; : nouissimi erant equi,  
 turcæq; . Ego autem utranque inter arcam  
 constitutus ut primū summum Pontificem cum  
 non paruo domesticorum, et propinquorū cœtu

(quos inter maximæ indolis, & summæ  
spei adolescens erat Cardinalis Montius Inno-  
centius nomine in amplissimum eum ordinem  
nuper adscriptus, & Ioannes Baptista, quo-  
rum hunc Baldouinus Pontificis frater ex Iu-  
lia Mancina uxore primaria fœmina genuer-  
at, illum superioribus mensibus filium ados-  
ptarat, etiam Ascanius Corneus sororis fi-  
lius) appropinquare uideo, me ad illius pes-  
des confestim abijcio, eosq; prostratus ipse de-  
more osculor; sed ab eo statim subleuatus,  
fariq; iussus; cum antea fuisset ab amplissi-  
mis uiris monitus, ne latinam orationem,  
quam antea meditatus fueram, ullo pacto has-  
berem: proptereaquod dicebant Pontificem  
Iulium eius ingenij esse, ut quicquid literis  
mandatum esset, multo libentius ipse perlege-  
ret, quàm alteri recitanti uacuas aures præ-  
beret: cumq; insuper penè iam aduersperasce-  
ret, illorum consilio, præceptoq; obtẽperare,

& meum ad Pontificis ingenium accommoda-  
 re decreui : præsertim quòd compertum ha-  
 bebam , illum omni liberali doctrina , huma-  
 nitatèq; politissimum , atq; acri, & propè sin-  
 gulari iudicio præditum ; qui de literatis ui-  
 ris , non eos audiendo ( qua in re plerumq;  
 errari solet ) sed illorum scripta perlegendo  
 rectum facere iudicium consuevit . Dixi tan-  
 dem ; composueram Pater sanctissime oratio-  
 nem admodum breuem , qua laudabile Ioan-  
 nis Vegæ Siciliae Proregis consilium , egres-  
 sianq; erga te uoluntatem declararem : eam  
 libenter hic haberem , si exploratum mihi es-  
 set te ea re molestiam animo haudquaquam  
 capturum . ad quod ille in præsentia non opus  
 est , inquit , sed eius exemplum mihi tradas  
 uelim ; ut per otium postea perlegam . Ipse  
 antea consultò descripseram , in manuq; tunc  
 habebam : uixq; Pontifex sermonem absolue-  
 rat , cum descriptam orationem porrexi :

quam alacer ipse, lætusque accepit, manuque clausa seruauit. Tunc ego Italæ lingua Pro-  
regis mandata exposui, resque singulas quam breuissime potui, explicaui. hilari ipse uultu me loquentem audiuit, sed hilariori quidem spolia ipsa, munusque perspexit. Sed quoniam in animo habeo illius meæ orationis exemplum infra scribere, quæ ordo in singulis illis rebus exhibendis à me seruatus constabit, ne eadem sæpius repetendo fastidium, ac satietatem asseram, hoc tantummodo in præsentia dicam Pontificem ita lætum non spectasse solum, sed etiam, leonibus duntaxat exceptis, pertractasse omnia, ut eius intimi, ac domestici immortalem Deum contestantes affirmarent, nunquam illum post summum ab eo initum Pontificatum, uidisse lætiorem. Quamobrem non semel, & iterum stans ipse iussit equos, canesque, per Turcas illos ultro,

citroq; deduci, ut transeuntes uideret, atque illorum specie, visuq; & pretioso ornatu, quibus expleri non posse uidebatur, diutius oculos, animumq; pasceret. Etenim præter ea, quæ ego de illorum Equorum, Canumq; natura dixeram; multa quoque ipse ex me quærebat, an ueloces in cursu essent; possent ne in ludis, qui proximè edendi erant, currere, palmamq; domum referre; an Canes illi in uenationibus utiles essent. Ego autem ad singula illius rogata appositè respondere studebam; ac de equorum, & canum præstantia pro uirili parte diserebam. Memini cum ipse exposuisssem leones cicures esse, mitesq; in ipsius ius, potestatemq; uenire, impuneq; manibus tractari posse, illum iocosè, ut putabam, mihi respondere, atque omnibus, qui coràm aderant, risum mouere;



id scilicet, illarum ferarum ingenium non se  
experiri manibus cupere; sed potius ex alta  
specula uelle despicere. Itaque, quem iocatum  
credideram, serio superiorem ædium partem  
cum Cardinale, quem adoptatum à fratre  
demonstrauimus; paucisque domesticis, cum  
quibus ipse præieram, conscendit; hostiumque  
sera claudi iussit: nec prius è caueis leones  
suis catenis educi uoluit, quam ipse in fene-  
stra illam in porticum uergente locatus esset.  
Tunc iuuenis ille, qui eorum alendorum cus-  
tam susceperat, apertis statim caueis edux-  
it; securusque non tractabat modò, sed etiam  
amplectebatur; alteramque manum in os utrius-  
que nullo accepto detrimento immittebat.  
Quare ita Pontifex ipse cum toto illo comita-  
tu miratus est; ut uix sibi ipsi uidenti fidem  
tribueret: tandem me uera de ijs locutum fuis-  
se perspiceret: at eum, qui confidenter se  
illis committebat, belluam potius, quam hos-

minam appellaret : nam tametsi non improbandus erat , qui tam efferata domisset animalia ; tamen quoniam usu uenire poterat , ut ad pristinam illa feritatem redirent , domitoremq; suum , & alimenta præbentem occiderent ; hæc minimè cogitantem iure omnium stultissimum existimabat : nec prius ex eo loco descendit , quàm inclusos in caueis leones animaduertit . Nec est illud silentio prætereundum , ex quo quanti spolia illa , munusq; faceret , cognosci potuit , cum uexilla , falcatos enses , corneos arcus , pictasq; sagittas illi spectandas , atq; habendas tradidisset , sic illis capi uisus est , ut in arcam statim recondi , atq; ea clausa , nequid se inuito subriperetur , clauem ad se perferri mandaret . Et si ex summa lætitia , quam iam inde à principio præsetulit , potuit facile intelligi nostrum illi munus perquàm iucundum accidisse , cum pretio , rerumq; pondere , tum ipsius auctoris

amplitudine; id tamen ex facunda illius oratione liquidius constitit; qua & muneris claritatem, splendoremq; & summum Vegæ consilium; religiosumq; animum summopere laudauit: deinde quàm pacis; belliq; studijs ualeret; quanti ob immensam ex utrisq; partem gloriam faciendus esset, commemorauit: tantum deniq; illi honorifico sermone tribuit, ut uirum religiosissimum, fortissimum, clarissimum nominaret. Sed ad orationem iam ueniam: cuius me adscripturum exemplum pollicitus fueram.

Consueuere prisci illi Romani Pater Sanctissime hostium deuictorum spolia deorum templis consecrare; ut quibus adiuuantibus uictoriam se adeptos credebant, ijs illam acceptam referrent; seq; ob tantum beneficium haud ingratos declararent. Atq; id laudabile institutum à Romulo huius Urbis conditore acceperunt: qui in bello aduersus Ceninenses

gestocum Acronem eorum ducem, à quo fuerat prouocatus, interemisset, opima illius spolia Ioui feretrio dedicauit. Horum exemplum Ioannes Vega Siciliae Prorex sibi imitandum censuit, ne uerae ipse religionis, Christianaeq; pietatis cultor tam egregium antiquorum institutum praetermitteret; seq; à falsae religionis sectatoribus quodammodo uinci pateretur. Is enim superioribus mensibus (ut tibi exploratum est) in Africam cum Caesaris exercitu traiecit, Aphrodisiumq; Urbem natura loci; & opere munitam, & ualido Turcarum praesidio firmatam expugnauit; atque ex illorum manibus extorsit. Cum tantam igitur uictoriam Deo Opti. Max. acceptam referat, eiusq; uicem tu ipse bono publico in terris geras, qui Christianam Rempub. tot malis oppressam Pontificatus tui initio in libertatem uindicaſti; qui ad hanc parandam uictoriam classe, et exercitu,

Et donis Pontificiæ facultatis ipsum adiuvisti ; sibi faciendum existimavit , ut eorum spoliis partem , quæ victis hostibus detracta sunt , perferendum ad te curaret , ut si quid ex ijs diuino numini sacrandum censeas , id arbitrato tuo facias : cætera in summæ illius erga te benevolentia , uel pietatis potius testimonia habeas : quæ tametsi meritis , & amplitudine tua inferiora sunt : tamen in animum inducas uelim , Siciliae Proregem , quæ summa illius est in te obseruantia , ampliora missurum fuisse , si ampliora hostibus detraxisset .

Est igitur Pater Sanctissime , quod in primis scias hoc esse claustrum , uectemq; tetri carceris , quo Christiani nominis quamplurimi in seruitutem per barbaros abstracti claudebantur : quos inter pueri erant è matrum complexibus per uim auulsi , honestæ mulieres à suis uiris diuise ; & nonnulli sacerdotes ab

ipsis propè altaribus erepti : quibus fracto carcere in libertatem assertis uectis ; claustrumq; Pontificiæ potestati tuæ iure subijcitur.

Signorum, quæ Aphrodisij capta sunt, partem hic Pater Sanctissime uides. Hæc ex munificentissima supra portam turri cæsis ibi hostibus auulsa sunt : quæ ut hostilia antea mœnia exornabant, nunc in illius uictoriæ testimonium in Pontificio hoc Prætorio ad diuini nominis gloriam, & sanctitatis tuæ uoluptatem pendeant.

Hi sunt falcati enses magnorum Ducum, qui Aphrodisio potiti fuerant : ibi fusi Christianorum sanguinis testes erant : hic partæ per Christianos uictoriæ testes sint.

Adsunt et cornei Turcarum arcus, sagittæq; ut quos illi ad Christianorum perniciem constendebant, ij tam perniciosorum hostium arma in tuam potestatem peruenisse testentur.

Libyci adsunt canes Pater Sanctissime aucto-  
rum monumentis celebrati; quibus fidelissi-  
mis ad custodiendum iure tuo uteris: ex ea  
enim terra ueniunt, in qua Masinissa Rex  
Numidiae plus ijs, quàm hominibus fidei ha-  
bebat.

Adsunt & feroces Libyæ leones; qui ingen-  
tæ feritatis obliti mites sub Sanctitatis tuæ iu-  
ra ueniunt.

Adducimus equos Afro more stratos; qui ta-  
met si modò uicti ad te perueniunt, sub tuo ta-  
men iure reliquos in studio equos uincant,  
gloriosamq; currendo palmam referant.

Hos totidem Scythæ manu trahunt; ut qui in  
Africa penè dominabantur, amplitudini tuæ  
cum ijs seruiant.

Hæc qualiacumq; sunt Pater Sanctissime Io-  
annes Vega Siciliae Prorex uehementer te  
orat, ut boni ipse consulas; neue rerum, quas  
mittit, tenuitatem, sed animum tibi deditissi-

mum

num metiare, cui longissimam æque, & felicissimam exoptat uitam.

Ex ijs, qui intimi Pontificis erant, Michaele Angelo Spatha municipi meo præcipuè, qui ne latum quidē unguē ab eius latere discedebat, postero die cognoui illum orationem meā noctu perlegisse, atq; eam uebementer probasse. Hoc haud falsum fuisse perspexi, cum postea Pontificem & officij causa conuenissem; & ut ueniam redeundi in Siciliam peterem: nam cum primum in eius me conspectum dedi, tua, inquit, oratio ita mihi profectò placuit, ut Proregis causa, tuaq; etiam nostra, in lucem omninò dari uelim: quod ex animo ne ille, uereq; diceret, an ut nostris id auribus daret, docti uideant: Ego quæ illum dixisse scio, meisq; auribus audiui subscribere ausus: nec mihi uitio dari uelim, quòd de me ea scribam, quæ si ipse prætermitterem, leges scribendæ historiæ minime



seruarem. Quarè ne id quidem omittam purpuratos patres, aulicosq; omneis, eos præcipuè, ad quos seruos dono, Proregisq; literas seorsum pertuleram, ante omneis Pontificem honorificè me tractasse, magnūmq; honorem, eius enim fores assiduè mihi patebant, habuisse, non paruo denique numismatum, hinc porta, quam sanctam uocant, quam is de more in Christianæ Reipub. salutem, ueniamq; Romæ anno superiore, M. D. L. quem Christiani Iubilei uocamus, aperuerat, & hinc montibus gentilitijs insignitorum numero me donatum in Siciliam remisisse: cum multa prius largè, & honorificè, se, cum primum daretur occasio, mea causa facturum pollicitus esset. Diplomatis exemplum, quod mihi ad Proregem dederat, est quod sequitur.

Quas nobis de expugnato Aphrodisio exuias misisti, libenti animo accepimus: quasq;

nuntius tuus Horatius Nucula exposuit rationes, quamobrem nobis eas dono potissimum miseris, magna cum uoluptate audiuius. Erunt hæc omnia cum tuæ erga nos fili benèuolentiæ, & pietatis; tum uerò pulcherrimæ de Christiani nominis hostibus uictoriæ monumenta. Horum nos alia diligenter asseruari, alia sacro, & illustri loco ad summi Dei honorem affigi curabimus; ut qui ea spectabunt, commonefiant, ad eas uictorias magnos Principes niti debere, quæ ueram illis, solidamq; gloriam de sacrosanctæ religionis deuictis hostibus pariant. Tibi nos quidem de tam luculentis, tamq; pijs muneribus ingentes habemus gratias, optamus uerò, & præpotentis Dei opè, ac fauore freti speramus non defuturam tibi denuo in alijs etiam huic similibus expeditionibus declarandæ uirtutis facultatem: & noua ex infidelium hostium manubijs Deo, diuisq; dona

consecrandi . Nos interea quibuscunq; rebus  
poterimus , sedulò operam dabimus , ut &  
munera ipsa , & alia tua omnia erga nos  
officia nobis quamgratissima fuisse intelli-  
gas . Romæ ad Diui Petri ædem signo pesca-  
toris obsignatum xij. Cal. Martias, salutis.  
M.D.LI. Pontificatus nostri anno primo.  
Ex his Pontificis maximi literis , quam iucun-  
da illi deuicti Aphrodisij spolia accidissent ,  
planè constat : & quod per eas pollicebatur  
se alia ex ijs diligenter asseruanda , alia sa-  
crata , & excelsò loco ad sempiternam im-  
mortalis Dei gloriam affigenda curaturum ,  
quamprimum præstitit : etenim priusq; ipsi  
ex urbe discederemus , vexilla omnia , quæ  
pertuleramus , in supero sacelli eius limine ,  
in quo festis , solennibusq; diebus Summus  
Pontifex cum purpuratis patribus rem diui-  
nam facere solet , quaterna hinc , & hinc cum  
magno illo carceris uectè , claustròq; in medio

positis , affixa perspeximus ; totamq; urbem  
ad ea spectanda fama excitam confluxisse .  
Observauit Pontifex diē memoratu dignum ,  
quo tam præclara spolia diuino numini conse-  
craret : is enim uniuersæ urbi , signis lætitiæ  
quamplurimis ubiq; declaratis festus quidem ,  
& solennis erat , ipsiq; Pontifici Iulio per-  
quàm iucundus : etenim Pontificalibus ille  
amictus uestibus in diui Petri cathedra , sel-  
laq; , in cuius honorem à Christiana Repub.  
idem dies celebratur , mitram auream triplis-  
ci , radiantiq; ornatam corona , quod Pontifi-  
cium insigne est , à Patribus accepit : eaq; est  
magno omnium applausu , lætitiâq; corona-  
tus : & decreto publico solenni illi diei à coro-  
na nomen inditum : is est Martiarum calen-  
darum octauus . ab eo autem , cum Pontifex  
ipse patrum suffragys creatus fuit , quintus  
decimus numeratur : qui dies Romæ quasi  
Dei immortalis festi , solennesq; celebrantur ;

incredibilisq; ob tantum Pontificem conceptæ à senatu, populoq; Romano lætitiæ anniuersarys, statutisq; sacrificijs, epulis, ludisq; publicis fidem faciunt. Sed mutato summus Pontifex consilio, ut spolia illa non patritys, & ciuibus Romanis modo, & incolis, sed etiam exteris quotidie Romam confluentibus magis insignia, & notiora essent, illa ad diui Petri ædem transferenda, atq; eodem ordine, quo antea fuerant, in supero unius ianue limine constituenda, atq; affigenda curauit, iucundissimumq; omnibus spectaculum præbuit. Conspiciuntur igitur in ornatissimo loco illo Aphrodisij nuper deuicti spolia, quo magni, religiosiq; memoriæ nostræ, & posteritatis imperatores præclarum, diuinumq; Ioannis Vegæ factum, atq; ad imitandum expositum summa ope prosequi, atq; imitari contendant, seq; ueros Christi milites esse similibus argumentis, factisq; declarent.

Ad clarissimum Ioannem Vegam Siciliae

Proregem

Ioannes Vitalis Panormitanus.

Magnus Alexander tumulum cum fortis Achillis

Aspiceret, tales edidit ore sonos.

O te felicem, cui contigit auctor Homerus,

Qui caneret dextrae fortia facta tuae.

Te quoque felicem dicit fortissime Vega

Debellatorem terra Libys a suum.

Quod tibi contigerit diuinus Horatius ille,

Ille tuae scriptor nobilis historiae.

Ingenio cuius uiuit tua fama superstes;

Quam nec liuor edax, nec teret ulla dies.

## IVLIVS PAPA III.

**M**otu proprio &c. Cum sicut accepimus, dilectus filius Horatius Nucula Inter ramnensis librum de rebus gestis in bello Aphrodisiensi non sine magnis laboribus, & uigilijs à se compositum hactenus non impressum imprimendum curare intendat, dubi etq; ne huiusmodi liber ab alijs absq; eius licentia imprimatur, quod in maximum suum praeiudicium tenderet: Nos propterea eius indemnitati consulere uolentes motu simili, & ex certa scientia nostra eidem Horatio, ne dictus imprimendus liber per decem annos à quoquam sine ipsius licentia imprimi, aut uendi, seu uenalis teneri possit, concedimus & indulgemus. inhibendo omnibus & singulis impressoribus, librarijs, bibliopolis, mercatoribus, & alys personis ubicunq; degentibus cuiuscunq; status, gradus, & dignitatis

existat sub excommunicatione latae sententiae ; In terris uero sanctae Romanae ecclesiae mediate , uel immediate subiectis , etiam centum ducatorum auri de camera , & amissionis librorum pœnis eidem Horatio applicandis toties quoties contrafactum fuerit ipso facto absq; aliqua declaratione incurrendis , ne dictum imprimendum librum absq; eiusdem Horatij licentia dicto durante decennio imprimere , uendere , seu uenalem habere , uel proponere , nec à latina lingua in uernaculam conuertere ut postea imprimat , aut uendat absq; simili licentia audeat . mandantes etiam uniuersis & singulis uenerabilibus fratribus nostris Archiepiscopis , Episcopis , eorumq; Vicarijs , & Vicelegatis sedis apostolicae , & ipsius status Gubernatoribus , ut quoties pro dicti Horatij parte fuerint requisiti , uel eorum aliquis fuerit requisitus eidem Horatio efficaciae defensionis praesentis



dio assistentes præmissa ad omnem præfati  
Horatii requisitionem contra inobedientes,  
& rebelles per censuras ecclesiasticas etiam  
sepius aggravando, & alia iuris remedia  
appellatione postposita auctoritate apostolica  
exequantur; inuocato etiam ad hoc (si opus  
fuerit) auxilio brachij secularis non obstant  
tibus constitutionibus, & ordinationibus apo  
stolicis, cæterisque contrariis quibuscunque; &  
insuper quia difficile esset admodum præfatum  
motum proprium ad quælibet loca deferri, uo  
lumus, & eadem auctoritate apostolica de  
cernimus ipsius transumptis, uel exemplis  
etiam in ipso libro impressis plenam, & ean  
dem prorsus fidem ubique tam in iudicio, quàm  
extra haberi, quæ præsentis originali habere  
tur; & quod eiusdem præsentis motus pro  
prii sola signatura sufficiat, & ubique fidem  
faciat in iudicio, & extra: regula nostra in  
contrarium edita non obstante.

Carolus etiam Quintus Romanorum Imperator priuilegium eidem Horatio Nuculae concessit, ut nequis in ipsius Caesaris Regnis per decennium imprimere, aut uendere aut in uernaculam linguam à latina conuertere ut postea imprimat, aut uendat supra dictum librum ab ipso Horatio de bello Aphrodisiensi compositum sub iisdem poenis, quae in motu proprio summi Pontificis continentur.

Item clarissimus Cosmus Medices Florentiae Dux eodem penè exemplo priuilegium eidem Horatio concessit.

*Errata animaduersione digna*  
*sic corrige.*

*Pag. Ver.*

- 19 7 *pro uirili nostra parte*  
36 18 *Melphensium Princeps,*  
37 14 *Petri Toleti*  
48 17 *Menynx insula*  
51 4 *ipsa sibi met*  
56 8 *pro sua uirili parte*  
73 II *traiectus.*  
75 17 *caueones*  
77 3 *ita se comparat,*  
96 20 *Aegusam*  
106 18 *ut ipse Vega*  
126 4 *clementiamq;*  
174 18 *Mylarum*  
214 4 *barbariq;*  
215 6 *cōponere edicta, cōposita nomine*

- 238 3 & ibi ad præscriptum  
316 1 fieri posse ;  
357 14 ut in arcam  
360 4 perferendam

Cætera autem perperam impressa quivis fa-  
cile potest animadvertere .

¶ Romæ apud Valerium & Ludoui-  
cum Fratres Brixienſes .

Anno Domini

M.D.LII.

i 19215125

Aug 1942 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1041 1042 10

1000

March 23

4 308

the total number of

*[Faint, illegible handwriting]*

and Father's Birthplace.

inimod onna

James D. M.